





JGL

2196

Col. 20. Leaf. 7.



Digitized by the Internet Archive
in 2018 with funding from
Getty Research Institute

<https://archive.org/details/ioannissigismvnd00elsh>

IOANNIS SIGISMVNDI
ELSHOLTII
ANTHROPOMETRIA.

Accessit
DOCTRINA NAEVORVM.

A D

Sereniss. S. R. I. Principem Electorem

FRIDERICVM
GVILIELMVM
MARCHIONEM BRANDEBVRGICVM.



PATAVII, Typis Matthæi Cadorini.

SVPERIORVM PERMISSV.

M. DC. LIV.

FOR THE YEAR 1851

1851

ANTHROPOMETRIA

BY

JOHN H. HENSON

AND

JOHN H. HENSON

FREDERICK

WILLIAM

WILLIAM

WILLIAM

WILLIAM

WILLIAM

WILLIAM

WILLIAM

WILLIAM

WILLIAM

WILLIAM

WILLIAM

WILLIAM

WILLIAM

WILLIAM

SERENISS. ET POTENTISSIMO
PRINCIPI, AC DOMINO,
DOMINO

FRIDERICO GVILIELMO
MARCHIONI
BRANDEBVRGICO,

*S. R. I. Archicamerario, & Electori, Magde-
burgi, Borussia, Julia, Clivia, Montium
Stetini Pomeranorum, Casubiorum, Van-
dalarum, nec non in Silesia Crosna, & Car-
novia Duci, Burgergravio Noribergensi,
Principi Halberstadensi & Mindensi, Co-
miti Marca & Ravensburgi, Domino in
Ravenstein, Domino meo Clementissimo.*



Avebat olim rerum novitate,
aulam Solis ingressus Phae-
ton: nec juvenis oculi suffe-
rendo splendori paterno pa-
res erant. Accedo majesta-

tem tuam, Serenissime Potentissimeq; Prin-

A

2

ceps,

ceps, sed prostratus humi metu ac tremēs, nisi
circum caput omne micantes

Deponas radios:

nisi appropinquare jusseris, & clementi humanitate tuum animaveris clientem. Temerarius esset, quicumq; non consternaretur illustriſſimo Principis aspectu, cui tot obediunt populi, paret ingens tractus Germaniæ, assurgunt Duces, Reges affinitate junguntur, proſapiam dedere Cæsares? At vero res tuas domi, belloq; & in literis glorioſe gestas non auſim, Sereniſſime Princeps, ob magnitudinem attingere. Scribant iſtæ alij: ſin tacuerint, ſecula loquentur. Adſum ego venerabundus, & ſupplex porrigo ſubiectæ ſignum fidei. Serena frontem ſereniſſimam, & conſecratas tibi deo tutelari has ſtudiorum primitias benignioribus gratiæ radiis aspice.

Patauij Prid. Calend. Iulij, M. DC. LIV.

Sereniſſimæ T. Celf.

Subditus deditiſſimus

Io. Sig. Elsholtius

LECTORIS.



Dmonendus mihi es in vestibulo de eo, quod admis-
 sus in conclave oculis usurpabis, Lector honorāde.
 Vno verbo. Videbis corporis tui symmetriam. Ea
 Latinū nomē nō habet auctoritate Plinij l. xxxvj.
 Natur. Hist. c. vii. commensum tamen vertit Vi-
 truvius, Gellius proportionem nominat. Non au-
 tem intelligimus proportionem, quam membra inter se obtinent
 ex gravitate, vel levitate: quippe qua ad Staticam pertinet. Ita
 pinguedinem omenti in mediocriter pingui ad libra vel sequilibra
 pondus accedere Caspar Bauhinus prodidit, lib. 1. Theatr. Ana-
 tom. c. xij. Cutim humanam in corium apparatusam pendere li-
 bras mercatorias quatuor cum dimidia, intestina omnia post exsicca-
 tionem libram unam, 10. Loselius Anatomicus Regiomontanus in-
 venit. Sanguinis libras xl. in homine iusta ætatis & magnitudinis
 haberi Riottanus asserit, l. De motu circulat. sang. Sed intelli-
 gimus proportionem mensura. quam partes inter se ratione longitudi-
 nis vel brevitatis, crassitie vel gracilitatis mutuo servant. Nec ta-
 men expectes hic commensum partium internarum, quo Herophi-
 lus intestinum ventriculo continuum δωδεκάδκτυλον nuncupavit,
 quod duodecim digitos aquaret, Galen. l. vi. Admin. Anatom. c. ix.
 alij uniuersa intestina longitudinem hominis sexies plus minus su-
 perare animadvertunt, ut refert Casp. Bartholinus. l. 1. Inst.
 Anatom. c. x. Henricus Ernstius l. ij. Observat. c. xxxvii. Sunt
 enim, inquit Leonhardus Lessius lib. 1. De Providentia Numi-
 nis c. 1. certæ proportionēs etiam ad partes internas singulas,
 ad ossa, ad viscera, ad nervos, arterias, venas, musculos:
 adeo ut plulquam centum millia proportionum in solius ho-
 minis fabrica sint consideranda. An igitur, ut cum Galeno lo-
 quar l. xvij. De usu part. c. 1. Polycletum quidem jure admira-
 bimur.

bimur propter partium statuarum, quæ Canon fuit appellata; convenientiam ac proportionem: naturam autem non modo non laudabimus, sed omni etiam arte privabimus, quæ partium symmetriam non solum extrinsecus more statuariorum, sed in profundo etiam servavit? *Quicquid sit, iacet neglectior illa doctrina nescio suo merito, an nostra incuria.* Quapropter aliena ipsam linquentes diligentia, illi soli adharebimus impræsentia, quæ partium externarum symmetriam complectitur, pluribus exculta, paucis descripta. Euphranor Isthmius, si fidem habemus Plinio, l. xxxv. c. xj. primus symmetriam usurpavit, & de ea volumina composuit. Composuere procul dubio & alij, quorum tamen scripta ad manus nostras non pervenerunt. Sparsim multa reperies vestigia huius scientiæ tam apud Classicos omnes, quam alios & veteres & recetiores. Ex professo autem hoc argumentum sibi tractandum vix aliquis, quod ego sciam, suscepit præter artificem illum incomparabilem Albertum Durerum Germanum, qui inter alia excellentis ingenij monumenta An. Aer. Ch. 1528. literis mandavit volumen eximium, quo proportionem à natura in humani corporis compositione observatam tam mira diligentia persecutus est, ut artis fundamenta si expendas, vix quicquam amplius huic argumento addi possit. Admiratias tamen interdum delabitur, quas sequi pictoribus neque statuarijs expedire, homini literato non item. Nos, quod impense delectamur hoc studiorum genere, lætando aliquot abhinc annis quæ hunc, quæ alios eius commatis auctores, nonnulla subinde excerptimus, excerpta in ordinem redegitimus, & experimentis repetitis tum confirmavimus, tum auximus. Natum inde nobis sub manu quasi præsens opusculum, quod quia Cl. aliquot Viris probatum fuit, & dignum publica luce iudicatum, audent tua fretum benevolentia, Amicissime Lector, in auras prodire, Vale, & conatum nostro inveniri fave.

E Go Fortunius Licetus Genuens, de mādato Reuer. P. Inquisit.
Padua, P. M. Fr. Antonij Vercelli à Lendenario, vidi praesens
Opusculum de Anthropometria V. Cl. Ioannis Sigismundi Elfsoltij
Germani: quod impressione dignissimum iudico propter eruditam
eius doctrinam, qua nihil contra Fidem, Principes, aut bonos mores
continere, mihi visa est. Vt enim Margaritarum, quibus origo cae-
lestis esse vulgo censetur è matutino rore conchas facundante, pre-
tiositas uniuersa dependet ex unionum insigni magnitudine, rotun-
da figura, eximio candore, laboreque superficiei: Sic hominem, cui
vere caelestis est origo, forinsecus à Deo rationali anima corporibus
infusa mortalibus, ceu mysticam Orbis uniuersi summam considerās
Excell. Autor, docta meditatione corporis humani magnitudinem
apte metitur: figuram, partiumq; visui prostantium symmetriam mē-
tis oculo perspectam diligentissimo reddit: euidenti pariter & solida
cum utilitate Medicis ad aegritudines & sanitatem ex arte curan-
das: Physiognomis ad latentes hominum mores introspectiendos:
Philosophis ad Analogiam parui cum magno Mundo commu-
nem agnoscendam: Pictoribus atq; Sculptoribus ad humanas ima-
gines exacte penicillo, scalpelloq; formandas: Omnibus deniq; Mu-
sarum alumnis ad mentes naturae sciendi cupidas oblectandas, ple-
noque literario necesse nutriendas.

Ita testor ego Fortunius Licetus manu propria. Patavij III.
Calend. Iulij M. DC. LIV.

OCTAVIANVS MALIPETRI POTEST.
NICOLAVS CAPELLO CAP.

Bartholomaeus Monsiliceus Vic. P. V. G. Vidit.

Stante supradicta Attestatione

Imprimatur

Fr. Bernardinus de Mattera Pronic. S. Officij.

INDEX CAPITVM.

- C**AP. I. Anthropometriæ encomium, & utilitas in Arte Medica.
- Cap. II. Utilitas in scientia Physiognomonica.
- Cap. III. Utilitas in re Pictoria, atq; Statuaria.
- Cap. IV. Utilitas Ethica.
- Cap. V. Analogia humani corporis cum systemate mundi.
- Cap. VI. Humani corporis figura qualis: & quomodo mutatur.
- Cap. VII. Figura corporis humani ut variet ex ætate, & morbo.
- Cap. VIII. Magnitudo humani corporis quos habeat terminos.
- Cap. IX. Quid corpus proportionatum, & quo modo mensurandum.
- Cap. X. Symmetria Capitis.
- Cap. XI. Symmetria capillitij.
- Cap. XII. Symmetria Faciei.
- Cap. XIII. Faciei in partes distributio.
- Cap. XIV. Symmetria Frontis.
- Cap. XV. Symmetria Oculorum.
- Cap. XVI. Symmetria Nasi.
- Cap. XVII. Symmetria Labiorum, ac Mentis.
- Cap. XVIII. Symmetria Genarum.
- Cap. XIX. Symmetria Auricularum.
- Cap. XX. Symmetria Colli.
- Cap. XXI. Symmetria Brachij.
- Cap. XXII. Symmetria Thoracis.
- Cap. XXIII. Symmetria Ventris.
- Cap. XXIV. Symmetria Cruris.
- Cap. XXV. Anacephalæosis.
- Cap. XXVI. Doctrina Nervorum.

IOANNIS SIGISMUNDI

ELSHOLTII

ANTHROPOMETRIA.

C A P. I.

Anthropometria encomium, & utilitas in arte Medica.



SI sua sibi virtus uberrima merces sit, nec
egeant aliena laude res per se expetendæ :
laudatas tamen magis inclarescere, certum est.
Magis radiat scalpum expertus adamas, ma-
gnes chalybe munitus trahit fortius, altiusque
surgit sufflatus ignis. Anthropometriæ licet
sua ex sese satis constet dignitas, nec opus ea
habeat aut suspensa hedera aut accersitis aliun-

de encomijs : debita tamen laude evecta quin impensius placitu-
ra sit, nullus ambigo. Honeſta ipſa eſt, quia ſcientia. ſcientia
autem omnis res pulchra atque honorabilis, decreto Philoſophi
lib. 1. de Anim. cap. 1. Iucunda etiam, quia noſſe ſeipſum & men-
ſuram partium ſui corporis, haut leviter oblectat. Sed vero, cum
noſtro hoc ſeculo mortales nulla re magis, quam commodo mo-
veantur atque utilitate : operæ me pretium facturum arbitror, ſi
per artes aliquot & diſciplinæ primarias ejus uſus largiter diffundi,
monſtravero. Et quoniam, ſuffragio Divini Senis in *Lege*, Medi-
cina ſibi primas vendicat earum artium, quæ in munere animi po-
ſitæ, artiſicem in ſenectute non deſerunt, ut loquitur Galenus *Orat.*
ſuaſor. ad Art. cap. vj. ſed cum morte ejus finiuntur : itaque ab ipſa
exorſi, delibabimus præcipua aliquot commoda, quæ arti Medica
præſtet præſens de proportionẽ corporis noſtri tractatio.

B

Cor-

Corpus humanum quoniam quantum est, trina dimensione necessario constat, resolviturque in superficies & lineas omnis generis. Illæ superficies & lineæ quamvis in formatione fœtus inter se coadaprentur eo pacto, ut resultet figura singulis hominibus communis: ipsa tamen nec summum perfectionis gradum semper attingit, & cum vicio requisitæ proportionis frequenter est coniuncta. Sic tibiæ figura communis est, quod sit recta, oblonga, ac penes teres: nec tamen his absolvitur integra tibiæ conformatio, cum respectu sui corporis peccare adhuc nimia longitudine aut brevitate queat. Atque hinc oritur tanta membrorum, immo ipsorum hominum inter se dissimilitudo, ut duos penitus similes vidisse miraculo sit. *Plinius l. b. ii. c. 1.* Scire hæc vitia figurarum tam in excessu, quam defectu, tantopere Medici interest, ut disertis verbis id præceperit ipsemet medicinæ parens *l. De veteri medic. Multa alie sunt, ait, & extra & intra corpus figurarum species, quæ magnopere differunt, quod ad affectiones attinet, tum agroto, tum sano. Videntur capita parva aut magna, colla tenuia aut crassa, longa aut breviora, ventres longi aut rotundi, pectoris & costarum latitudines aut angustie, & alia infinita, quæ omnia nosse oportet quatenus differant, quo cussas singulorum cognitas probe observes.* At quotusquisque hæc omnia nosse poterit ante, quam notitiam perfecti corporis sibi comparaverit, ad quod tanquam Polycleti statuem, de qua *Fabius l. xx. cap. x.* errores reliquorum examinet? Ecquis probabit vilitatem aris auro incognito, æstimabit absque vitiis extremis virtutem, aut recti nescius obliquum? Anthropometria autem est ille Polycleti canon, est lapis Lydius, est regula recti. Ea instructus differentias figurarum excedentes vel deficientes protinus discernet, temperamenta hominum facillime augurabitur, multarum tricas difficultatum in lectione Veterum feliciter expediet. Exacte sciet, quales sint ad tabem magis dispositi, quos *Πρωιδας* nominabat Hippocrates, & *πτερυγιδης* Galenus, angusto pectore & scapulis alatis. Perfecte noverit, cuiusmodi genus hominum fuerint Macrocephali apud eundem Hippocratem, quid sit acutum caput, quid valida cervix, & exinde robur colliget ossium, aliarumque partium, ex *vi. Epidem. sect. 1.* quales sint ventres graciles, & quod cum periculo purgentur inferius, ex *ij. phor. xxv.* Item longis pedibus præditos alio fluentiori esse, & propterea lenius evacuandos: qua de re confertur Spigelius *l. 1. De hum. corp. fabr. c. xi.* Callebit ex decreto Hippocratis

cratis *l. de Fractur.* luxationum & fracturarum extensiones quam directissimas facere: quum constet, artus luxatos aut fractos se ipsis integris multo fieri breviores, quam contractionem necessario sequitur figuræ naturalis immutatio. Ea terrebbe imperitum chirurgum, facile emendabitur ab illo, qui medias membrorum figuras ex doctrina anthropometrica sibi familiares reddiderit.

Cæterum contendet nasutus aliquis, non esse opus tanto apparatu in addiscendis corporis figuris, cum quilibet de plebe ciceris emtor caput magnum à parvo, ventrem gracilem ab obeso discernere non nequeat. At vero, non hic agitur de conferendis duorum hominum capitibus inter se, quæ res obvia est: sed iudicandum de uno solo, respectu sui corporis, an rite sit proportionatum, necne. Et quomodo quæso idiota aliquis de ventris tenuitate sententiam feret ex fundamentis artis, debitaque mensura, quam ignorat? Quod si solo aspectu bene iudicet, id fortuito accidit. Fortuna autem & casus exulant à scientijs, nec habent causam definitam, ex Aristotelis *l. ij. Physic. c. iv.*

Non desunt plura, eaque insignia emolumenta, quæ ex doctrina hac in Medicinæ cultores affatim redundare possunt. Verum ipsis recensendis cum vitandæ prolixitatis gratia supersedere cogamur, ad Physiognomica ob materiæ affinitatem jam nunc transibimus.

C A P. II.

Utilitas in scientia Physiognomica.

Divinationum genera alia superstitiosa sunt, alia naturalia. Divinat licite agricola de futura aeris temperie ex traditione avita: Astronomus eclipses post secula venturas prævidet: per signa Medicus iudicat de morbi eventu. Adeo non est absurdum, mentem humanam rerum præsciam esse futurarum.

Non differt à prognosi medica divinationis illa species, quam physiognomonicam vocamus: & si differt, in solo fine erit discrepantia, cum subiecto plane convenient, quod utrique est corpus humanum. Nec tamen mihi hic sermo de latissima illa Physiognomiæ acceptione, qua Naturæ cognitionem sonat, dividiturque in Cœlestem,

Herbariam, Brutorum atq; Humanam, de quibus singulis extant peculiare Traſtatus ſolertiſſimi naturæ ſcrutatoris Io. B. Portæ Neapolitani. Humanam ſolam indigito, quæ reliquas tantum ſuperat, quantum viburnâ lenta celſiſſimæ cupreſſi. Summus naturæ apex eſt homo, & cippus mundano ædificio complementi vice impoſitus: circa cujus cognitionem quæcunque occupantur ſcientiæ, neceſſario alias, humiliori gradu damnant.

Occupantur circa ipſum & Medicus & Phyſiognomon, cognitione ob cõmunioneſ ſubiecti artiſſima. Anquirir in hominis temperamentum per ſigna Medicus, idem facit at Phyſiognomon: ille ad cognitionem morbi, hic ad cognitionem ingenij. Cognito ingenio patent *mores animi*, quos *temperamentum corporis ſequi*, ad mentem Platonis, Ariſtoteliſ ac Hippocratiſ ſingulari libello Galenus oſtendit. Perſpectis ingenio ac moribus hominis in proclivi erit, prudenti quadam illatione de actionibus, quales futuræ ſint, ſententiam ferre. Sane ſi ſux quiſque fortunæ faber eſt, nec caſu cœco omnia rapiuntur: concedere cogimur, fore ut bonas actiones bona ſequantur, pravæ infortunia. Quod ſi contrarium evenierit, erit illud ex accidenti, de quo non iudicat ſcientia.

Habent nihilominus præter hæc ſigna cum Medicis communia, propria quædam Phyſiognomi, ex quibus de natura & fortuna hominum aliquid colligunt, quæq; ipſis ſuggeſſit aut conjectura ſagax, aut diuturna obſervatio. Quin immo communia illa ſigna ſibi propria reddunt, ad ſuum finem ea dirigendo atq; reſtringendo. Et quanquam ſigna in univerſum fere nitantur accidentibus varijs, deſumanturque a partium quantitate, numero, colore, & id genus alijs: quantitas tamen in pleriſq; præualeat. Ita ex fronte mediocri optima quæq; auguratur Phyſiognomon: ex juſto majori ſegnem & craſſum intellectum arguit: ex parvula nihil ſibi promittit auguſti. Rotundam iracundi argumentum eſſe, & latam in phreneſin proni, ſtatuebat Ariſtoteleſ *l. 1. Hiſt. Anim. c. viij.* Diſtancia umbilici à præcordijs reſpondere debet peſtoris longitudini. eam ſi excedat, voracitatiſ hominem redarguit, teſtimonio eiufdem *l. Phyſiogn. c. vj.* Brachiorum brevitatem imbecilliſſis hominis indicium eſſe, fidem fecit crebra animadverſio, longitudinem robuſti. Ex oculis magnis bonitatem, ex parvis malitiam prædicat Hippocrates *l. 2. Epidem ſ. 5.* Capite parvo præditum

ditum neq; balbum esse posse, neq; calvum, nisi fuerit glaucus, idem auctor est ibidem *sect. v.*

Et quid attinet, infinita ejusmodi huc accumulasse, cum Sole meridiano clarius sit, neminem absq; notitia naturalis genuinæq; quantitatis, accurate intelligere, quantus oculus magnus ac parvus, quantum brachium longum aut breve esse debeat? Quod si fallaci oculorum judicio rem totam committere satagat Physiognomiæ studiosus, usu ipsi veniet idem, quod nataturis sine scirpo tyronibus.

C A P. I I I.

Utilitas in arte Pictoria, atq; Statuaria.

Pictoriam inter liberales referebat Galenus, *Orat. Saxor. ad art. c. vi.* estq; revera ars ingenuo homine dignissima. Imitator naturæ Medicus audit: nec minus ipsam æmulator pictor, dubiam sæpenumero illi reddens gloriæ palmam. Quotusquisque ignorat Apellis Protogenisque laudes? Cui non dicta sunt Zeuxis & Parrhasij facinora? Moriuntur oppida, ferrum rubigo consumit: ipsorum nominibus vim inferre nulla temporis edacitas potuit. Similis est Statuariæ dignitas, ni fortasse major: certant hercle de victoria istæ, & adhuc sub iudice lis est. Vivit adhuc Praxitelis Venus Gnidia furtivum passa coitum, & Phidiæ Iupiter Olympius ex ebore. *Plinius l. xxxiv. c. viij.*

Quicquid sit, utraque ars tantum debet Anthropometriæ, ut absque hac umbræ fiat: tantum abest, ut illum dignitatis gradum sustinere valeant. Quamvis enim earum subiectum sit, quodcumque gremio suo ostentat tota hæc rerum universitas, nec ad solum hominem ipsa restringatur: extra tamen dubitationis aleam positum, nulla re magis, quam in effigendo homine, artificis elucescere ingenium. Atqui nec fingi, nec pingi homo artificiose poterit ignorato mutuo partium commensu, cujus solius beneficio ac usu cum Vitruvio *l. ij. c. ij.* audacter assero, omnes olim egregios pictores tantam famæ celebritatem, tantasque laudes fuisse affecturos: immo

immo quicumque sequentium annorum longa successione emicuerunt alicujus nominis artifices, antiquorum hæc in re vestigia pressisse. Illustrat hujus sententiæ veritatem ignarum genus rhyparographorum, sculptorum, figulorum, fusorumq; quorum vitia quotidie clamant imagines atque statuæ inconcinnae, & in quibus artificis imperitia merito deridetur illo Horatiano *l. De art. poet.* quando jungit

Humano capiti cervicem pictor equinam.

Profecto, nisi Stasivratæ exacte constitisset de membrorum mutuo cominentu, quale is monstrum ficturus fuisset ex Atho monte, quem asseverabat aptissimum esse recipiendæ Hephæstionis figuræ, cui unice ac fratris loco dilecto, testimonio Curtij *lib. 1.* monumentum fieri pretiosissimum volebat domi or orbis Alexander? Promittebat autem Stasivrates, montem ita à se formatum iri, ut non solum Hephæstionis referret corpus: sed ut brachia quoque adaptarentur cum manibus, quantum dextra nav gabile flumen in mare prunderet, sinistra populosum complecteretur oppidum. Colossus Solis Rhodi, quem fecerat Chares Lyndius, non tantum admirandus fuit ob vastitatem molis, sed ob servatam simul membrorum speciosam symmetriam. Eam in operibus suis præ reliquis diligentissime custodivisse Lysippum Plinius testatur *l. xxiv. c. viij.* unde statuariæ arti plurimum contulit, nova intactaq; ratione quadratas veterum statuas permutando: vulgoque dicebat, ab illis factos quales essent homines, à se quales viderentur esse.

Nec est, quod quis per solas pictorum aut marmorariorum manus nobilissimam hanc scientiam vagatam olim esse suspicetur, cum antesignani Philosophorum ab ea addiscenda non abstinuerint: immo excelluerint adeo, ut ex mensura pedis Pythagoras mira subtilitate ausus sit venari per certas collectiones proceritatem Herculis, referente Plutarcho in libro, quem *de Herculis, quali inter homines fuerit animi corporisque ingenio & virtutibus*, conscripsit. Nam cum fere constaret, curriculum stadij, quod est Pisæ ad Iovis Olympij, Herculem pedibus suis metatum, idq; fecisse longum pedes sexcentos; cætera quoq; stadia in terra Græcia ab alijs postea instituta, pedum quidem esse numero sexcentum, sed tamen aliquantulum breviora: facile intellexit, modum spatiumq; plantæ Herculis ratione proportionis habita, tanto fuisse quam aliorum procerius, quanto Olympicum stadium longius esset,

esset, quam cætera. Comprehensa autem mensura Herculani pedis, quanta longinquitas corporis ei mensura conveniret, secundum naturalem membrorum omnium inter se competentiam, modificatus est: atque ita collegit, quod erat consequens: tanto fuisse Herculem corpore excelsiorem quam alios, quanto Olympicum stadium cæteris pari numero factis anteiret. *A. Gellius l. 1. Noct. Att. cap. 1.* Pari ratione narrat *Apollonius Grammaticus*, Neronis ætate terræ motum fuisse, quem etiam Sicilia non paucæ urbes persenserint, quique Ponticas non paucas gentes affligerit. Enimvero quibus locis terra à se divulsa fuit, ingentia esse reperta cadavera, quorum magnitudine stupefacti incolæ non ausi ea loco movere, indicij causa Romam miserunt dentem uni exemptum, qui pedis mensuram non attigit modo, sed etiam superavit, quem Legati Tiberio ostendentes, simul etiam quasi-verunt, velletne heroem, cuius is fuerit, ad se afferri? Ibi Tiberius prudenter eo consilia direxit, ut neque cognitione magnitudinis seipsum privaret & spoliandorum cadaverum flagitia evitaret. Insignem quendam Geometram, nomine Pulchrum, faciem fingere iussit, proportionem denti respondentem. Qui dimensus, dentis quantitate perspecta, quanta faciei, & quæ totius corporis moles futura esset, celeriter opus absolvit & ad Imperatorem attulit. Is sufficere sibi hoc spectaculum dicens, dentem eo, unde eras allatus, remisit.

C A P. I V.

Utilitas Ethica.

Sapientiæ præceptum est ex valvis templi Delphici translatum: *Γνῶσι σεαυτῶν*. Ad animum illud referendum sit, an ad corpus, à quam multis dubitatum fuit. Si quid certi hac in re dicendum, ego ad corpus imprimis illud referrem, ad animum secundo. Quod si etenim intellectus noster est rasa similis tabula, in qua nihil scriptum est, scribi omnia possunt: si nihil est in intellectu, quod prius in sensu non fuerit, adeoque per instrumenta corporis actiones suas humana mens exercet: infallibiliter concluditur, quod cognitio corporis præcedere cognitionem animi debeat, quodque diciturum

Apol-

Apollineum primario nos ad corporis cognitionem exhortetur, quod perspecta ejus fragilitate ad excolendum animum magis incendamur : immo ut hoc tramite in cognitionem animi nostri , qualis ille sit , facilius deducamur .

Confert huc suos usus Anatome, viscera aperiendo latentia : confert suos etiam Anthropometria, partium inter se proportionem mutuam expendens, etiam si oppido pauci sint, qui iussu Horatij l. 1. *Epist.* suo se modulo ac pede metiantur . Geographorum lubinde miror vix superandam industriam, qua id præstitum, quod majores nostri nunquam credidissent . Miror tabulas eorum chorographicas & topographicas , quibus vel vilissimorum pagorum distantias summa cura dimensi sunt . At miror non minus ipsorum oscitantiam, qua paucissimi forsitan sua ipsorum corpora mensurare unquam instituerunt . Perelegans est tristichon , quod vetus Epigrammatographus, negligentiae huius cenfor argutus, nobis reliquit :

Εἰπὲ πόθεν σὺ μετρεῖς κόσμον, ἢ πέρατα γαίης,
 Ἐξ ὀλίγης γαίης σῶμα φέρων ὀλίγον;
 Σαυτὸν ἀριθμῆσον πρότερον, ἢ γνῶτι σαυτὸν,
 Καὶ τοτ' ἀριθμήσεις γαίαν ἀπειρεσίην.
 Εἰδ' ὀλίγον πλὸν τὸ σῶματός ἐ καταριθμῆς,
 Πᾶς δύνασται γνῶναι τῶν ἀμέτρων τὰ μέτρα;

*Eare age, quid mundum metiris, & ultima terræ,
 Cum tibi de modico sis breve corpus humo?
 Te prius explores, & nosce . hinc plurima vastæ
 Sunt loca telluris, dinumeranda tibi.
 Corporis at si non glebam metire pusilli,
 Qui potes innumera nosse rei numerum?*

Profecto si insaniae vicinus judicari meretur paterfamilias, qui situm, magnitudinem, atque conclavia alienarum ædium in digitis numerare, suæ domus neutiquam posset . multo magis eiusmodi Geographus, proprio monstrans exemplo, quam temere gnomon Delphicam neglexerit .

Nec vero est, quod quis cavilletur angustos humani corporis terminos, quorum ad machinam mundi augustissimam vix dari comparatio videtur . Etenim, ne quid de decantata omnibus Microcosmi.

cosmo & Macrocosmi analogia in medium adducam, longe sane plura sunt accidentia, quæ rem quampiam reddere valent admiratione dignam, quam sola magnitudo. Præterea continetur in unoquoque nostrum, quicquid superbissima uniuersi habet moles. Celeritates orbium cælestium, arietantium elementorum, pullulantium satorum, arborum & animalium omnium naturæ & vices in puillo spirant pectore nostro. Parum est quod dixi, nec dum humilitas linguæ asluigit, quo debet, rerum miraculis depressa. Aethereos in nobis spiritus & Genios, Deumq; imensum, quo nihil maius excogitari potest, angusto cordis thalamo inclusum circumferimus. Itaq; non incredibile est (saltem ad mentem Poetarum) hominem posse omnia, atq; cælo Lunam deducere, horrendis nimbis & fulminibus sævire, ventorum geminare & minuire murmura, ipsamq; naturam potentiore quassare dextra. Habet utiq; hic philotheorus, quod speculetur, quoq; animum suum cum oblectet, tum exerceat: nec est quod corporis parvitatem accuset, quippe in quo tantæ latent opes, ut diligenter expensæ vel ipsos gentiles ad veri Dei cultum liaut raro commoverint. Ecquid obsecro præter huiusmodi contemplationes, Galenum eo adegit, ut suos de ulu partium Commentarios sapientissimo illi Conditori nostro, ceu hymnum sacrum componeret, l. iij. c. x. in eo veram esse pietatem existimans, non si taurorum hecatombas ei plurimas quispiam sacrificaverit, et casias, aliaq; sexcenta unguenta suffumigarit: sed si noverit ipse primus, deinde exposuerit alijs, quænam sit ipsius sapientia, quæ providentia, quæ bonitas: ignoratio quorum summa impietas est, non si à sacrificio abtineas. Eapropter ultimum horum librorum *ἑπὶ τῶν θεῶν* insignire voluit Galenus, similitudine à Lyricorum choris desumpta, in quibus *σπῆν* quedam erat, atque *ἀντίσποδος*, tertius autem *ἑπὶ τῶν θεῶν*, quo stantes ante deorum aras canebant, hymnis ipsos celebrantes, l. xvij. c. ult.



CAP. V.

Analogia humani corporis cum Systemate mundi.

Recensitis vtilitatibus, quibus præcipuis aliquot disciplinis prodest doctrina anthropometrica, & quomodo varijs hominum generibus inferuat: ad rem nunc propius accedamus, locuturi initio de ijs, quæ ad proportionem corporis humani generatim spectant, postea partes singulas singulatim examinabimus.

Inter illa prima statim fronte se offert proportio pulcherrima, quam corpus humanum obtinet ad systema relatum uniuersi: de qua analogia dicendi hic locus esset per quam opportunus. Est enim homo, ex sententia Philosophi *l. 1. Hist. Anim. c. 15.* ad vniuersi orbis habitum institutus; immo parvus quidam mundus, vt ab eodem nominatur *l. viij. Physic. t. xviij.* dum in hæc verba prorumpit: *Si in animali hoc fieri potest, quid prohibet idem hoc accidere & in vniuerso? Si enim in paruo mundo sit, & in magno: & si in mundo, & in infinito.* Etenim quemadmodum anima hominis nobilissima est formarum omnium, quæ sub Luna concauo existunt: ita corpuseiusdem metron absolutissimum est corporum omnium. *l. ij. de anima t. xxix. & l. vi. Ethic. c. vij.* Non potest, auctore Vitruvio *l. iij. Archit. c. ij.* ædes ulla rationem habere compositionis, nisi ad hominis bene figurati membra habuerit exactam rationem. Quod si dixeris, ipsam mundi compagem esse ad symmetriam hominis bene figurati coagmentatam, suffragium merebor ipsius Aristotelis, qui in vtroque sex agnovit loci positiones seu differentias, quarum binæ ex singulis dimensionum speciebus enascuntur *l. ij. de Cæl. t. vij. & seqq.* Longitudinis enim principium Sursum nominat, finem Deorsum. Latitudinis principium Dextrum est, finis Sinistrum. Profunditatis principium Ante, Retro finis. Cleomedes apud Cællium Rhodiginum *l. 1. c. 7.* uniuersi partem superiorem cælum esse censebat, inferiorem terram: anterius occidentem, posterius orientem: dextrorsum septentrionem, sinistrorsum meridiem. Augurum scientia dextras ad meridiem partes statuit, ad Septentrionem sinistras.

niſtras, teſtimonio T. Livij l. ab Urb. Varro l. 6. de Ling. Lat. fragm. paullo aliter eas partes digeſſit, aliterque alij, ut videre eſt apud Pic- rium l. ij. Hieroglyph. in Tauro. Quicquid ſit, homini quoque ſuæ ſunt plagæ: Facies pro oriente, pro occidente Dorſum, Latera meri- diem ſpectantia & ſeptentrionem. Caput cœlum refert, terram pedes- tertunt: ſicut contra plantarum ea pars, qua alimentum ſugunt, terræ inſigitur, unde homo planta inverſa dicitur, aut planta potius homo inverſus; qua de re diſſerit contra Empedoclem Philoſophus l. ij. de Anim. l. xxxviii. Præeſt ſuo Luna capiti, thoraci Sol, Venus abdo- mini: quatuor extrema reliqui occupant Planetæ. Ea ſingula eleganti effigie expreſſit Cornelius Agrippa l. ij. Occult. Philoſoph. c. xxij. Summa- tim: *Habet homo partes ſuas ita diſpoſitas, ut in eo & ſuperius ſit, & inferius, & prius, & poſterius, & dextrum, & ſiniſtrum, ad ſitum orbis uniuerſi ſuperiorem, inferioremque, quum caterorum animalium genus vel omnino reſpectu eiufmodi careat, vel confuſius conſtet, ex lib. 1. Hiſt. Anim. c. xv.*

Ita controuerſum eſt centrum mundi, dum Ptolomæus terram, Solem Copernicus illud conſtituit: controuerſum itidem centrum microcoſmi, quod alij in umbilico, in pube alij collocant, aut præ- cordijs. Pubes ſanè centrum eſt hominis expaſi, decuſſati umbili- cus, præcordia extenſi. Patitur ſua meteora uniuerſum, dum à radijs ſolaribus eleuati vapores in nebulas, nubes, grandinem, nives coagu- lantur. In Paruo mundo aſcendunt exhalationes ex inferiori corpo- ris regione, caputque petentes illud implent tantisper, dum in for- mam lachrymarum, aut muci, aut ſputi collectæ per oculos, aut na- res, aut palatum expurgantur. Audiuntur fremitus in terræ motu, & tonitrua in aere: audiuntur etiam in homine bombi abdominis, ruſtus oris, tuſſes pulmonum, ſternutationes naſi, tinnitus aurium. Fertur Oceanus per occultos meatuum anfractus, uſque dum ex ter- ræ penetralibus erumpens, in flumina ſe promat Oceanum mox repeti- tura. Fertur ſanguis ex corde per arteriarum ramosos canales ad ex- tremas corporis partes, quo uſque in venarum oſcula receptus ma- gno impetu ad fontem ſuum redeat: quem circulum noſtra nobis de- texit ætas. Vnde Manilius lib. iv.

Quid mirum, noſcere mundum

Si poſſunt homines, quibus eſt & mundus in ipſis,

Exemplumque Dei, quiſque eſt in imagine parua?

Nos, ne post Homerum Iliada scripturi videamur, gradum hic firmus, nec in quærendis similitudinibus ulterius progredimur: præsertim cum argumentum hoc persecuti sint, & ad perfectionem deduxerint Nanzelius, Scipio Claramontius, & Fortunius Licetus Vir diuinarum, humanarumque rerum scientissimus lib. singulari, cui titulus: *De mundi & hominis analogiâ*. Habet utilia quoque Andreas Laurentius l. i. *Hist. Anat.* atque alij.

C A P. V I.

Humani corporis figura qualis, & quomodo motu varietur.

CUm in tota hac doctrina de figura corporis humani frequentissima incidat mentio, ne qua vocabuli ambiguitate laboremus, antequam ulterius provehamur, quid ea sit, & qualis, & quot modis varietur, exponendum esse duximus.

Formam & Figuram Philosophus l. *Categor.* ad Qualitatem retulit, per Formam non intelligens internam, quippe quæ principium corporis naturalis, & mutationis expers: sed externam. Quod si quæratur, quid Forma externa à Figura distet, respondetur versiculo:

Formam viventis, picti dic esse Figuram.

Adeoque hinc colligeretur, formam esse naturæ bonum, figuram artis opus, Cæterum hæc differentia neque communi vfu loquendi, neque in ipsis Logicorum disceptationibus adeò observatur accurate, quin subinde inter sese illa duo confundantur. Ita M. Tullius l. i. *De lat. deor.* *Omniū animantium formam vincit hominū figura.* Et lib. i. *Offic. Corporis*, inquit, *nostræ magnam natura ipsa videtur habuisse rationem, quum formam nostram, reliquamque figuram in qua esset species bestia, eam posuit in promtu.* Eadem ratione Iuno apud Ovidium l. ii. *Metamorph.* de Calisto puella:

Adimam tibi namque figuram,

Qua tibi, quaque places nostro importuna marito.

Liceat itaque nobis etiam esse ita liberis, ut Figuram nominantes hominis seu viui, vel mortui: seu picti, vel ficti formam externam indagare possimus.

Qualis ea sit, controvertitur. Cum enim corpus humanum, ut superius quoque disputabatur, ex diversissimis superficiebus sit concinnatum, illæ iterum superficies suis varijs lineis consent: utique figura inde resultans simplex esse nequit, sed composita & simul anomala. Sane non est circularis, ut respectu umbilici voluere quidam, ex quo per extrema circulus describitur: nec quadratam, ut alij habita ratione thoracis, qui in carnosissimis ac robustissimis *τεταρ-
γυρος* apparet. Teretia enim potius, præter rotundum caput, pleraque sunt membra corporis: tetes collum, artus teretes, & ipse fere truncus. Quod si nomen ipsi omnino tribuendum veniat, *humanam* nuncupemus: cum composita eo pacto sit, ut creaturæ præter solum hominem nulli congruat.

Liceat hic obiter referre ridiculam hominis figuram, quam in Symposio Platonis per allegoriam proposuit Aristophanes, aut jocum. *Tota*, inquit, *cujusque hominis species erat rotunda, dorsum & latera circumhabens, manus quatuor, eisdemque crura, vultus item duos tereti service connexos, & omnino consimiles: caput utrisque vultibus contraversis, unum: aures quatuor, genitalia duo, & alia singula, ut ex his quisque convenienter excogitare potest. Iucebat tunc & rectus, ut nunc, in utram partem vellet: & quoties celerius ire contenderet, instar eorum, qui prono capite crura sursum circumferentes circularem choream exercent, tunc octo membris innixus celeri circulo ferebatur.*

Variatur figura corporis humani multis quidem, at duobus præcipue modis. *Primo*, dum ipsa acquirit aliam atque aliam magnitudinem ob augmentationem vel decrementum, qua de re cap. sequenti. *Secundo*, dum varios morus ipsa subit, quos *σχηματισμοί* Græci vocant. Vnde *σχηματιστῆν* præstigiatores dicebant ac funambulos, qui varias corporis figurationes membrorum flexu & contorsione ostentare solent. Immo nosmet ipsi non tantum cum obambulamus, aut exercemur, aut manducamus, alia super alia ex-
pri-

primus corporis schemata: verum etiam cum quiescimus ac dormimus, non cessante sub somnum respiratione, quæ thoracem attollendo, deprimendoque figuram ejus indefinenter variat. Discriminis ratio in eo versatur, quod quiescentium figurationes obscuriores sint, evidentiores eorum, qui exercentur. Admirabilis est schematicus fœtus humani in utero, quem inter reliqua animalia notavit Philosophus l. vii. *Hist. Animal. c. viii.* maxime rotundam servare situs figuram, adeo ut in semet conglobatus nasum inter genua, oculos super genua, aures extra genua habeat.

Caterum inter mille schematicos hominis, ille magis naturalis esse videtur, quo homo moderate extensus brachia ad femora dimittit, pedibus ita compositis, ut calcanei latam manum distent ab invicem, digiti parum exterius vergant. Nec refert pedibus innixus, an jacens illum schematicum homo exhibeat. Cave enim arbitreris, hanc esse figuram decubitus sanorum, quam in ægrotis observandam, atque inde signa salutis, aut morbi difficilis colligere jubebat Hippocrates lib. *Pneum.* Discrepant etenim inter se quam plurimum; cum flexione modica manuum, colli, atque crurum hæc constet, corpore in alterutrum latus devoluto, sicut decumbere sanorum plurimi consueverunt, & medici præcipiunt t. Aristotele scd. vii. *Probl. ii.* illa vero extensione partium, quo faciliior sit earundem dimensio. Est potius, quam auctores erectum nominare soliti sunt, & tanquam homini propriam multis laudibus prosequi. Unus animalium homo, ajebat Philosophus l. ii. *De part. animal. c. i.* διὰ τὸ μόνον ὀρθὸν εἶναι, πρόσω-
θεν ὄπασσε, καὶ τὴν πρὸν εἰς τὸ πρόσωθεν διατέμνῃ, quia solus erectus est, anteversus prospicit, & vocem anteversus emitit. Erectionis istius causam in calorem rejicit idem ibidem c. vi. & l. ii. c. vii. Notissimi sunt versus Nasonis lib. i. *Metamorph. fab. 2.*

Pronaque cum spectent animalia cætera terram,

Os homini sublime dedit, cælumque tueri

Instit, & erectos ad sidera tollere vultus.

Quos imitatus videtur Silius Italicus hoc modo:

Nonne videt, hominum ut celsos ad sidera vultus

Extulerit Deus, ac sublimia fixerit ora?

Cum pecudes, voluerumque genus, formasque ferarum

Segnem atque obscenam passim stravisset in alyum.

Cicero l. i. de Leg. *Figuram corporis habilem*, inquit, & aptam ingenio humano dedit. nam cum ceteras animantes abiiecisset ad pastum, solum hominem erexit, ad ceterique quasi cognationis, domicilijque pristini conspectum excitavit: tum speciem ita formavit oris, ut in ea penitus reconditos mores effingeret.

Naturali schematismo cognatae sunt duae aliae figurae notabiles, quas *expansae* & *decussatae* nomine insignire liceat. Illa est, quam a Servatore nostro in cruce nobilitatam homo passis brachijs refert. Haec, quam exhibet homo artubus decussatim divaricatis, soletque Andreana vocari, quod hic Apostolus in crucem actus sit, cuius binae extremae sursum, bina deorsum vergebant. Conferatur Lipsius l. de Cruce, Gretserus, Bosius, Nicolaus Fontanus in Responso ad propositam sibi quaestionem, *An manus clavis transfixae paves ferendo corpus inde pendulum?* Quae quaestio nuper agitabatur inter summos viros, Salmasium, Calixtum, Niehusium, Dilherrum, Chifletium, Th. Bartholinum.

C A P. VII.

*Figura corporis humani -- variet
ex aetate & morbo.*

Proterea in figuras quasvis mutabilem fabulantur Virgilius l. iii. Georg. & Ovidius l. viij. *Metamorph.* ita hominem tanquam verum Protea ex varia membrorum motione varios *σχηματισμους* exhibere dictum est in praecedentibus: in praesenti quomodo mutet figura ex aetate vel morbo aliam acquirendo magnitudinem, & ut variet ipsa magnitudo in adultis, enarrandum.

Ad aetatem quod attinet, mutat figura corporis humani evidenter, dum crescimus: nec solum variatur longitudo, verum etiam ipsa oris lineamenta & corporis habitus. Hinc non raro accidit, ut quem puerum bene noveris, post viginti annos juvenem aegre agnoscas. In trimatu suo cuique dimidiam esse mensuram staturae certum est, testimonio Plinij l. viij. *Hist. Nat. c. xvi.* unde quantus homo futurus.

futurus sit anno ætatis vigesimo primo, prænosce tum licebit: postea enim ad plenitudinem crescimus. In consistenti ætate non contingit notabilis figuræ mutatio, usque ad senectutem, qua plenitudo occipit imminui. In decrepita sicciscentibus ligamentis-articulorum, & præcipue ijs quæ sunt circa vertebrae dorso, contrahi statuta videtur atque incurvari silicernium, quasi de sepulchro jam sollicitum. Nec tamen ossa ipsa breviora fieri credendum, cum partes ex se sicca illæ sint & solide. Quod si longurio fuerit homo senescens, illa curvatura evidentior evadit, & proinde turpior: quin ob deficientes spiritus ægrius molem corporis proni sustinebit, quam si pumilus sit. Quamobrem in juventute procera corporis statura frui, liberale esse aiebat Hippocrates *ij. Aph. vli.* nec indecorum: in senio vero incommodum & brevitate deterius.

Vtrum autem labentibus seculis labantur etiam vires humanæ, & corpora indies minora proveniant, quæstio est maximi momenti. Mortalium genus minus indies fieri observatur, rarosque patribus proceriores, confumente ubertatem seminum exustione, in cujus vices nunc vergit ævum. Sunt verba Plinij l. c. At falsum id esse, experientia convincit, qua videmus ex parentibus mediocris staturæ nasci frequenter filios proceros. Vladislaus rex Poloniæ ob staturæ brevitatem Cubitalis dictus, procreavit tamen filium Casmirum, cui corporis proceritas Magni nomē adiecit. Samogithas refert Scaliger *Exerc. 263.* cū proceræ staturæ maxima ex parte sint, tamen quasi per vices tum proceros, tum pene nanos generare: haut absimili ingenio quarundam arborum tertio quoque anno fructus ferentium grandiores. Quod si paullo distinctius formetur status controversiæ: num scilicet in specie humana majori ex parte indies breviora corpora producantur? jam res longe est intricatior. Præter enim Plinij citatam auctoritatem, adest locus Homeri l. γ. *Ilid.* ubi Tycides in pugna Aeneam saxo petit tanti ponderis, cui ferendo non essent duo viri, quales iam nascuntur homines.

—Οὐ δὲ χερμάδιον λάβε χερὶ
 Τυδείδης μέγα ἔργον, ὃ ἵ δύο γ' ἄνδρες φέρουσιν,
 Οἷσι νῦν βροτοὶ εἰσι. εἰ δέ μιν πῶς πάλῃ καὶ ἑὸς
 Τῷ βάλεν Αἰνείας κατ' ἰσχίον ἐνθά τε μῆρος
 Ἰσχίῳ ἐντέρεται· κοτύλην δὲ τέ μιν καλέουσι.

Idem fere fingit de Hectore tantum lapidem portante, quantum
 duo viri fortissimi, quales nunc sunt homines, non facile super plau-

Arum à terra submoverent: & de Ajace Telamonio, qui Epiclen
marmore aspero ingenti percutit l. xij. *Ilid.* Atque imitatus ipsum
videtur Virgilius lib. *Æt.* xij. ubi Turnus cum Aenea manum con-
ferturus,

— Saxum circumspicit ingens,

Saxum antiquum, ingens, campo qui forte jacebat

Limes agro positus, litem ut discerneret arvis.

Vix illud lecti bis sex cervice subient,

Qualia nunc hominum producit corpora tellus.

Ille manu raptum trepidâ torquebat in hostem

Altior insurgens, & cursu concitus heros.

Quorsum respexit Iuuenalis Satyra quintadecima:

Saxa inclinatis per humum quæsitâ lacertis

Incipiunt torquere domestica seditione

Tela, vel hunc lapidem, quali se Turnus & Ajax,

Et quo Tydides percussit pondere coxam

Aenea, sed quem valeant emittere dextra

Illis dissimiles, & nostro tempore uata.

Nam genus hoc vivo jam decrescbat Homero.

Terra malos homines nunc educat atque pusillos.

Ergo deus quicumque aspexit, ridet & odit.

Lucretius id ad universa animantia extendit lib. ij.

Iamque adeo effata est ætas, effataque tellus,

Vix animalia parva creat, quæ cuncta creavit

Secla, deditque ferarum ingentia corpora partu.

Videtur idem innuisse P. Maro lib. j. Georg. his versibus:

Scilicet & tempus veniet, cum finibus illis

Agricola, incurvo terram molitus aratio,

Exesa inveniet scabra rubigine pila:

Aut granibus rastis galeas pulsabit inones,

Grandiaque effossis mirabitur ossa sepulchris.

Inspecte sis D. quoque Augustinum l. xv. de C. u. Dei c. ix. cum Notis
Coquæ, & Ludovici Vivis: itemque Simon em Majolum in Ca-
nicularibus.

Verum enimverò auctoritates hæ sunt partim poetica, partim ejus-
modi nixæ rationibus, quæ assensum nostrum non satis cogunt. Va-
nam enim esse opinionem hanc, abunde convincunt antiquissima re-

gum in Palæstina, vatumque sepulchra: tum in Aegypto pyramidum
 viæ, ac portæ: corpora item ipsa defunctorum, à mille aliquot an-
 nis medicamentis aservata, quæ mumias cum Arabibus hodie nuncu-
 pamus, communem Europæ incolis staturam haut superantia. Cu-
 jus rei oculatus testis adest Io. Vesslingius *Synagm. Anatom. c. iij.* Que-
 relæ Homeri respondetur concedendo, Græcos ante Homeri tempo-
 ra fuisse paullo majores, sed colonijs in Græciam ductis cum alijs com-
 mixtos, & sic minores sibi ipsis postea visos fuisse. Quam opinionem
 illustrat observatio Adr. Spigelij, qui meminisse se testatur, in Bata-
 vio longiores multo fuisse homines, ac procerioris staturæ, quam
 nunc sunt, quod ob continua hæc bellâ, quæ Batavi gerunt, plurimæ
 quasi colonix ductæ, maximeque gens illa cum exteris commixta
 fuerit, l. I. de *Hum. Corp. Fabr. c. vij.* Legi etiam potest disserta-
 tio de *Habitu Germanorum* Hermannii Conringij. Quod si detur
 tandem hoc contrarium sentientibus, unicum certè sequetur absur-
 dum inevitabile: Corpora nostra, nisi opportune pereat man-
 dus, post aliquot secula formicis futura æqualia. Atque hæc de
 ætate.

Ex morbo mutari formam hominis externam frequentissimum est.
 Leucophlegmaticis æqualiter turgescit suffusa pituita totum corpus:
 Elephantias laborantibus crustosa fit cum tumore uniuersa cutis: non-
 nullos Quartana febris in gigantæam molem erexit, observatione Spi-
 gelij l. c. Invenit Plinius in monumentis, Salamine Euthymenis filium
 tria cubita triennio adolevisse, incessu tardum, sensu hebetem: & jam
 puberem factum voce robusta absuntum contractione membrorum
 subita triennio circumactio. Ipse Plinius vidit eadem ferme omnia,
 præter pubertatem, in filio Cornelij Taciti Equitis Romani Belgicæ
 Galliæ rationes procurantis: additque Etrapelos Græce vocari, in
 Latino non habere nomen, l. vi. c. xvi. Meminit Spigelius l. c. cujus-
 dam Antonij Antverpiensis, qui cum pusillus admodumque debilis in
 lucem prodijset, illico puer ex morbo in maximum gigantem evasit.
 Latet autem in istiusmodi corporibus vitium, quod prodigiosum
 augmentum cum immatura morte accersit.

Quod si ad particulares morbos descendere velimus, innumeris
 modis variatur humani corporis figura. Hydrocephalus totum ca-
 put deturpat: Tympanites inflat abdomen: mammas Cancer defor-
 mat: distorquent artus Luxatio & Fractura, ex quarum prava repo-
 sitione

atione membra subtrahō alimento imminui etiam cernimus. Vnde Chirurgi multum interest, medias figuras addiscere, quibus ignorant, ut superius quoque demonstratum fuit, luxata in casum dirigere annitetur.

C A P. V I I I.

Magnitudo corporis humani quos habeat terminos.

E Narratis itaque illis modis, quibus forma hominis externa variatur, sive motu locali id accadat, sive augmentatione ex ætate aut morbo: proximum erit de magnitudine corporis simpliciter spectata aliquid adijcere, qualis est adultorum, ac consistentium, quæ nec augmento amplius variet admodum, nec morbo portentose grandescat.

Ea habet terminos latissimos, si consensum præbere velimus monumentis illorum, qui gigantum & pygmæorum historias prodiderunt. Cælum oppugnant gigantes apud Nasonem *lib. Metamorph. I.* & Iovis fulmine tacti pereunt. Horum nomina aliquot exprimit Virgilius *l. I. Georg.*

— Tum partu terra nefando

Cæumque, lapetumque creat, sævumque Typhæa

Et conjuratos cælum rescindere fratres,

Ter sunt conati imponere Pelio Ossam,

Scilicet atque Ossæ frondosum involvere Olympum:

Ter pater extructos disiecit fulmine montes.

Vlysses apud inferos Tityum Terræ filium videt *Odyss. xij.* qui in pavimentum prostratus novem terræ jugera longitudine æquabat. Atlantem mundi bajulum Ovidius *l. xiv. Metamorph.* cunctis hominum ingenti corpore præstitisse perhibet. Libro autem *xij.* describit

— Summis extantem Ripheæ silvis,

Theræaque, Hæmonijs qui pressos montibus ursos

Ferre domum viros, indignantesque solebat.

Cyclopes Maronis *l. Aen. ij.* gigantum manipulus erat, quorum caput Polyphemus.

Monstrum horrendum, informe, ingens, cui lumen ademptum,

Trunca manum pinus regit, & vestigia firmat.

Pertinet huc maritus Praxinoæ, qui à Theocrito in Syracusanis *ἀντίπρῆς καὶ δεινὰν γυνή*, vir tredecim cubitorum nominatur.

Gigantum mentionem iniicit ipsa Scriptura Sacra *Genes. c. vj.* quem locum licet aliter interpretentur Philo Iudæus *l. de Gigantibus*, & Cyrillus *l. x. adversus Iulianum*: Augustinus tamen *lib. Quæstionum in Genesin quæst. ij.* & *l. xv. de Civit. Dei c. xxiij.* Ambrosius *De arca Noë c. iv.* Theodoretus *in Genesin quæst. xlvij.* atque alij plerique retenta significatione vocis communi de hominibus vastissimæ staturæ exponunt. Sex cubitos Goliath superasse dicitur *l. j. Samuel. c. xvij.* quo minor non fuit frater ejus *l. hemil. j. Chronic. c. yxj. 1. c. j. benobus* gigas Paleslinus Davidem regem pugnando defecium interemisset, nisi *Abseus* regi succurrens gigantem, cujus hastæ ferrum trecentos aris siclos pendebat, interfecisset, *ij. Reg. xxj.* Fit ibidem mentio *saphi*, & *1. Paralip. xx. Gethai* gigantum, quorum hic cubitos senos proceritate attingebat. Benaja *l. j. Samuel. c. xxij.* occidebat *virum illum ingentem ex Aegypto*, in cujus manu erat hasta vectis instar textorii. *Lib. j. Chronic. c. xxj.* Sebechai trucidat *Sibai*, qui erat ex filijs gigantum: & Ionatham occidit *virum vastissimæ molis*, in cujus manibus pedibusque seni erant digiti.

Pallantem Turnus interficit apud Virgilium *l. Aen. x.* cujus cadaver Romæ Anno octingentesimo salutis nostræ inventum fuisse, inciso nomine Pallantis Evandri filij, quod erectum in pedes barba æquaret mœnia Romanorum, auctor est Alphonfus Tostatus Hispanus Episcopus Abulensis *in cap. v. Genes. quæst. xy.* Referunt eandem historiam Fulgosus *l. j. c. vj.* & Crancius *l. iv. c. xv.* addendo, in pectore cadaveris vulnus fuisse pedum quatuor & dimidij, ad caput vero stetisse lucernam ardentem quæ nec flatu, nec humore extingui potuerit, quoad perforato vase aer admitteretur. Comes Natalis *l. jv. Mytholog. c. xxj.* auctor est, in Thetialia inventum esse os humani cruris tam vastum, ut triginta paria boum validorum illud plautro impositum vix potuerint loco movere. Quin & Augustinus *l. xv. de Civ. Dei c. xix.* Vidi, inquit, ipse non solus, sed aliquot mecum in Vucensi littore molarem dentem hominis

cam ingentem, ut si in nostrorum dentium modulos minutatim consideretur, centum nobis videretur facere potuisse. Apollonius Grammaticus scribit, prope Athenas insulam esse quandam, quam Athenienses cum vellent muris munire, dum foderent fundamenta, invenerint sepulchrum C. cubitorum, & intus cadaver ad ossa usque absumptum, cum hac epigraphe:

Sepulcr' ego Macrosciris in longa insula,

Vixit praeclatis annis mille quinquies.

Plinius l. vii. c. xvi. edit. Venetæ Pauli Manutij 1559. In Creta, ait, terramotu rupto monte, inventum est corpus stans xlv. cubitorum, quod alij Orontis, alij Oti fuisse arbitrantur. Orestis corpus oraculi iussu refosum, septem cubitorum fuisse commentis creditur. Plutarchus in vita Sertorij, & Strabo l. xiv. Geograph. referunt, Q. Sertorium, cum opp. dum Mauritaniæ Tingi capisset, vbi Anthæum gigantem sepulchrum tradiderunt Asri, noluisse barbaris fidem habere ob magnitudinem: ipsum tamen offendisse corpus lx. cubitos longum. Pausanias in Attica de Ajace Telamonio narrat, in Salamine insula eius cadaver refosum, inventaque ossa tantæ magnitudinis, ut molæ genuum disci instar essent. Idem in Arcadia de alio cadavere scribit xj. cubitorum, quod Orontis esse credebatur. At vero fidem omnium superat, quod Ioa. Boccacius in Gentilog. Deor. prodidit, suis temporibus in Sicilia haut longe à Drepano urbe inventum gigantis corpus, quod attrectatum in pulverem abierit. Existimatum autem est, conjectura ex osse coxæ, quod integrum remanerat, fuisse CC. cubitorum. Atque hæc de gigantibus poeticis, biblicis, historicis.

Πυγμαί Græci vocant spatium, quod est à cubito usque ad digitos inflexos, vnde pygmæi nomen traxere, quod hanc mensuram statura non excedant. Eorum duplex genus descriptum invenio, quorum alij Africam incolant, Asiam alij. De Africanis ita narrat Aristoteles l. vii. Hist. Animal. c. xi. Grues ex Scythiis campis ad paludes Aegypio supe iores, unde Nilus profluit, veniunt, quo in loco pugnare cum pygmæis dicuntur. Non enim id fabula est, sed certe est genus tum hominum, tum etiam equorum pusillum, ut dicitur, deguntque in cavernis, unde nomen Troglodytæ à subeundis cavernis traxere. De iisdem intelligendus Plinius l. vi. c. xxx. vbi: Quidam, inquit, Pygmæorum gentem prodiderunt ante palmæ, ex quibus Nilus oriretur.

Asia-

Asiaticos idem Plinius depingit l. vii. c. ij. his verbis: *Ad extremos fines Indiae ab oriente circa fontem Gangis Astomorum gens habitat. Supra hos extrema in parte montium Spithamei Pygmaei, narrantur, ternas spithamas longitudine, hoc est, ternos deducantes non excedentes, salubri caelo, semperque vernante montibus ab aquilone oppositis: quos à gruinibus infestari, Homerus quoque prodidit. Fama est, insidentes arietum capratumque dorsis, armatos sagittis veris tempore uniuerso agmine ad mare descendere, & ova pullosque earum alitum consumere: ternis expeditionem eam mensibus confici, aliter futuris gregibus non resisti. Casas eorum lato, pennisque, & ororum putaminibus constructui. Homeri iste locus extat Iliad. ij. v. ij. ubi Troianos cum Achivis manus conferturos incedere memorat clamantes & sonitum excitantes similem illi, qui oritur dimicantibus inter se pygmæis & gruinibus:*

Νοτε περ κλαγγὴ γεράνων πέλει ἄρανός, πρὸ
 Αἰγ' ἐπεί ἐν γαίαν' αὖ φύγον καὶ ἀδέσφατον ὄμβρον,
 Κλαγγὴ ταὶ γε πέτονται ἐπ' ὀκτανόιο βοῶν,
 Ἀνδράς, πυγμαίοισι πόρον ἢ κῆρα φέρεται,
 Ηἱρία δ' ἄρα ταὶ γε κακὴν ἔριδα προφέρονται.

De his videtur loqui iterum lib. x. cap. xxiij. cum immenso tractu grues à mari eoo venire asserat cum pygmæis dimicaturas, quarum abscessu pygmæa gens inducias habeat. Alluit autem mare eoum extremas Chinarum oras, Indiaeque in duas partes Ganges dividit. Vnde manifestum evadit, Aristotelis pygmæos Africae esse incolas, Asiæ vero illos, quos Plinius Spithamæos appellabat l. vii. c. ij. Idem l. jv. c. xj. Thraciæ oppidum Geraniam esse prodidit, à pygmæorum gente habitatum olim, quos Catizos barbari vocant, ex quo à gruinibus fugati creduntur. Eo respexit Iuvenalis Satyra decima tertia:

Ad subitas Thracum volucres, urbemque sonoram

Pygmaeus parvis curvæ bellator in armis.

Iam quid hac de re censendum? Diximus paullo ante, magnitudinem corporis humani latissime patere, nec usque adeo ad angustias unius mensuræ esse a natura redactam, ut qui ab ipsa recedant excedendo vel deficiendo, in monstrorum classem protinus sint referendi. Quantum vero pateat illa latitudo, & quis sit terminus mensuræ minimæ, perquam difficillimum est determinare. Fuisse olim frequentiores homines vastæ magnitudinis
 sicut

sicut negari nequit : ita fuisse tales, quales Poetæ nobis obtrudunt, credere non cogimur. Fabulam sapit etiam illud Orionis corpus apud Plinium, nisi ex xlvj. cubitis forte priores duo numeri demendi sint, ut ab illo Orestis uno tantum cubiro distet : siquidem alij jamdum omisso l. legunt xvj. cubitis. Palantis corpus quantum fuerit, divinare non licet, cum de altitudine murorum, quibus eo tempore Roma cingebatur, non exacte constet. Et quamvis constaret, inscriptio tamen, quam afferunt, à multis pro supposititia habetur. Idem judicium de gigantibus aut tyrannis Biblicis esto, cum Genes. c.vj. potentes saltem nominentur, nullius mensuræ mentione facta. De Goliathe tamen & alijs heroibus quæ dicuntur in libb. Samuel. Regum, atque Chronicorum, credere oportet. Nec excedit fidem proceritas hominis novem pedum & totidem unciarum, quem divo Claudio principe ex Arabia advectum Roma vidit : nec duo illa corpora, quæ ipsius staturam semipede superabant, & in conditorio Salustianorum hortorum eius miraculi gratia aservabantur, ut refert Plinius l. vij. c. xvj.

Similia exempla omnibus extitere seculis, antiquitus tamen crebriora : adeo ut certè familiæ meros fere gigantes seu vasti corporis homines producerent. Atque hoc nominis significatu plerique veterum heroes, gigantes fuisse videntur. Inde contigit, ut reperto in Creta illo corpore immani, mox Orionis id esse, aut Oti, forsan illius Cyllenij ducis Epejorum, quem apud Homerum *Iliad. xv.* Polydamas interficit, suspicati sint. Num vero integra aliqua regio habitata fuerit, vel hodieque habitetur à solis gigantibus, vix verosimile est, nisi Paragones intelligere velimus, qui teste Cardano l. viij. *De variet. rer. c. xliij.* juxta fauces freti Magellanici degunt, octo palmis longiores, crudis vescuntur carnibus, pane carent, tantum aquæ vno hausta bibunt, ut duodecim hominibus satis esse possit, sagittas adeo profunde in gulam demittunt, ut in ventriculum usque ire existimentur, quod ipsi pro egregio spectaculo habent.

Aequè certè sunt illæ de pygmaeorum gemino regno Aristotelis, Plinijque narrationes, quas in dubium vocari hodie à plerisque video. Etiam si enim nautarum industriæ multa adhuc versus utrumque polum perillustranda resistent : illa tamen loca, quæ à pygmaeis incoluntur

coli scribuntur, tam circa Gangem, quam Nilum, satis sunt per-
 vestigata, nec quicquam tamen de illa gente aut pugna cum grui-
 bus inauditum. Strabo lib. 1. *Geograph.* fabulosos esse statuit, nec
 tamen id vitio dandum Homero, aut Hesiodo, quod ipsorum men-
 tionem fecerint. *Ἡσίοδος τε ἐν ἄν τις ἀντιάσται ἀγροίαν ἡνίκυρος λε-
 γοντος, ἢ μακροκεφάλου, ἢ πυγμαίου. εἰδὲ γὰρ αὐτὲ Ὀμήρῳ ταῦτα μυθεῖον-
 ται. ἂν εἰσὶ ἢ ἔσσι οἱ πυγμαῖοι.* Franciscus Alvarez Lusitanus, qui ea
 loca, per quæ Nilus in Aegyptum fluit, peragravit, Aethiopes ibi ha-
 bitare mediocris stature prodidit, tam minutam gentem a se nullibi
 conspectam. Conspicimus autem frequenter in aulis principum
 nanos quosdam atque homunciones, qui si non sunt pygmæi, ipsis
 profecto non sunt multum absimiles. Divo Augusto præside mini-
 mus homo, duos pedes, & palmum altus Conopas nomine, in deli-
 cijs Iuliæ neptis eius fuit: & mulier Andromeda liberta Iuliæ Augu-
 stæ. Manium Maximum & M. Tullium equites Romanos, binum
 cubitorum fuisse auctor est M. Vatro, & ipsi vidimus in oculis asser-
 uatos, scribit Plinius l. vii. c. xvi. Pusilli admodum homunciones
 fuere Quinctus frater Ciceronis, & gener Lentulus, in quos eo nomi-
 ne cavillatus est, auctore Macrobio l. ii. *Saturnal. c. xii.* Venerat enim
 in provinciam Cicero, cui frater præfuerat. ibi imaginem eius clypea-
 tam amplissima forma, ad pectus usque depictam cernens: Frater,
 inquit, meus dimidijs major est, quam totus. Generum ingenti
 gladio accinctum videns: Quis, inquit, generum meum gladio al-
 ligavit? Atqui pumilionum minimus omnium fuisset Faustus, ni-
 si veritatis limites excederet Ausonij de ipso epigramma.

Faustus insidens formicæ, ut magno elephanto

Decidit, & terræ terga supina dedit.

Moxq; idem ad mortem est mutilatus calcibus eius,

Perditus ut possit vix retinere animam.

Vix tamen est satius: Quid vides, improbe livor,

Quod cecidi? cecidit non aliter Phaeton.

Quod si ex allatis historijs omnino statuendi forent magnitudinis
 humanæ extremi termini, mensura minimi hominis esset cubitus
 unus, qualis pumiliorum: maximus septem, qualis Orestis aut Golia-
 this ferne: fabulosi quadraginta sex, qualis Orionis, & plurium.

Verum relictis quæ antiquior ætas aut vidit, aut credidit, de-
 scendamus tandem ad considerationem eius varietatis, quam in hu-

mano-

hominum corporum magnitudine ac parvitate nostro ævo oculis usurpare sine errore licitum est. Docebat Hippocrates l. de aer. aq. & loc. quantum homines inter sese differant ex diversitate regionum, non solum quod ad mores, sed quod ad ipsam corporis habitudinem. Exempli autem loco assumebat Asianos atque Europæos, amplissimo sermone ostendens, in Asia omnia majora nasci, homines esse habitiores ac specie pulcherrimos, magnitudinis eximiam, minimeque differentes, quantum ad formam ac corporum proceritatem attinet. Nos conferendo Europæos non cum Asiaticis, aut Afris, aut Americanis, sed cum seipsis, reperiemus Septentrionales ut plurimum magnos esse & pulchros, capillis non adeo crispis & ad flavedinem ruboremve accedentibus: contra Meridionales esse stature breviori, crispo capillitio atque nigricante: intermedijs mediocria omnia. Communis tamen Europæorum statura sex pedibus geometricis in longitudinem definitur, quam qui excedunt, longi: qui non attingunt, breves dicuntur. Servavit communem hanc stature longitudinem perfectissimum nostri Servatoris corpus, consentiente mensura, quæ Romæ adhuc in æde S. Ioannis Lateranensis ostenditur.

C A P. I X.

*Quid corpus proportionatum sit, & quomodo
mensurandum.*

Premissis igitur, quæ de magnitudine corporis humani in genere, quos ea terminos habeat, nec non Europæorum in specie, dicenda erant: restat indicandum, quid propriè corpus symmetrum seu bene proportionatum, & quæ ratione sit dimetiendum.

Corpus proportionatum illud voco, non quod mediam servet mensuram inter extremos summæ & minimæ magnitudinis terminos: qualem inter Europæos sex pedum geometricorum esse diximus sed cuius membra debitam inter se habent symmetriæ rationem, sive

E corpus

corpus ingens sit, five exiguum. Ecquis Herculis membra, quibus tot patravit egregia facinora, suo caruisse commensu diceret, aut manca fuisse, etiamsi ipsum corporis mole staturam Europæorum ordinariam longe superasse constat? De Gange rege Aethiopum ab Alexandro occiso testatur Suidas, quod statura denos cubitos attingeret: ceterum ea formæ præstantia, qualis nemo unquam mortalium, fuerit. Quis negaret, dari pumilionum corpuscula sola brevitæ peccantia, ita ut nihilo minus membra eorum mutuam obtineant proportionem? Quis exiguam statuam, aut unius Spithamæ effigiem con-nientis symmetriæ rationem obtinere posse iret inficias? Conclu-dendum itaq; Symmetriæ vocabulum haut denotare præfinitam cor-poris quantitatem: sed convenientiam partium mutuam, qua vel gi-gantis ac pygmæi, si inveniuntur, corpora instructa esse possunt. In hunc sensum scribit Io. B. Porta l. ix. *Physiogn. human. cap. ix.* Cor-pus quod nec densum evidenter sit, nec laxum, neq; durum, neq; molle, nec pilosum, nec glabrum, quantacumq; magnitudinis extiterit, tempe-ratissimum erit. Quod si instrumentariæ eius partes commensum quen-dam inter se sortiantur, erit profecto visu pulcherrimum, & absolu-tissimæ constitutionis. Quanquam ego illud pulcherrimum esse haut facile assererem, nisi debitam simul magnitudinem obtineat, absque qua symmetriam quidem, veram autem pulchritudinem consistere non posse Philosophus testatur l. de Poetica c. vij. his ver-bis: *Pulchrum in magnitudine & ordine consistit: unde neque omnino parvum animal esse potest pulchrum. confunditur enim spectatio, quæ prope insensibili tempore fit: neque omnino magnum. non enim simul spectatio fit, sed perit spectantibus unum & totum ex spectatione: ut si decem millium stadiorum fit animal.* Liquet inde, hallucinatum fuisse Argenterium, dum Comm. ij. in Art. Medic. corpora arbi-tratur quanto majora fuerint, tanto pulchriora esse, modo pro-portio debita & color laudabilis non absint.

Corpus igitur humanum cuiuscunque magnitudinis, an mutuam habeat membrorum symmetriam, exploraturo, necessaria ad hanc rem præcepta in promptu habere convenit, atque instrumenta. Præcepta alia spectant ad totum corpus, ad singulas partes alia. Illa sunt præsentis considerationis, hæc per seqq. capita distribuentur.

GENERALIA PRAECEPTA hæc sunt.

I. Ante omnia proceritas corporis exacte exploranda, à vertice ad calces.

II. Proceritati respondere debent tria. 1. Spatium ab apice vnus medij digiti ad apicem alterius, brachijs expansis. 2. Spatium, quod intercipitur inter apices majorum digitorum in utroque pede, si diuarentur hi, quam fieri potest amplissime. 3. Longitudo utriusque pedis à pube ad calces mensurando.

III. Pubes medium esto proceritatis, sursum & deorsum.


IV. Dimidiam proceritatem crassities æquet trunci sive per thoracem, sive per abdomen cibus debite distentum mensures.

Ad exsequendum has dimensiones sufficit uti filo, aut zona, ut volebat Hieron. Montuus *part. v. Medic. Practic. c. viij.* aut chorda non nimis laxa, sed quæ ob strictiorem texturam minus tendatur. Sin exquisitiorem paullo cognitionem desideras, & quæ non corporis uniuersi duntaxat, sed partium singularum quoque symmetriam patefaciat: circumum etiam, & instrumentum, quod ab usu Anthropometron nuncupabimus, ad manum habere expedit. Eo enim confecto, superfedere poteris labore non mediocri, qui subeundus erat in addiscendis mensurarum varietatibus, quid palmus vulgaris, & architectonicus? quid cubitus vulgaris, regius, geometricus? De quibus consule Vitruvium, atque ejus commentatorem Hermolaum Barbarum, Budæum, Nicephorum, Vegetium, alios.

Anthropometron tribus constat partibus: ligno recto, ligno transverso, atque basi. Quare conficias pro magnitudine hominis mensurandi lignum rectum, oblongum, quadrangulum, cujus singula latera pollicem plus minus æquent. In superiori parte transversim & ad angulum rectum affigas lignum simile, cujus tamen longitudo multo minor sit, & sextam circiter partem alterius compleat: inferiorem partem inferas asseri tanquam basi æqualiter dolato, ita ut in facto foramine perpendiculariter erigi, circumagi, & pro arbitrio extrahi queat, ligno transverso verticem hominis exacte tangenti.

Lignum rectum circino dissecatur in sex partes æquales, quas *pedes* vocabimus, etsi nihil referat, si geometricis majores, minores, vel æquales fuerint. Singuli horum pedum subdividuntur in duo-

decim particulas, quas *uncias* appellare licet, lineolis per transversum accurate ductis ad regulam, quali communiter scriniarj utuntur. Similis ea est regulæ scriptoriæ, nisi quod extremitate altera insignem habet crassitiem in prominentias duas angulares compositam eo pacto, ut applicata ad corpus aliquod rectangulare ductum monstraret lineæ rectæ describendæ. Adi figuram appositam.



Exploraturus ergo, num corpus mensurandum convenienti præditum sit symmetria, quantum ad dimensionem universalem attinet: collocabis hominem sub anthropometron debite erectum, ea ratione ut extremitati in foramen adactæ metatarsus pedis sinistri exterius applicetur, verticem lignum transversum moderate premat. Mox applicata regula ad lineolam, quæ pedi primo seu unciæ duodecimæ anthropometri respondet, an caput cum collo eam attingat, adeoque iustam teneat longitudinis mensuram, monstrabit. Admotæ unciæ vigesimæ, an præcordijs respondeat, observes. Vnciæ vigesimæ octavæ, an umbilico. Trigesimæ sextæ, an pudendis. Porro pes quartus, an regioni femoris gracilescenti. Sexto autem calx perpetuo respondet.

Hinc extracto ex aslere anthropometro, brachia ut extendantur im-

impera : applicatoque ligno recto ad apices medij utrinque digiti . utrum conveniat cum proceritate mensura ista, cognosces . Spatium inter pedum pollices si expiscari animus est, ut supinus decumbat , jube : pedes autem non solum diuarcet quam fieri potest largissime, sed & digitos extorsum moueat & longissime extendat . Cætera ex superioribus patent , & inferius magis inclarescent .

C A P. X.

Symmetria capitis .

M Inervam ex cerebro Iovis natam fingunt Poetæ, unde sapientia deam nominant, caput ipsum arcem Palladis, & numinis sedem diviniorem . Eminentissima sane corporis nostri pars est, & religiosæ majestatis particeps, adeo ut regum diadematis gestandis fuerit ab antiquissimis temporibus destinata . Residet in ipso tanquam aula Imperatrix Anima, & nutu suo, quid agendum vel fugiendum sit, singulis imperat membris . Continet tot nobilissimorum sensuum instrumenta, eo ordinis artificio disposita, ut in angusta loci capacitate alterum alterius actionibus neutiquam sit impedimento . Age igitur à capite, tanquam digniori & magis veneranda corporis nostri parte, reliquarum dimensiones exordiamur .

Caput nomino, quicquid atlante seu prima colli vertebra sustinetur : ubi posterius cervices sunt, larynx antèrius . Aut imaginare tibi trigonum, cujus basis à cervice ad mentum tendat, latera æqualiter in synepite cœant : & habebis, ad umbratos capitis terminos . Cæterum de comensu ejus admodum discrepare videntur auctores . Adrianus Spigelius l. j. *Hom. Corp. Fabr. c. viij. Caput, ait, cum magnitudinem legitimam observat, sextam totius corporis partem longitudine sui, quæ ab extremo mento ad summum usque verticem est, conficit* . Vero consonat hæc mensura, si cingulo aut filo insituantur, ob globositatem ossis frontalis : ad anthropometron autem si indageris istud spatium decem tantum particulas æquabit mentum à vertice, aut duodecim seu sextam corporis totius partem .

Cum

Cum enim caput una cum collo, consentiente ipso Durero, sextam totius partem constituat, ut cap. superiore quoque dictum est, collo anteriori duæ minimum uncia ex duodecim illis veniunt tribuendæ, relictis decem dūtaxat pro capitis altitudine: quemadmodum & Dureri opus evolventi, & experientiam ipsam consulenti ultro patefceret.

Sunt itaque ratæ hæ ad anthropometron examinatæ capitis dimensiones. Latitudo capitis seu diameter est unciarum octo: ad tempora tamen multo strictior. Longitudo à vertice ad mentum, decem. Filum si circumdlexeris sive per verticem & laryngem, sive per frontem & occiput, æquabit illud duas sextas totius corporis, hoc est, uncias xxjv. & quadrabit eadem mensura à larynge per frontem ad cervicem deducta.

Ita se res habet in capite symmetro, quod testimonio Galeni l. jv. *De usu part. c. xvij. & cap. xj. Art. Medic.* ad oblongæ sphaeræ similitudinem structum est, & utrinque juxta tempora paulatim comprimitur, prominente parte tam anteriore quam posteriore. Recedunt ab hac proportionem, figuræ depravatæ capita, quorum quinque recensentur species. I. in qua deest anterior ex osse frontali producta eminentia. II. in qua perijt posterior ex osse occipitis. III. Rotunda, in qua utraque abest, capite ad sphaeræ formam tornato. IV. Lata, in qua eminentiarum transpositio facta, ita ut ad aures sint utrinque. V. Longa, quæ talis arte reddita ex naturali.

Priores duæ satis sunt frequentes. Rotundam se invenisse negat Io. Filipp. Ingrassias Siculus *com. ij. in lib. Galeni de oss. cap. i.* inter innumeras calvarias, quas eo fine in diuersis cæmiterijs inspexit. Quamvis enim primo intuitu sphaericæ apparerent, circinus tamen, aliquam eminentiam adesse semper docuit. Quarta monstrosa est, quam nusquam habet Hippocrates, Galenus autem l. c. affert tanquam impossibilem, aut cum qua homo supervivere nequeat. Observarunt tamen & mensurarunt eam magni viri. Petrus Aponensis *differ. 79.* in nano, & alio huic quasi consimili. Hugo Senensis, Bononiæ in puero quatuor annorum, ut refert *ij. Art. Medic. com. xxxvi.* Vesalius in tribus alijs, quorum historias recenset l. i. *De hum. corp. fabr. c. v.* Legi potest etiam Caspar Hofmannus *com. in Gal. l. ix. de usu part. n. 698.* Ingrassias in mendico octodecim annorum, cujus caput Patavij in templo D. Antonij A. 1534. ipse mensuravit, tametsi è longinquo conspicien-

spicientibus statim latitudo longitudine major apparebat. Monstrum tamen illum fuisse addit atque imperfectissimum, oculis in medio faciei turpissimè positis, vertice acuto, & vere ῥοζόν, quasi in fronte & occipite maxima fuisset compressio facta. Manus erant sine digitis, cochlearis potius formam representantes. Vnde colligitur, verissimam esse hanc capitis deformationem iuxta ac perversissimam, veniamque mereri Hippocratem, qui omnino omisit, & Galenum, qui vitalem negavit: cum quod admodum rarò contingit, parum id observandum esse censeat ipse Philosophus l. 3. *Hist. Anim. c. xv.* Consimile fere portentum oportet fuisse Therpsiten Achivum *Iliad. ij.*

Αἰσχίος δ' ἄνθρωπος ὑπὸ ἰλίον ἦλθε.

ρολκός ἐν, ραλκός δ' ἕτερον πόδα, τὸ δὲ εἰ ὤμω
κῆρτῳ, ἐπὶ σῆθος συνοχωκότε. αὐτὰρ ὑπερδε
φοξός ἐν κεφαλῇ, φεδρὴ δ' ἐπενήνοδε λάχνη.

Turpissimus autem vir ad Trojam venit

Sirabo erat, claudus autem altero pede, & ipsius humeri

Curvi & in pectus contracti: & desuper

Acutus erat capite, vara autem percurrerat lanugo.

Quintam adamarunt Macrocephali, apud quos populos longissima habentes capita generosissimi existimabantur. Simul ac enim editus est infans, caput ejus tenellum & molle manibus effingunt, & in longitudinem adolescere cogunt, vinculis & idoneis artibus adhibitis, quibus capitis rotunditas vitietur, & longitudo augeatur. Hoc institutum primum huiusmodi naturæ dedit initium: successu vero temporis in naturam abiit, ut proinde instituto nihil amplius opus esset, t. Hippocrate l. *De aer. aq. & loc.*

Ad explorandos harum figurarum defectus, quatuor lineas proponit *Spigellius l. i. Fab. c. H. c. viij.* ex quarum æqualitate vel inæqualitate certi fieri de depravata capitum symmetria possumus. Primam nominat *faciei* lineam, quæ ab imo mento ad supremam frontem pertingit. Altera est linea *occipitis*, quam à vertice ad colli primam vertebra ducit. Tertia *frontis* est, ab una temporum cavitate ad alteram excurrent. Quarta *syncipitis*, quæ ab ima aure, ubi processus mamillares prominent, ad syncipitis elatiorem partem extenditur. Si enim ex his lineis ea quæ faciei est, longior fuerit, caput longum dicetur; si brevior, brevius. Si frontis linea longior cæteris, caput latum erit: si occipitij, caput acuminatum. Si om-

nes

nes æquales, naturale: si omnes inæquales, aut quædam, aut plures orietur illa capitis forma, quam ^{ῥοζῶν} vocant Hippocrates & Galenus, i. e. depravata. Deniq; nisi hæc per filum mensuratio sufficiat, circino quoq; utendum, & consulendum oculorum iudicium, quod absentiam huius vel alterius eminentiæ, aut factam transpositionem sine magna difficultate indicabit.

Est tamen, ubi non tam figura, quam quantitate caput peccat. Mediocre caput, quale leoni esse dicunt Physiognomi, laudatur tanquam ingenij & sensuum præstantissimum argumentum. Exiguum caput pessimum, cum nec pulchrum id sit, nec sanum esse possit. Inter duo mala si alterutrum eligendū, præstat habere caput mediocri paulo majus, & quale canibus venaticis tribuit Aristoteles l. *Physiognom.* quippe qui sagaces. Platoni ejusmodi caput fuisse ex imaginibus & monumentis antiquis constat. Pericli quoq; decens corporis habitus, sed caput paulo majus atq; longius: quo nemine Comitorum disterijs agitatus fuit. Videatur Plutarchus in *eius vita*. Coelius Rhodiginus l. xx. *Antiq. Lect.* c. xij. Galenus l. v. *Epid.com.* i. apb. 37. Si tamen enorme nimis sit, & carnosum, non tam virtutis formaticis robur, quam materiæ abundantiam arguit: unde significat homines somniculosos, stupidos, indociles. Io. B. Porta hos ad boves, asinos, atq; noctuas retulit.

CAP. XI.

Symmetria capillij.

P Remissa methodo dimetiendi caput integrum, proximum est ipsum in partes dividere, singularumq; subdere mensurationes. Dividitur enim caput divi mode.

Qui ossa respiciunt, in calvariam & maxillas geminas totum partiuntur. Calvaria osse frontis & accipitis, duplici osse syncipitis atque temporum, in quibus aures sitæ sunt, absolvitur. Maxillæ faciem constituunt, in quo oculorum orbitæ, nasus, dentes, mandibula, & si quæ restant ossæ particule. Hæc distributio est Galeni

lib. de ossibus, sed ad rem, quam nunc paro, minus commoda.

Qui *partes externas* considerant, id quod à Philosopho factum *lib. 1. Hist. Animal. c. vij. & seqq.* cuius ductum in plerisque nos nunc sequemur, illi caput in τριχῶτον dispescunt, atq; πρόσωπον. Illud latine *capillitium* vocare licet, non quatenus vox solos capillos notat, sed partes etiam subiectas, quibus ipsi innascuntur. Aristoteles l. c. σκασιον appellat à cavitare & rotunditate, quod Gaza Calviam vertit: quasi Calvaria ossea foret, Calua vero ipsi superinductæ cutis portio, quæ capillos emittit, & in qua calvities accidit. Nec defunt, qui hanc partem capillatam Caput in specie nuncupent: exemplo Hippocratis, qui librum *de vulneribus capitis* conscripsit, intelligendo ea tantum vulnera, quæ cranio infliguntur. Ita Chirurgi recentiores hanc verbi etymologiam retinent, dum vulnera faciei à capitis vulneribus distinguunt. Nos, cum verba valeant sicut nummi, Capillitij vocabulo utemur: cu us termini sunt extimorum radices capillorum. Constat autem capillitium quinis partibus: Syncipite, Vertice, Occipite, Temporum dextro, & sinistro.

Synciput anterior pars capitis est, Aristoteli βρέγμα, ab irrigando, quod ille locus infantibus madet, donec dentes acquiescant, nec corroboratur ante primum sermonis exordium, auctore Plinio l. xj. *Nat. Hist. c. xxxvj.* Quapropter in tenellis sua se mollitie ultro prodat: in adultis exploratur medio digito, cuius apex ad futuræ sagittalis & coronalis concursum pertingit, si carpus dorso nasi ad intercilium applicetur. Est enim synciput, ut hoc loco sumitur, illa pars capillitij, cui superior portio ossis frontalis ad futuram usque coronalem subjacet, cuius flexum quoque figura ejus superiori parte imitatur, inferius arcu, quem radices pilorum frontaliū describunt, terminatur. Tametsi fræquenter crines syncipitis ita positi reperiuntur, ut cuspidè quadam in mediam frontem excurrentes, arcus minores binos efforment, dominantis indices Veneris. Vnde glabras syncipitis partes, ab arcubus illis interceptas, *montes venericos* nominare Metoposcopi consueverunt. Cæterum capilli syncipitis speciali nomine Antiarum donantur à Nonno & Festo. Lucilius l. vij. *Satyr.* Capronas vocavit.

Vertex Quinctiliano *lib. vij. Institut. Orator.* à capillorum flexu dicitur, quod eo loci aquæ instar in gyrum vertantur. Auctori In-

roductionis Galeno: adscriptæ cap. x. *κεφαλῇ*, quasi *κεφαλή*, quod pilis, quorum centrum est, contegatur. Respondet autem vertici magna portio subjectorum ossium, quæ in sceleto syncipitis ossa nuncupantur, futura invicem sagittali coagmentata. De figura verticis si quærat, tetragona ea est, non rotunda, utut paradoxon hoc videatur prima fronte. Scilicet si concurrant quatuor lineæ circulares, cuiusmodi sunt Syncipitis, Occipitis & Temporum, pars ab ipsis intercepta quadratum, cuius latera introrsum arcuata sint, necessario exprimit. Neque enim hic pensitanda sola capillorum tortura, quæ utique gyrulum refert: immo abique contorsione cutis aut ossis subditi duplex esse potest, quos proinde *δι κεφαλῆς* seu bivertices Aristoteles vocabat. Id uni homini proprium esse, Plinius addit loco proxime laudato, & Volcherus Cointer macrobios dici ostendit. Verticis capilli in altum congeiti, Tutuli priscis, teste Varrone l. vi. de L. L. nuncupati fuerunt.

Occiput sive occipitium, Hippocrati *κεντρίον* seu cerebellum, quam vocem Galenus in *Gloss. Hipp.* per *κεντρίον* explicat, cum inde *κέντρον* seu nervi originem sumant. Oppositum est syncipiti, claudens caput parte postica. Respondet, ossi suo toti, & portioni ossium syncipitis proximæ, Figura superius finitur subrotunda, inferius basin obtinet fere rectilineam. Aegrius syncipite calvescit.

Tempora, Græcis *κρόταροι*, tempus ætatis & annos senij produnt sua tum canitie, tum contabescencia. Canescunt enim senibus primo tempora, mox macrescunt, absuntis muscoli temporalis partibus carnis. Immo cava tempora a tenui admodum victus ratione fieri, unde caput oblongum appareat, Hippocrates auctor est. Equi quoniam brevioris ævi sunt, anno statim decimo cava ostendant tempora, testimonio Columellæ lib. vii. De re rust. c. xxi. Sita sunt partim super ossa propria, partim super laterales ossium syncipitis portiones, ubi compages capitis esse compressior incipit. Nacta sunt formam rotundam parte superiori, inferius acuminatam, ad varios capillorum flexus ante & pone aures, desinunt. Huius loci pilos, præsertim si crispentur, Cincinnos nominant.

Mensurationem harum partium ita instituit. Finge verticem esse centrum capillorum, cuius circumferentia radicibus eorundem extremis, licet inæqualiter finiatur. Namque linea filo a summa fronte ad cervicem ducta superabitur ab altera, quæ a prominentius os-

sis jugalis ad tragus, circa quas pili temporum terminari solent, transversim per verticem protenditur. Prior, quam *rectam* appellabimus, vnius pedis erit, cujus quaternæ uncia syncipiti, vertici, & occipiti tribuantur. *Transversa* sedecim æquabit uncias, quarum octo vertici, quaternæ utrique temporis assignandæ. Et absolutam habebis dimensionem per filum. Anthropometron applicat um antèrius, monstrabit uncias duas: posterius, septem: quinque utrinque in temporibus prope tragus quo loco cincinni, terminantur.

C A P. XII.

Symmetria faciei.

Altera pars capitis *facies* est, in qua elucescit veneranda majestas, quæ vel crudelissimum quemque ad mansuetudinem convertat, sævientesque domet animos. Vnde primævis temporibus & opes, & honores pro faciei specie ac decore distributæ fuerunt, si Lucretio credimus *lib. v.* ita canenti:

Et pecudes, & agros divisere atque dedere

Pro facie cuiusque, & viribus, ingenioque.

Nam facies multum valuit.

Græcorum *πρόσωπον* nomen a re ipsa accepit, corrivante Philosopho *l. ij. de part. animal. c. j.* cum unus animalium homo antrosum prospiciat. Vnde facies soli huic, cæteris os aut rostra inquit Plinius *l. xj. Hist. Nat. c. xxxvj.* nec piscis aut bovis faciem dicere solemus, uti censebat Aristoteles *j. Hist. Anim. c. viij.* siquidē in animalibus ratione carētibus ea pars *πρόσωπον* est, apud Athenēū *l. vij.* Latinis vultus quoque nuncupata fuit, ea differentia, quod immutabilis sit facies, vultus juxta diversos animi affectus variari queat, ut notavit Servius ad Virgilium. Eius rei vocabulum Græci non habent, advertente Cicerone *l. i. de Leg. Amplo vocis significato à Poetis os appellatur, velut Ovidio j. Metam. fab. ij. & Virgilio l. j. Æn. id.* Verum A. Gellius *l. viij. Noct. Att. c. xxvij.* ex Pacuvio, Sallustio, Plauto, Quadrigario ostendit, faciem non tantum sumi pro statura, corporisque totius figura: sed convenire etiam rebus cuius-

que modi alijs, quod montis, & cœli, & maris facies, si tempestive dicatur, probe dicitur.

Hæc de ratione nominis. De limitibus faciei genuinis controversiam vigere, apud auctores primæ notæ animaduerto. Auctor Medici apud Galenum *cap. x. A priore parte capitis*, ait, *sub tota fronte, auribus, oculis, naso, & ore ad mentum usque circumscripta à supercilijs incipiens facies dicitur. Vbi enim frons à superioribus descendens desinit, supercilia, seu terminiejus eminentes & pilis confiti, eam excipiunt*. Ex quibus verbis sequitur, faciem à supercilijs solum ad menti imam partem extendi, seu faciem fronti subesse, ut loquitur Iulius Pollux *lib. Onomast. ij.* Et revera si capitis ossa perpendamus, firmo stat hæc sententia talo, cum os frontis tum unicum sit, tum ad calvariam communiter referatur: unde quicquid ipsi subiaceret, facies erit. Verum, quoniam sceleti speculatio ab instituto nostro alienior, quippe qui partium externarum rationem venamus: nostrum erit his inhærere, alijs non, nisi quatenus ipsarum contemplatio externis facem allucet.

Quapropter faciei fines ampliaturi, auspicio ipsius Philosophi *l. 1. Hist. Anim. c. vij.* faciem nominabimus eam in homine partem, quæ calvæ subiecta est. Calvæ vocabulo capillitium indigitari, ex superioribus patet, quod antè ad supercilia non extenditur, sed summa fronte desinit: posterius cervice terminatur, lateraliter in temporibus circum auriculas. Vnde quatuor erunt ipsius termini: sursum synciput, inferius mentum, aures ad latera. Et quanquam insignem faciei partem barba quoque virorum obumbrat, capillis tamen barbam constare minus bene dixeris, quod id genus pilorum capiti proprium est.

Mensuram faciei si ope anthropometri anquiras, octo æquare uncias longitudinem eius à syncipite ad menti apicem reperies: siquidem pars illa carnosæ, quæ à mento ad laryngem retrocedit, sub anthropometri rationem non cadit. Filo si rem exequaris, mensurando à summa fronte deorsum, flexo ad latus parumper naso, per mentum ad laryngem seu cavernulam, quæ supra pomum Adami dictum tangitur: duodecim inventurus es uncias. Idem spatium exhibebit filum, à trago uno ad alterum sub naribus, transversim extensum.

Notabilis itidem communis est, quem æquali inter se distantia servant

Tervant Tragus, Glabella, & Menti extremitas. Nam si filo jungantur invicem, perfectum confici triangulum comperies, cujus singula latera senas habebunt uncias. Ludovicus Septalius *lib. De novis faciem dimetitur ex latitudine philtri medij, aut naris alterutrius.*

A symmetria naturali si recedatur, emergunt facies (ut ita loquar) disproportionatae. Ex quantitate oritur facies magna, ignaviae & simplicitatis indicina: vel parva, qualis per similitudinem simiis atque felibus, evidenti calliditatis ac pusillanimitatis argumento. Oblonga nimis facies, quae ad canes viliores refertur, injuriosum atque inverecondum significat. Concava pravae mores, rotunda stultos, plana morosos notat. Facies carnosae valde, stolidum & voluptuarium, macra circumspexit & subtilis ingenij: ossosa laboriosum atque timidum indicat. Confer decem picturas, quibus facierum diversitatem exhibuit Cornelius Giradellus *Decade ix. Cephalol. physiogn.* Depulchritudine tamen faciei si sermo sit, praestat oblonga decenter facies ea, quae exacte rotunda. Vnde Bodinus *Meth. histor. c. v. Cum maiores nostri, inquit, vultus oblongos formosiores esse putarent, obstrictes sensim perfecerunt, ut longissima viderentur. Id quod videre est in antiquis statuis & imaginibus. Quin & Servatori nostro non rotunda fuit, aut acuta facies: sed qualis matris eius, paullulum deorsum vergens, suffragio Nicephori lib. 1. Hist. c. ult.*

CAP. XIII.

Faciei in partes distributio.

Qui sint faciei limites, quaeque eius in universum symmetria, capite proximo sufficienter pro rei instituto vidimus: proximum nunc erit, ipsam in suas partes, quarum plurimae & maxime insignes, digerere. Ea namque ratione, ubi ad specialem ipsarum considerationem perventum fuerit, nulla superabit difficultas.

Spigelius aut, quicquid opus posthumum de hum. corp. fabr. edit, Bucretius *lib. 1. c. 1.* post al latam capitis divisionem in capillatam, glabramque partem, hanc iterum in faciem & aures partitur.

Faciei

Faciei partes septenas recenser: frontem, nasum, oculos, genas, labia, os, & mentum.

C. Bauhinus *l. De ext. hum. corp. part. capite tertio*, præter frontem, quatuor esse faciei propriè dictæ partes statuit: oculos, nares, genas, atque os. Aures autem cum ad latera sint, verius in capite quam facie locari. Idem *cap. viij.* auctoritate Philosophi probare nititur, qui *lib. i. Hist. Anim. c. xi.* scribit: *Auris est pars capitis, qua audimus.*

Ego quod in utriusq; opinione desiderem, non deest: dummodo hiscere non invitis tantorum virorum manibus audeam. Ad *Spigelium* quod attinet, quanquam bonæ divisionis requisitum minime sit, ut ea fiat in membra prorsus æqualia: qualemcumq; tamen in diuidendo æqualitatē, quoad eius fieri potest, omnino servandā esse constat. Quod si ad examen revocetur illa *Spigelij* divisio, quæ pars capitis glabra in faciem & auriculas distinguebatur: enormis se mox prodit inæqualitas, cum septenas illas partes, quas in facie ipsemet numerat, ad justitiæ bilancem expensas simplex aurium levitas æquare nullo modo valeat. Quæ res parvi quidem momenti, non spernendæ tamen necessitatis esse videtur. *Bauhini* ratio, qua aures à facie segregatas capillitio adscribit, nulla est: cum & ipsæ genæ si non totæ, maximam sane partem ad latera positæ sint, nec minus tamen faciem componant, haut capillitium. Ad *Aristotelis* testimonium quod attinet, minus opportunè adductum id fuisse, attentius locum consideranti patebit. Neque enim capitis vocabulum strictius ibi à Philosopho vsurpari pro parte capillata, evincit tractatio aliarum partium faciei & eodem, & binis præcedentibus facta capitibus. De capillata nimirum parte quicquid dicturus erat, septimo capite absolverat: quatuor proximè sequentibus partes ipsi subiectas enumerat, præterquam quod undecimo de temporibus pauca admiscet. Quod verò aurem disertis verbis, veluti de naso fecit, faciei partem esse non asseveravit, sed capiti tribuit, responsio in promptu est: Caput ipsum pro toto tum accepisse, quatenus vel ipsi oculi capitis partes nominari haut nequeunt.

Denique si adducta insuper ratione opus est, qua aures faciei potius, quam capillitij partes esse probeatur: ipsarum profecto sufficit levitas. Etsi enim certis locis hirsutæ aures appareant, unde tragi vel hirci nomen ortum: cap. illos tamen produxisse numquam visæ sunt.

Discus.

Discussis ita his opinionibus atque ex parte rejectis, aliam subrogare distributionem faciei, si non meliorem, æque certe bonam, allaborabimus. Procedit illa hoc pacto, ut tota facies dividatur in partes anticas, & laterales. *Antica* plures sunt: frons, oculi, nasus, labia cum mento. *Lateralium* duas numero: genas, & auriculas. Quarum symmetriam sequentia docebunt capita.

C A P. XIV.

Symmetria frontis.

Sententias eorum, qui frontem ad calvam referebant, supra examinavimus, simulque partem faciei ipsam esse, ex decreto subtilissimi Stagiritæ sanximus. In præsentī, quibus finiatūr limitibus, quas partes habeat, & qua ratione dimetienda sit, explicandum restat.

Limites fontis a longitudine & latitudine dependent, quæ loci positiones ipsi cum toto corpore non eadem. Quæ enim corpori latitudo recta est, fronti transversim extenditur: & quæ corpori latitudo transversa, consensu Metoposcoporum principum, fronti recta decurrit. Latitudo itaque frontis ea erit, quam superius radices antiarum, inferius supercilia cum glabella terminant. Longitudo ad mentem C. Bauhini *lib. de ext. hum. corp. part. cap. ii.* ab unâ aure ad alteram porrigitur: alijs mox ad tempora, ubi os frontis in angulos comprimi incipit, finitur. Nos cum Spigelio & Physiognomis medium tenentes, longitudinem frontis cavitatibus temporum, quibus cincinni utrinque radices figunt extremas, coetæci statuimus. Responder ipsi inferior pars ossis frontalis, & anterior ossis temporum: adeoque frons dicenda pars illa faciei depilis, quæ antijs, supercilijs, cincinnisque tota fere circumscribitur.

Frontis proportionem si anthropometro indageris, ejus longitudinem latitudini capitis paullo minorem invenies, latitudinem vero trium fere esse unciarum. Filo si metiare à cincinnis dextris ad sinistros, octo habebis uncias, quorū scilicet requirebat ad li-

neam frontis constituendam Spigellius, qua de re supra c. x. actum est.

Contra has mensuras si peccetur, frontes oriuntur asymmetrae, quarum vitia notavit Philosophus l. j. *Hist. Anim. c. viij. lib. Physiogom. c. vj.* alique Metoposcepi. Pinxerunt etiam Io. B. Porta l. ij. *Physiogon. human. c. 2.* Cornelius Giradellus Bononiensis *Decad. ij. Cephalol. Physiogn.* Quibus frons valde magna, qualis boum, segnes: quibus parva nimis, mobiles: quibus rotunda, iracundi: quibus convexa, qualis asinorum, stupidi: quibus depressa, effeminati: quibus lata, velut Caligulae Caesari, ad infaniam prona: quibus angusta, qualis porco, indociles & immundi: quibus aspera ob monticulos & fossiculas, fatui atque improbi. Laudatur quadrata, cuiusmodi leonibus, tanquam magnanimitatis nota. Vnde Ovidius Montalbantis apud Giradellum figura capitis, cui frons quadrata, hoc elogium adiecit:

Frons quadrata, pares referat si corporis artus,

Magnanimum & iustum signat in orbe vrum.

Laudatur à Plutarcho frons Platonis longa, & minus plana; cuiusmodi canes sagaces ostentant. Immo ob ampliorem frontem nomen adeptum esse Diogenes Laertius *lib. iij.* ex Neanthe scribit. Tali praeditum fuisse Danthem Alighierium Poetam Italum celeberrimum, auctor est Io. B. Porta l. c.

Profecto, cum frons animi janua, sedesque pudoris sit Tullio; Plinio tristitiae, hilaritatis, clementiae, severitatis index: utique ex ipsius inspectione argumenta morum, per quos animus invisibilis se prodere solet, desumi poterunt. *Non argar sum*, ait Satyricus, *nec caelum inspicere soleo: sed ex frontibus hominum fata colligo.* Colliguntur illa signa non tantum ex frontium diversis formis, quippe quae à subiecto osse tantum pendent: sed ex ipsa quoque cute, quae soli homini & in sola fronte mobilis. Inculpfit enim ipsi diviniore digitus numinis furias quasdam, quae animos sapientum ad sui contemplationem omni rapere tempore. Non desunt osiores id genus studiorum, qui perinde ut in charta complicata ex corrugatione cutis fortuita fieri has lineas, & propterea nullius divinationis fundamentum esse censendum, oggerunt. At vero, lineas frontis esse similes lineis in charta post complicationem relictis, à veritate alienum est. Illae enim, sicuti & lineae manuum pedumque, profunditate aliquali gaudent: & caelo quasi excul-

exculptæ apparent: hæ contra, meræ plicæ sunt levi negotio explanandæ. Comperimus nos experimento in cadavere facto, cutim humanam in rugas compositam, etiamsi strictissimæ & satis diu comprimatur, in plicas facessere, nequaquam in lineas frontilibus strijs similes. Vterius, rugis omnibus comites lineas necessario intercedere, falsum est exemplo vetularum, quarum facies plures ostentat rugas, quam lineas. Falsum etiam est exemplo plerorumque ridantium, quibus ruga oritur in vtraque gena, lineam tamen post se exaratam non semper relinquens. Monstrat vestigia linearum frons recens nati foetus, qui uteri carcere clausus aut omnino non corrugavit frontem adhuc, aut certe non ea violentia, quæ linearum sulcos cuti insculpere posset.

Quicquid sit, non abest suspicio, & antiquissima observatio. Nos curioso harum rerum lectori brevem non minus quam perspicuam methodum, qua lineæ frontis aut cognosci in homine, aut pingi in charta debeant, proposituri sumus. Discurrent striæ omnes per frontis longitudinem transversim, excepta unica, quæ glabellam recto situ occupans Mercurio tribuitur. Transversarum aliæ longiusculæ sunt, breviores aliæ. Longarum suprema antijs vicinior est, & Saturno assignata. Altera huic subiecta proxime, Iovis agnoscit dominium. Tertiæ Mars imperat. Quarta Venerea est. Brevium duæ sunt, non gradatim, sed æqualiter sitæ: quæ, etsi, rarissime in unam longam coire observantur. Solaris dextro accubat oculo, Lunaris sinistro. De Mercuriali notandum, in multis eam geminari, eloquentiæ felici iudicio, si utraque recta sit, nec intercisa, aut alia ratione vitiata, quemadmodum in intercilio muliercularum loquacium plures lineolæ inter se confusæ, conspici, a solvent.

Cæterum non est credendum, omnes omnium frontibus inscriptas esse lineas: desunt haut raro una vel altera, tribus tamen pauciores vix invenias. Quod si quæ defecerint, eorum loca circini ope indagari licet, dividendo totam frontis latitudinem in sex spatiola, situm linearum præsentium & absentium demonstrantia. Contuere schema capite vigesimo proponendum.

Harum linearum magna est in crassitie & tenuitate differentia, unde magis vel minus sunt conspicuæ. Quibus subtiliores natura concessit, moderata corrugatione evidentiōres fiunt. Sic altius cogitantes admirantesque supercilium tollere, & lineas rugis interceptas

tas monstrare solemus; quam corrugationis speciem Græci *πικρία* *πικρία*, *πικρία*, supertentorium vocarunt. Irascentes contra, cute deorsum versum supercilia & glabellam rugante, *νεφέλη* seu nubem repræsentant, quam supercilio demere Poeta jubet, frontemque Genio dicatam hilaritatis, explanatione serenare. Sunt quibus exporrecta frons nunquam est, sed rugis permanentibus ipso iuventutis flore obdito: hi cogitabundi sunt, atque ante senectutem senes. Senectutis enim proprium est, rugas inducere: unde Horatius. *Epod. viij.*

Cum sit tibi dens ater, & rugis vetus

Frontem senectus exarct.

Nonnullis ex consuetudine frequenter frons caperat deorsum, severitatis iudicio. Vnde Plautus in Epidico: *Quid istuc est, quod illi caperat frons severitudine?* Alijs erugata plane frons est, sicut Epicuro, tradente Siderio Apollinari ad Faustum. Is fuit vacuus curis & perturbationibus, voluptatis sectatus amœnitates. Huic cognata est frons tranquilla, quam in canibus domesticis intuemur, assentatoribus propria. Tranquillæ opponitur austera ac terrea, hominis morosi atque molesti argumentum. Christiernum Daniæ regem tali fuisse refert Porta l. ij. *Physiogn. hum. c. ij.* qui nescio suo fato, an merito, crudelissimi nomine tyranni traducitur. Frons tristis, cujusmodi erat Leonidæ Plautino in Asinar. sollicitum curis & subdolum notat: hilaris lætum & gratiosum, quali Scipionem Africanum fuisse narrat Plutarchus: ideoque in conciliandis sibi militum animis multum is valuit. Carnosa frons est, cui pellis crassa: macra cui tenuis. Illa intellectus crassitiem, hæc subtilitatem indicat.



Symmetria oculorum.

FRONTI subiacent oculi pars corporis pretiosissima, & qui lucis usu vitam distinguunt à morte: unde ab Hesychio solis porta appellata fuerunt, facès amoris veteribus atque animi fenestra. Quamobrem Tullius l. j. de Legib. jure merito scriptum reliquit, oculos nimis argutos, quemadmodum animo affecti sumus, loqui. Partes habent in parva mole quam plurimas, quarum interiores nosse Anatomici magis interest, nobis externa sufficiunt. Earum duas constituo: Palpebram, & Bulbum.

Palpebra cutaneum est involucrum, oculi orbita circumscriptum, mobile, certis locis pilosum. Dividitur in partem superiorem & inferiorem, quarum hanc Hippocrates vj. Aph. xix. & lib. j. de morbis, videtur γράφει τὸ λεπτόν, tenuem genæ particulam, quæ dissecta non coalescat, nominasse. Earum lateralis concursus angulos binos efformat, quos κάρδα & hirquos nominant. Major interius situs est, in quo prominet caruncula lachrymalis dicta: minor temporibus adstat. Hi si jesso longiores sunt, notam morum maleficorum præbent: si carnosi more peccunculorum sunt, qui naribus iunguntur, malitiam præferunt, observatione Aristotelis j. de hist. animal. c. ix. Superior palpebra in rugas aliquot prospicientibus contrahi solet, inferior non item. Pili palpebræ alij in medio siti sunt ad crepidinem tarforum, vulgoque cilia, etsi minus recte ex censura Scaligeri, dicuntur. Alij in margine palpebræ superiori, cui orbitæ ocularis pars superna subest, & supercilia nuncupantur, hirsutæ suæ frontis decliviorē regionem terminantia. Hæc Paullus apud Festum in Junonis tunela esse dicit, quod oculos protegant, per quos luce fruimur: lucem autem à Junone tribui putabant, unde Lucina audit. Protegunt sane oculos valli instar, ut loquitur Galenus xj. de us. part. c. xvj. adversus ea, quæ superne incidere possent, sudoremque à capite & fronte defluentem repellunt, ut notavit ipse Cicero l. ij. nat. deor. Qua de causa portio frontis proxima, in qua sudor copiosior colligitur, apud Græcos peculiare nomen adepta est, ut γῆνσα ὀφρύων appelletur, quod

Gaza superciliorum grundam vertit. Dividuntur supercilia in caput, quod naso proximum: & caudam, quæ tempora versus vergit. Intercedit supercilia pars depilis, quam intercilium vocabat Isidorus Hispalensis Episcopus *Origin. l. xj. c. j.* glabellam Martianus Capella *lib. de nuptijs Philol. & Mercur.* in qua parte, animi principatum statuit Straton Philosophus, si fidem habemus Plutarcho *lib. 4. de placit. Philos. c. v.* Hirsuta ea aliquando reperitur, supercilijs ad nasum protensis ac coeuntibus, quod dominantis melancholiæ argumentum est. Supercilia enim si in rectum porriguntur, mollem subesse animum significant: si iuxta nasum inflexa sunt, austerum notant & acerbum. Si iuxta tempora inflectuntur, derisorem atque dissimulatorem indicant: si vero in totum demissa, notam invidiæ habent. Verba sunt Aristotelis *j. Hist. Anim. ix.* Veteres nimirum partem animi in supercilijs posuerunt, auctore M. Tullio tum *Orat. pro Roscio, tum l. 1. de Offic.* Plinius *l. jx. c. xxxvij.* *In ascensu frontis, inquit supercilia homini & pariter & alterne mobilia, & in ijs pars animi. Negamus, annuimus. Hæc maxime indicant fastum. Superbia alicubi conceptaculum, sed hic sedem habet. In corde nascitur, huc subit, hic pendet. Nihil alijs simul abruptiusque invenit in corpore, ubi solitaria esset.* Laudabilia igitur supercilia leviter debent esse arcuata, non nimis pilosa, coloris præcipue nigricantis, cuiusmodi Nicephorus Christo quoque tribuit *l. j. Hist. c. vii.* & Homerus sui Iovi.

Illud notatu dignum, solos palpebræ pilos & nasci nobiscum, & certas productionis servare limites: cuius rei rationem in loci cartilagineam siccitatem rejicit Galenus l. c. cum sine lege crescere videamus capitis, axillarum, pudendorumque pilos, quippe qui partes molles ac temperatas natale solum agnoscunt. Quapropter irridet Mosen, quod male de natura raciocinetur arbitrando, Deum non prævia dispositione materiæ omnia facere posse, dummodo velit, etiam ex cinere equum aut bovem. Credebat namque Galenus, Deum quidem omnia facere posse, sed ex certa materia: quæ si deesset, solam voluntatem non sufficere. Vnde impie affirmat, etiam si millies Deus voluisset, nunquam tamen rectos stare potuisset pilos palpebrarum, nisi loco duro infixisset. Ob privilegium istud sacri habiti olim fuere ipsi ab Aegyptiorum sacerdotibus, qui cum reliquos omnes raderent, qui post ortum demum proveniunt, ab

his

his solis abstinerebant. Atque hæc de palpebra.

Bulbus extrema sui superficie tres ostendit discolares particulas: albumen, iridem, pupillam. *Pupilla* in omnibus nigra, & speculi instar lucida, quo incidentes reflectat imagines. Eius splendorem albo puncto imposito representare pictores student. *Pupillam* ambit circulus *Iris* vocatus, à similitudine, qua arcum cœlestem colorum tam pulchritudine, quam varietate refert. Claritate vincitur, sed magnitudine pupillam superat. Galenus iridi tres colores tribuit, *Art. Med. c. xxvj.* glaucum, nigrum, & inter hos medium. Aristoteles sibi non constat hac in re. Etenim *l. 5. de gener. animal. c. j.* nigrum, glaucum, & varium: in *Problem. nigrum, subnigrum, & glaucum* recenset. Quatuor agnovit *l. j. Hist. animal. cap. x.* atrum puta, admodum cæsum; fulvum, & caprinum: quorum hunc morum optimorum indicium esse & ad cernendi facultatem primatum obtinere asserit. Solus enim animalium homo numerosa oculorum varietate notatur, cum cæteris in suo singulis genere color sit idem: equis exceptis, qui interdum oculis proveniunt cæsijs. Advertit Spigelius *l. j. Corp. bum. fabr. c. j.* integras nationes aliquem ex his iridis coloribus in plerisque servare individuis. Niger enim fere est Aethiopibus color: cæsius Belgis, & septentrionalibus: fulvus Italis, vicinisque gentibus. Quicquid extra hos duos circellos restat, *album oculi* vocatur, albugo *Gazæ*: formaturque à parte tunicæ corneæ candicante, per quam minutissimæ venulæ in quibusdam disseminari solent.

A bulbi quantitate oculi nominantur grandes, parvi, ac modici, qui optimi. A motu ejus dicuntur oculi mobiles, vel fixi. A situ ejusdem oculi prominentes, conditi, & medium situm obtinentes. Conditi ex observatione Aristotelis *l. c.* clarissime cernunt, in genere brutorum quoque. Modicus tamen situs nota morum est optimorum. Ad situm spectat quoque, ut uterque oculus in eadem linea recta sit constitutus, nec pupilla unius oculi magis in angulum alterius vergat, quam alterius: quippe quod inde strabismus oritur, turpe oculorum vitium. A palpebrarum conditione oculi aut nimium connivent, aut rigidi intentique constant, aut modice nutant. Notam morum laudabilem habent, qui mediocriter connivent: reliquorum alteri impudentiæ, alteri inconstantiae indices sunt. A splendoris qualitate oculi sunt vel sicci, obscuri, tri-

res, severi, torui: vellati, ridibundi, amœni, fulgentes, qui toti faciei gratiam conciliant. Augusto Cæsari nitidos oculos fuisse, auctor est Sabellicus, atq; ijs credi volebat aliquid divini vigoris inesse, gavifus, si quis sibi acrius intuenti, quasi ad fulgorem Solis, vultum demisset. Aeneas Virgilij testimonio lib. 1. *Aen.* erat

*Os humerosq; Deo similis. nanq; ipsa decoram
Cæsariem nato genetrix, lumenq; luventæ
Purpureum, & latos oculis adflarat honores.
Quale manus addunt ebori decus, aut ubi flauo
Argentum, Pariusve lapis circumdatur auro.*

Herculem ex oculis igneum spirasse splendorem, ZeZestatur *Clis* liad. ii. *Histor.* 105. Græcis *δμυρὰ πυρίεσσα* vocantur, ut patet ex lib. vij. Epigram. Græc. 145. Salmaci Nymphæ oculos Phœbæi amulos splendoris adscribit Ovidius l. 4. *Metam.*

— *Flagrant quoque lumina Nymphæ
Non aliter, quam cum puro nitidissimus orbe
Opposita speculi referatur imagine Phæbus.*

Enumeratas has particulas singulas seorsim mensurare, in vivente vix licet, nec ea res est impense necessaria: quoniam ijs dimetiendis oculi iudicium, cujus præstantia artifex valere debet, sufficit. Oculi autem symmetriam in universum si scruteris, circino capias spatium à naso ad orbitæ partem vicinam temporibus; id quod invenies complere uncias binas cum dimidia, & quidem æquale distantia supercilij medij à parte palpebræ inferiori, ubi genæ committitur super eundem orbitæ osseum circulum. Filo si rem committas, totum oculi ambitum sex unciarum esse comperies, & proinde æquare propemodum spatium à glabella ad menti apicem. Oculorum decem varietates totidem facierum iconibus exhibuit Cornelius Giradellus Cephal. Physiogn. Decade quarta. Aliquas habet etiam Io. B. Porta lib. Physiogn. hum. iij. toto.



CAP. XVI.

Symmetria nasi.

Nasus Græce *ῥίς* à fluxu nominatur, quod sordes capitis per ipsum expurgentur: item *μύκωσις* à coryza seu mucore Hippocrati *μύξα* dicto, qui à cerebro excrementi forma per nares delabitur. Interiectus oculis nasus est muri instar, magnam vim obtinens reddendi faciem formosam ac deformem: cum faciei speciem nulla pars magis quam nasus evariet. Vnde Galenus l. xj. de us. part. viij. Si exiguum quiddam, inquit, de labijs aut nasi alis fuerit abscissum, dictum difficile fuerit, quam aformis facies tota sit futura. Præbet nasus mentum spiritui, quem ea parte non minus, quam ore & reddimus, & accipimus. Sternutamus quoque naribus, quod signum augurale & unum ex spirituum omnium generibus sanctum & sacrum affirmabat Philosophus l. j. Hist. Anim. c. xj. Quin & olfactus nasi beneficio administratur, transeuntibus ad cerebrum hac via rerum odoratarum speciebus. Nec poterant nares alio loco aptius, quam sursum consilere, quod *omnis odor*, ut Tullius habet l. ij. De nat. deor. ad superiora fertur, & quod cibi & potionis iudicium magnum earum sit, non sine causâ vicinitatem oris secuta sunt. Notavit Ill. Fortunius Licetus l. De mund. & homin. analog. c. 1. ex Danthis Alighieri Purgator. contic. xxij. vocabulum HOMO in cuiusvis hominis facie naturaliter signatum esse. Cum enim autoritatibus Quintiliani l. 1. c. vi. & A. Gellij l. ij. c. ij. H litera vera non sit, sed aspirationis nota: proinde demta ipsa tres tantum remanent literæ. Iam diuæ malarum eminentiæ, per superciliorum arcus coniunctæ superne cum naso ad labia protenso, repræsentant literam

Mantiquam: oculi duo O. O. referunt, curvaturis literæ **M**imposita. Vnde in vultibus hominum, cum primis emaciatorum, ex his membris formatur figura **M**, quæ mortalium nomen latino verbo exprimit.

Nasus commode dividitur in partem superiorem & inferiorem. Superior dorso constat, & lateribus: inferior orbiculo, columna, atq; pinnis. Dorsum ab intercilio recta ad orbiculum protenditur: latera oculorum angulo interno utrinq; ad pinna usq; excurrunt. Estq;

hæc

hæc pars nasi superior, ob os subiectum immobilis: sicut inferior, cui cartilago tantum subest, moveri potest atque torqueri. Orbiculus est extremitas nasi, quæ ad latera pinnis seu alis, in medio columna sustinetur, qua nares distinguuntur, unde interseptum *Gazæ*, interfinium *Isidoro*, Græcis *κλειν* dicitur. Orbiculum hunc aut apicem nasi dehiscere ijs, qui venerem exercere incipiunt, creditum est. Ratio videtur eadem quæ colli dilatati, quam vide capite vige, simo.

Proportio nasi circino inquirenda. Longitudo à glabella ad philtrum æquare debet. latitudinem frontis, seu quod idem est, constare tribus fere uncijis sui anthropometri. Latitudo radice seu spatij ab uno ad alterum oculum, unius sit uncie; inferius sesquunciam habeat tum distantia pinnarum, tum altitudo à philtro per columnam ad apicem orbiculi sumta: quæ symmetria si vitietur, nasi oriuntur variarum formarum, quas legere licet apud *Camillum Baldum*, & *Fontanum comment. in Arist. lib. Physiognom. cap. vj.* & intueri pictas apud *Cornelium Giradellum Bononiensem Cephalolog. Physiogn. decad. v.* itemque apud *Io. B. Portam Physiogn. human. l. ij. c. vij.* Nos, cum figuris omnes differentias exhibere in præsentī non liceat, stylo breviculam præcipuarum dare delineationē conabimur.

I. Nasus *ingens* est, qui & longitudine, & latitudine, & altitudine mensuram naturalem excedit. Tali præditos, cum aliena nimis acriter judicare observassent Physiognomonici, ad Rhinocerotis naturam retulerunt, animalis callidi atque alacris. Hinc *Martialis*:

Et pueri nasum rhinocerotis habent.

Nasutum vero tum magno instructum naso, tum reprehensorem notare, *Martialis* in hunc sensum epigramma elegans testatur.

Nasutus sis usq; licet, sis deniq; nasus.

Quantum voluerit ferre rogatus Atlas.

Et possis ipsum tu deridere Latinum:

Non potes in nugis dicere plura meas.

Pertinet hinc *Angelus Politianus*, aliorum nasutus irrisor, sui venustus encomiastes: cujus effigiem vide apud *Portam*.

II. Nasus *parvus*, qui ternis deficientibus dimensionibus debitam quantitatem non assequitur. Magno pejor est, cum inconstantis consilij homines indicet, *Polemoni Atheniensi Philosopho lib. De nat. sign. interpret. atq; Adamantio*.

III. Nasus *incurvus* is est, qui mox à fronte curvari incipit, rostri instar corvini. Impudentiam notat, & rapacitatem Aristoteli in Physiogn. quibus vitijs corvi celebrantur, taurorum oculos confodere ausi. Incurvus Catilinæ nasus erat, qui avaritia atque impudenti sua ambitione Romanis multa damna intulit. Adi Cœlium Rhodiginum l. viij. c. ij.

IV. Nasus *aduncus*, qui sub fronte mediocri gibbere incurvatur, ad modum rostri aquilini, cum bona partium articulatione. Ad aquilas refertur, & magnanimitatem significat. Aduncus naso magnus apud Persas honor in eligendo rege: cum Cyrum tali præditum fuisse, non quod revera pulcher sit, Xenophon testatum reliquerit, ac Plutarchus tum in Apophthegm. tum Polit. Habuere quoque aduncum nasum Artaxerxes Magnus, Demetrius Gryphus apud Iustinum; Neoptolemus apud Daretem Phrygium, Sergius Galba apud Suetonium, Constantinus M. apud Zonaram. Quibus Porta l. c. addit Georgium Scanderbegum immortalis nominis heroem, Ismaelem Sopham Persarum regem, Mahometem Secundum, Selinum Bajazetis filium, & Solimanum Selimi filium Turcarum Impp. bellicosissimos. & liberalissimos.

V. Nasus *incurvus* est, qui sub glabella in valleculam depressa incipit, & arcus instar flectitur, fronte in similem convexitatem protuberante. Hanc formam caput galli gallinacei exquisite refert, ut inspicienti patebit. Libidinosos notat & in quamlibet veneris enormitatem proclives. Silenos istiusmodi naso finxerunt olim, atque Satyros.

VI. *Crassus in dorso*, ad boves refertur. Argumentum segnitiei & stupiditatis. *Crassus in extremo*, suum proprius est, & immunditiei hominem arguit. In mucosum & obesioris nasi hominem jactavit scœmma hoc Cratinus Comicus: *ῥιζὴ τὰς ρίνας*. Quod si ad crassitiẽ nasi pustulæ rubentes accesserint, qualibus potatores insigniri solent, maximopere augetur turpitude. Græcum vulgus credebatur eas ex mendacijs ortum ducere: unde *Ψεύματα* dicebantur. Propterea amasius apud Theocritum indicaturus, de amica se nihil mentiturum: Non fore, inquit, ut naribus suis *Ψεύδαι* seu mendacia in-
nascantur.

— *Ψεύδαι ρίνας ὑπερβαί*
ἀραιὰς ἐν ἀναρίσῳ.

VII *Acutus in extremo* est, qui à dorso progrediendo sensim attenuatur. Canibus tribuitur domesticis, qui iracundi, & peregrinis latratu molesti sunt, aut morfu. Philocrati talis erat figura nasi, unde à Plauto tanquam iracundus introducitur.

VIII. *Nasus avicularis* est plane subtilis, in acutissimam desinens extremitatem. Ad aviculas refertur, quibus rostrum subtile: earundemque naturam instabilitate æmulantur, quibus nasus hujusmodi cōtingit.

IX. *Rotundus cum extremo obtuso*. cui dorsum rotundum, orbiculus obtusus. Talis leonibus, unde jactantiæ index, & roboris.

X. *Nasus simus*, unde cognomina Simonum, & Silonum, ille dicitur, cujus dorsum plane depressum est, columna ante pinnas extante. Simijs datus est istiusmodi, quorum apud Indos certum genus in feminas tanto amoris stimulo fertur, ut in civitates non adducatur. Cervis non multum absimilis, qui & ipsi certo tempore adeo venere exardescunt, ut insaniant. Plato in Theæteo Socratem simo naso fuisse narrat, nec effugisse luxuriæ notam: id quod etiam de Ioanne Ruellio Gallo botanices peritissimo & magni nominis Medico asserat Io. B. Porta l. c. Sunt qui credant, Horatio Coclitæ id nominis obtigisse, non quod oculum alterutrum bello amiserit: sed quod nasus ipsi sub fronte ita depressus, demissusque erat, ut nullum fere inter oculos discrimen extaret, ipsaq; supercilia commixta inuicem, confusaque fuerint. Cyclops itaque dum appellandus esset, corrupta loquendi consuetudine factum, vt Cocles diceretur. Theophrastus Eresius in quendam Cassandri amicam simis naribus hoc sarcasmo ludit: *Miror oculos tuos non canere, quia ipsis nasus additus est fistula speciem præbens*. Plutarchus in Sympos. & Diog. Laertius lib. v. sap. 7.

Ad nares quod attinet, illis suæ quoque sunt differentię. *Patulae*, quales taurorum equorumque generosorum, fortitudinis & alacritatis indicinæ sunt, *strictæ*, angustæ, pilosæ, rotundæ neutiquam probantur. Adeoque nasus ille erit laudabilis, qui modesta longitudine & latitudine à fronte paullatim descendendo assurgit, foraminibusque mediocriter patulis ac depilibus terminatur.

CAP. XVII.

Symmetria labiorum, & menti.

E Partibus faciei anticis restant *labia* atque *mentum*, adeo coniuncta, ut videri una pars possit, unicoque proferenda nomine, si suppeteret. Apparet etenim, & præcipue in ridentibus, ruga circularis, à pinnis narium per genas deorsum sub mentum ducta, separans partes adjacentes à labijs atque ipso mento. Falso si complectaris hunc circulum, decem æquabit uncias: sin anthropometro distantiā eius à narium columnā ad menti apicem explores, unā tertiam habebit totius faciei longitudinis. Riētus Iuvenalis *Satyr. x.* & Martialis *lib. iij.* videri posset, quæ voce eam faciei partem designarunt, quæ in homine ridente aut ringente lineis quasi terminatur. Græcis *σείρυπος* vocata est, à *σείρειν*, quod est, os in rugas diducere. Atqui, num *riētus* vocabulo mentum simul comprehenderint auctores isti, incertum est. Vnde nos auctoritate destituti, receptis uti nominibus, & de labijs, mentoque seorsim agere cogimur.

LABIA, aut labra Homero eleganter *ἑπρος ὀδύτων*, septum dentium dicuntur, quorum deformitatem valli instar contegunt. Termini labiorum quatuor sunt. Sursum, columnā nasi: infra, menti confinia: utrinque genarum circulus, in ridente magis conspicuus. Dividuntur labia in superius & inferius. Utrumque sua constat parte rubente, quæ proprie *labium*: & non rubente, quæ recentioribus *prolabium* nuncupatur. Pars rubens pilos produxisse nunquam visa est: prolabium in viris barbam emittit. Portiones barbæ, quæ in prolabio superiori, utrinque crescunt, mystaces nominant: Iuvenalis alas, similitudine ab avibus desumpta. Eas sacuna intercedit imbricata, quam *φίλτρον* Pollux atque Ruffus Ephesius, quasi amoris illicium, sulculum alij appellant. Prolabio inferiori quæ innascitur barba, generis nomen retinet, nisi ad imitationem Iuvenalis, caudam vocare placuerit.

Labia si committuntur invicem, eam figuræ speciem representant, quam Græci *προσέμειον*, quasi *amicos* dixerunt, angulis utrinque fi-

nitum: fin disjungantur, *Oris* formant hiatum, in varias mutabiles figuras. Sunt quibus ex consuetudine perpetuo labia, stultitiae celebrato argumento, hiant: sunt quibus dormientibus saltem id accidit. Nonnullis labia convelluntur, unde variae oris torturae seu spasmi ortum ducunt. Sic loquentibus indefinenter oris forma mutatur, praesertim si cum fervore sermo fiat. Ore diducto dentes apparent, gingivae, lingua, palatum, columella: quorum membrorum explicatione tanquam ab instituto nostro alieniore superfedeo. De dentibus tamen observandum, ab ipsorum diversa commissione variari sicut menti atque labij inferni. Mordendo enim solum aequaliter committuntur superiores inferioribus: alias extant aut superiores occultatis pene inferioribus, aut inferiores teatis parumper superioribus. Illud magis naturale: hoc minus, quia mentum nimis exferitur.

Labia alijs sunt crassa, unde labeones, labrones, ac chilones nominantur, qui plerumque insipientes & hebetes. Alijs tenuia, quae facundiam, sed & fraudes ac impotentiam denotant. Ratione coloris, livida aut pallida non tantum pravam valetudinem: sed praevidos & invidos mores designant. Color roseus aut purpureus optimus. In quem sensum dicebat Apulejus: *Olli purpurea delibantes oscula, clemente morsu rosea labella vellicant*. Insuper labia oportet esse aequalia, & aequaliter sibi invicem commissa. Quod si superius prominet, hi prudentiores Adamantio judicantur, & ad alcem referuntur a Porta *lib. ij. c. xx.* cui adeo propendet labrum superius, ut nisi recedens in posteriora vestigia, pasci non queat, telle Solino. Pausanias sagacissimum animal esse dicit, & hominis odore per longinquum intervallum percipere in foveas & profundissimos specus se abdere. Aesopus tumentis & prominulis labijs pingitur, & prudentia laudem fabulis suis meruit. Leoni exilibus labia in ore magno, superiore tamen extante; ut & canibus venaticis ac molossis: hunc quibus similis constitutio istarum partium, magnanimi existimantur, ac fortes. Sin inferius labrum promineat, praecipue cum crassitie, velut asinis, simijsque: hi fatui, imbecilles & flagitiosi. Quibusdam a natiuitate labia bifida sunt ac bisulca, ad morem leporinorum labiorum: id quod vitium periti manus Chirurgi emendare valet.

Ipsa autem labiorum commissura seu *prostrumum*, alijs longum est, alijs acutissimum, alijs modicum. Os magnum bellicosi, & audacis
indi-

Judicium Auctori l. ad Alexandrum. Valde tamen dissectam os, quæ scarietibus, stolidi, atque impij hominis signum. Os angustum effœminatum ostendit, cum & Helenam pusillo ore fuisse Dares memoret. Medium hic, ut ubique, optimum. Exit per os anima seu halitus, cujus odor in hominibus perfecte sanis aut bene olet aut saltem non male: in quibusdam impurissime foetet, nec levi pravorum morum argumento. Eius rei exemplum sit Aemylus, in quem Catullus sequenti epigrammate invehitur:

Non, ita medij ament, quicquam reserere putavis

Utrum os an culum oflacerem Aemyllo.

Nil immundius hoc, nihil est immundius illo;

Verum etiam culus mundior & melior.

Nam sine dentibus est; hoc dentes sesqui pedales,

Gingivas vero Plexemi habet veteres.

Præterea risum, qualem defessus in assu,

Mejentis mula cunnus habere solet.

Mensura labiorum talis est. Si filum per circumferentiam labiorum uniuersam ducas, viij. id æquabit uncias. Prostomij vero solius longitudo ab angulo uno ad alterum, si circino capiatur, binarius erit unciarum. Spatium à narium columna ad medium prostomium unciam unam fere habet, similisque ad menti initium mensura.

MENTVM ab eminendo dictum volunt, quod à gula emineat: aut à memento, quod ejus inter recordandum, aliquis usus esse videatur, sicut occipitis, quod scalpi quibusdam ad excitandam reminiscentiã consuevit. Sustinetur ab acie maxillæ inferioris, quæ in alijs latior, in alijs magis acuminata: quam varietatem menti diversa sequitur forma. Etiam si enim mentum semper rotunditatem aliquam præ se fert: tamen ea nunc major, nunc minor est. Hinc acutū penitus mētum quibusdam, & isti in iracundiam propensi judicantur: nonnullis orbiculare est, animi effœminati indicio. Alijs latiusculum, foveaq; impressa ornatum, quæ si levis fuerit, laudabiles & gratiosos mores significat: sin altius exculpta, ut mentum quasi duplex appareat, non probatur. Iulio Polluci: *τύπος*, typus nuncupatur. Præterea mentum quibusdam majus ita, ut labijs decedat tantum, quantum ipsi adjicitur. Hi ad mulieres referuntur, quæ non malæ sunt, sed loquaculæ tamen & dicaces. Est igitur mentum laudabile nec bisidum nimis, nec acutum, nec quadratum, nec orbiculare penitus: sed inter.

ter hæc omnia medium servans. Suadet hic loci commoditas, ut de barba menti decore verba faciamus: verum & capillorum & barbæ crescendi indeterminata libertas, cum sub rationem symmetriæ nullo modo cadat, alienæ isthæc curæ committimus.

Menti symmetria exploratur anthropometro, vel filo. Illud mentis unciam unam tribuit, aut paullo plus: ita tamen ut spatium à natiæ columna ad menti apicem trium semper unciarum sit, quantumque labia deficiant, mento accedat. Videntur enim hæ particule esse ex acervo proportionum *ἀπρίτων*, ut loquitur M. Aurel. Severinus *Zoetom. Democrit. part. ij. c. xxij.* Filum à labijs per mentum deorsum ad bucculam usque ductum, binas continet uncias: transversim vero per marginem maxillæ inferioris, binas cum dimidia, quæ est gemina menti latitudo: toti mento circumdatum octo uncias exhibet; adeoque æquales sunt peripheriæ oculorum, labiorum, ac menti.

Conferatur Cornelius Giradellus. *decade vi. & vij.* quibus differentias labiorum ac menti affabre pinxit, ut & Io. Bag. Porta. *l. ij. Physiogn. human. c. xi. xij. & xx.* Venustam proportionem pollicis ad labia & mentum præposuere Petrus Messias Hispanus in *Sylva variar. lect. & Hieronymus Montuus Practicæ Medicinæ part. v. c. viij.* Si enim pollicem ita labijs mentoque applicemus, ut apice columnam contingat, sentiemus procondylum medio quadrare prostomio, condylum ad summum terminari mentum.

C. A. P. XVIII.

Symmetria genarum.

P Artēs faciei laterales duplices sunt: Genæ, & Auriculæ. GENAE vocabulum ambiguum. Priscis palpebræ erant, recentiorum quibusdam cum malis confunduntur. Nos genarum nomine intelligimus totam illam faciei partem, quæ oculis subest, & intra aures ac nasum ad mentum usque, & laryngem extenditur. Ex Græco γένος nomen accepisse videtur, non à generandis pilis, qui genis innascuntur: nec quod per ipsos genera marium foeminarumque, & qui perfectæ ætatis atque imperfectæ sunt, distinguantur, ut habet

Casp.

Casp. Bauhuinus *l. de ext. part. cap. vi.* Frivola enim hæc sunt allusio-
nes, non etymologia.

Simplex apparet hæc pars ex se, sed ex usu auctorum duplex est.
Diuiditur enim & Hippocrati, & Aristoteli *l. b. Physiognom.* in supe-
riorem, cui superior maxilla: & inferiorem, cui inferior sub jacet.

Superior speciali nomine apud Græcos *μῆλα*, Latinis *Mala*, quo-
niam mali instar ætate florente rubet, appellatur. Hippocrati
κύκλος προσώπου, circulus faciei, quod os processus Zygomatici eminen-
tiam, quæ rotunditate sua circulum æmuletur, efformat. Pudoris
sedem Plinius in ipsa locabat, quod erubescitibus mala cum primis
sanguine suffuso coloretur. *Malas & nasum*, inquit Galenus *l. x. de*
Us. part. cap. xiv. natura pilorum expertia ac nuda reliquit. Sylvestris
enim eo modo ac fera facies tota fuisset, hautquaquam animali mansueti ac
politico conveniens.

Inferior genæ pars, quæ mandibulæ respondet, labijs compressis
inflari spiritu potest, & *bucca* proprie dicitur Horatii & Persij au-
thoritatibus. Hic sono quoque, qui ex inflatis buccis prorumpit,
sistitium Scloppi nomen indidit Sary. v.

Nec scloppo tumidas intendis rumpere buccas.

Sunt, quorum bucca inter ridendum foveam ostentat, quam Veneris
umbilicum appellant. Martiali gelasius dici videtur *l. vij. epigr.*
xxjv.

Nec tibus ipse juvat morsu fraudatus aceti:

Nec grata est facies, cui gelasius abest.

Protenditur bucca ad laryngem & mentum usque, ubi dextræ cum si-
nistra sit coniunctio: quæ pars in macilentis plana est, in carnosis
protuberat, & à Suetonio *buccula* videtur appellata. Bucca in vi-
ris, quo venerabundi magis apparerent, magno pilorum proventu
ornatur, in fœminis rarissimo & pessimo exemplo. Lanugo tamen
plerisque non deest eminus inconspicua: unde duodecim tabularum
interdicto nefas est, radi genas fœminarum, auctore Plinio *lib. xj. c. 37.*
Cui consentit Cicero *l. de Legibus*, dum ait: *Mulieres genas ne ra-*
dunt.

Mensurantur genæ filò hac ratione. A trago ad pinnam nasi quin-
que uncia interceptiuntur. A prominentia malæ dextræ si filum per
bucculam ducatur ad prominentiam alterius, illud spatium xij. opor-
tet esse unciam. Ab hac proportionem si recedatur, oriuntur variae
genæ

genarum formæ. Crassæ & carnosæ inertiam vinolentiamq; denotant: immo omnis vultus plenus & crassus, si Portæ credimus (l. 4. *Physiogn. human. c. p.*) ignarum & voluptatibus deditum significat. Graciles, quales æluris ac simijs, vafricie, invidiæ & rapacitatis indices. Rotundæ dolosos, oblongæ nugaces monstrant Ioanni Padovano Veronensi lib. *De singul. hum. corp. part. signific. cap. viij.* Genæ contractæ in tristi facie, stultitiæ: in hilari, certum adulationis signum. Plura vide apud Physiognomonicos, qui docent, genas hominis Europæi bene temperati & commensurati nec nimis carnea mole promipere, nec macie strigosas esse: sed modico tumore elevari, cute superinducta albicante, quæ rubore sanguineo eleganter sit perfusa, ut ebur purpura tinctum videatur. Sic Homerus *Iliad. vj. vers. 141.*

ὡς δ' ὅτε τίς τ' ἄλυσαντα γυνὴ εὐνίκε μίσην
Μυόνis, ἢ κείρα, παρήϊον ἔμμεναι ἴππων.

Id expressit Virgilius l. xij. *Aen.* de penis Lavinia lachrymantis;

*Accepta vocem lachrymis Lavinia matris
Flagrantes perfusa genas, cui plurimus ignem
Subiecit rubor, & calascia per ora cucurrit.
Indum sanguineo veluti violaverit æstro
Si quis ebur, vel misti rubent ubi lilia multa
Alba rosa: tales virgo dabat ore colores.*

Lucianus in Dialog. candorem faciei neutiquam laudari testatur; ἢ μὴ ἐπιτρέπη αὐτῷ καὶ τὸ εὐρύμα, nisi rubor admixtus eam ornaret. In puellis suis colorem hunc genarum passim extollunt Ovidius, Tibullus, Propertius, alij, quorum versus huc singulos transferre longum foret.

CAP. XIX.

Symmetria auricularum.

Auriculas rectius partes, aut saltem terminos esse faciei, quam capillitij, superius ostensum fuit: in presenti, quæ ad ipsarum symmetriam spectant, expendenda veniunt.

Aures ab audiendo aut hauriendo sono dictas volunt: cum sint auditus

ditus organon, non tamen spirationis, quod de capris credidit Alcæon apud Arist. *l. l. Hist. Anim. c. xi.* Sunt autem totius organi duæ portiones. Interna admirandis tornata gyrlis intra cranium latitat, & processu continetur petroso: cujus consideratio aliorum pertinet. Exterior oculis patet, & speciatim *auricula*, nec tamen diminutiva vocis significatione dicitur.

Loco corporis eminenti sitæ sunt auriculæ, & quidem in eodem cum oculis orbe, *Arist. l. c.* ad sonum facilius recipiendum, qui teste M. Tullio *lib. ii. de Nat. deor.* in sublime sua natura fertur. Præterea non antè ipsas natura locavit, sicut oculos: quoniam non modo in directam audire, sed & undiq; debemus, *Aristot. lib. ii. de part. anim. c. x.* Cartilagineæ factæ sunt, ut flæcti valeant. nam si ossæ rigidæq; forent, pileo aut galea commodo non uteremur: si carnea penitus ac pendulæ, vocis ingressum liberū sibi ipsæ præcluderent. Immobiles soli homini putat Aristoteles *l. i. Hist. Anim. c. ii.* Galenus tamen exiguum quendam atq; obscurum motum ipsis non negat *l. xi. 1. 1. part. c. xij.* Binæ numero factæ sunt, quo læsa una frui altera queamus, tanquam membro summe necessario, & quod ad tutandum animal semper patet, etiam dormitantibus oculis. Reminiscentiæ consecratæ sunt ab antiquis: unde familiaribus aures vellebant admonitionis specie, id quod à Cynthio sibi factum prædicat Virgilius *Eclog. v.* Sceleratis aures abscondere leges jubent, ut vitandorum flagitiorum recordentur: quam consuetudinem vetustam esse patet ex Homeri *Odyss. xvij.* ubi Autinous minatur, Irum à se missum iri ad Echetem regem;

Ὅς κ' ἀπὸ νῆα τέμνει καὶ ἔτα νηλεὲς χαλκῷ,
Μηδεὰ τ' ἐξερύσας δὲν κτείν' ὠμὰ δατασθαι.

Qui naves ipsi ferro truncabit ex aures,

Crudaq; projiciet, canibus rescissa pudenda.

Eandem poenam luit Melanthius ex grege procorum, ob facinora in aula Penelopes absente Ulyssæ patrata, *Odyss. xxii.* Pie vero, an impie ab eodem Homero *Iliad. xxi.* fingatur Laomedon minatus Neptuno atq; Apollini ob postulata mercedem, utriusq; aures à se ferro abscissum iri, judicent alij.

Partes habent auriculæ tanto artificio celatas, ut Galenus *l. i. c. xij.* de pulchritudine & ornamentis, quæ natura membris præter utilitatē necessariam superaddidit, verba faciens, excavatos concinne

auricularum anfractus exempli loco proponat: comparando naturam artificii, qui phialæ confectæ aut hederam, aut vites flexuosas, aut cyparissum ad ostentandam peritiam insculpit. Aristoteles l. 1. *H. B. Anim. c. xi.* ὅτις δὲ μέγας, inquit, τὸ μὲν ἀνθρώπου τὸ δὲ λέβωρος. Auris pars altera innominata, altera lobus. Gaza paraphrasticè reddidit: *Auris pars exterior, cui nomen auricula, parte constat superiore, Pinna: inferiore, Fibra.* Quæ tamen vocabula vix observantur hoc significatu ab alijs scriptoribus usurpata, cum plerq; partium illarum nomenclaturæ valde sint obscuræ & incertæ. Nos secuti diligentiam Anatomicorum, in latere auricularum interno septem numeramus particulas, quæ suæ flexione in externo latere alias quidem, sed anonymas formant. Sunt autem tres illarum classes: eminentiæ, cavitates, appendices. Eminentiarum duæ sunt, Helix, & Anthelix. *Helix* est circulus ille externus, qui ex *Concha* ortus totam fere auriculam ambit, & ad lobum terminatur. *Anthelix* ipsi oppositus in eadem *Concha*, sed sub *Helice* occultatum initium sumit, & circumlatus prope lobum finitur. Cavitates sunt totidem: *Innominata* ab utraq; eminentia sepitur, *Concha* introrsum vergit ad meatum auditorium, in cuius principio cerumen, seu sordes flavæ colliguntur. Appendices ternæ sunt: duæ duriusculæ, mollis unica. Quæ temporibus adhæret, *Tragus* & latine hircus dicitur, quod interdum pilis emissis barbulam hirci imitetur. Ei opponitur *Antitragus*, facto quasi sulco inter utrumq; qui *ῥυτίς* Herophilo dicebatur. *Lobus* denique ima auriculæ pars, qua nihil in humano corpore lentius aut flexibilius, cum nec osse rigeat, nec cartilagine aut nervis intendatur. Unde in proverbium abiit: *Auricula infima mollior.* Ciceroni lib. 4. ad Quintum F. ansa auriculæ, Iulio Polluci in Vocabulario *τίττις* nominatur, quod Atheniensium indigenarum cicadas ea parte in libertatis signum, perinde ut nostrates foeminae elenchos margaritasve appendere solebant. Arabum mulieres ingentibus annulis aures detrahere, immo in narium pinnis quoque eos gestare, refert venerande Vir memoriae Ioa. Veslingius *Synagm. Anatom. cap. xvj.*

Hæ partes auriculam constituunt, cuius mensura circino aut filo capitur. Circini pedem unum si summæ auriculæ parti applices, altero ad lobi extremitatem usque extenso, longitudinem trium fere unciarum in corpore bene proportionato invenies: latitudo à tragi radice ad medium helicem, duarum erit unciarum. Filum in auricu-

auriculæ ambitu circumtensum, uncias æquabit octonas.

Contra quam proportionē quæ peccant auriculæ, vitiosæ sunt. *Magna* notant bonam memoriam Auctori lib. ad Alexandrum, sed simul fatuitatem, præsertim si flaccidæ pendeant: unde Flacci cognominati. Sed & arrectæ ultra modum, stultitiæ indices sunt, *Arist. 1. Hist. Anim. xj.* Spectabiles hac parte sunt asini, quare Persius:

Auriculas asini quis non habet?

Hinc stolidis aut ex inertia delinquentibus auriculas asini ostendere solent, quas imitantur: protensis indice & auriculari digitis. Ad quod alludit idem:

O lane, à tergo cui nulla ciconia pinxit.

Nec manus auriculas imitata est mobilis albas.

Decantatæ sunt Midæ regis Phrygij asininae auriculæ, itemq; Fænesiorum sive Sacmalorum, ut Pomponius Mela vocat. Istis enim gentibus auriculæ in tantam magnitudinem excrescunt, ut totum corpus ijs vestium modo contegere valeant. Strabo ipsos *Εὐτορυς* appellat, quoniam auribus inter dormiendum strati vice utuntur. Idem recenset Plinius *l. j. Hist. Nat. c. xij. Parvæ*, quales simijs, malignos, libidinosos, fures & veteratores indicant Philosophum lib. Physiogn. tum *l. ad Alexandr.* In statu morbofo aures frigidæ, pellucidæ, contraxæque perniciem minantur, Hippocrati *Señ. ij. Coac. prænot. 192.* Longæ & angustæ invidiam, rotundæ indocilitatem arguunt. *Infractæ* seu parum exculptæ, cuiusmodi capris tribuit Plinius, imperfectionis & stupiditatis notæ. *Exculptæ*, docilitatem significant, cum curiosam formatricis operam ostendant: immo quo magis imbricatæ quasi grûndis, intusque anfractu longiore intortæ, eo melius auditum administrant, testimonio Philosophi *l. v. de gener. anim. c. ij.* Sic à levitate aut pilositate auricularum, præcita quidem morum haberi negat idem *l. j. Hist. anim. c. xj.* ad audiendum tamen aptissimas esse, quæ medium inter utramque tenent.

Auriculæ itaque laudabiles, quantitate sunt mediocres, nec oblongæ nimis, nec nimis rotundæ, hirsutæ parum, & quæ capiti decenter applicantur. Istiusmodi Augusto Imp. fuisse ex Suetonio colligitur, cum mediocres ipsi aures attribuat. Atque hæc de capite, eiusque singulis partibus,

CAP. XX.

Symmetria colli.

Collum à colendo Grammatici nominatum volunt, quod hæc præcipue pars torquibus ornatur, ac monilibus. Cervix etiam, sed dubia significatione appellatur: quin immo plurimæ colli particula incertis obnoxia titulis. Itaque nos sepositis illis, quæ circa etymologias versantur, controversijs, ex rebus ipsis rerum petemus nomina.

Collum ergo vocamus, quid inter pectus & faciem est, ut loquitur Philosophus j. *Hist. animal. xij.* seu partem illam teretem, quæ à thorace sustinetur, caput ipsa sustinet. Quorsum igitur referendum sit, in controversiam venit. Vertebrarum continuata series ad thoracem pertinere suadet: proportionis ratio, capiti addicat, ne quid dicam de pulchritudine, quæ ex conjunctione utriusque partis oritur, cum caput absque collo videre subturpe sit. Dividitur collum in partem anteriorem, posteriorem, & laterales geminas.

ANTERIOR pars ἀνδρεῖον, Aristoteli ἀρρυγῆ, Gaza guttur interpretatur, etsi & hoc verbum ambigui sit usus. *Guttur* ex instituto nostro in nodum & jugulum dividemus. *Nodus* à capite asperæ arteriæ seu larynge formatur, & si nimis protuberet, joculariter Pomum Adami nuncupatur. *Jugulum* cordis locus, est lacuna illa, quæ ad claviculæ conjunctionem, adjuvantibus musculorum mastoideorum tendinibus effingitur.

POSTERIOR colli pars *cervix* vocatur, quæ ab occipite initio sumto ad processum spinatû septimæ colli vertebrae pertingit. Imbricata hæc pars apparet ob musculorum utrinque adjacentium eminentiam, unde cavum seu fovea cervicis vocatur, barbaris etiam nucha. Et quoniam in motu capitis tenditur, tendo quibusdam dicta fuit, auctore C. Bauhino l. de *extr. part. c. jx.* Interpres Homeri ad Iliad. ε. τὸ κοῖλον τὸ τένοντος, cavitatem tendinis vocavit.

LATERALES partes anonymæ sunt apud Latinos, Galeno ἐπαμίδες

com. j. in lib. de oss. & Ruffo Ephesio l. de part. hēm. nomenclat. Exortē pone lobum auriculæ ad tuberculi processus mammiformis, ubi parotidum sedes, deorsum ad summum humerum, quo loco claviculæ acromiis committuntur, excurrunt.

Partium harum symmetriam exploraturus, duplici iterum via erit progrediendum. *Anthropometron* homini debite locato antèrius & postèrius applicatum, duas monstrabit gutturis & quinque cervicis uncias, adeo ut caput cum collo sextam totius corporis partem adæquet. Quod si homō non recta prospiciat, sed versa in cœlum facie, elongabitur guttur ad uncias quatuor, & ē regione cervicis longitudini binæ adimentur. Latitudo colli seu diametèr parte superiori, qua capiti adhæret, quatuor unciarum est: inferior, qua brachijs & thoraci committitur, denarum. *Filo* ad epomidem mensurationem utitor, quarum extensio à parotide ad humerum septem aequabit uncias. Circumferentia colli integri sub larynge, pedis esto unius, & duarum unciarum.

Ex hac commensuratione manifestum evadit, quid collum crassius aut tenuius, longum aut brevius sit. *Crossum*, sine tamen vastitate, roboris indicium statuitur, exemplo leonum ex Aristotelis l. *Physiogn. c. vj.* unde Hippocrates vj. *Epid. j.* de capite acuminato præditis sermocinatus: *Si validam, inquit, cervicem habent, robusti erunt tum quoad alia membra, tum ossibus.* Quales enim sunt colli vertebra: tales & thoracis, & lumborum, & ossis sacri, si quidem natura proportionis leges observavit, esse consueverunt. Atqui & musculos tum oportet esse magnos, ut movendis ossibus magnis pares esse possint. Magni musculi requirunt magna vasa, quibus sibi & spiritus & alimentum subministrantur. Unde conjectura sapienti colligitur, robustum collum totius corporis indicare robur. Constantino M. tale fuisse Zonara refert, cum latis humeris: inde cervicosus dictus. Hi iracundia incitati taurorum annulantur impetum, quem reprimere nullus metus potis est. Crassiores tamen costæ, quæ non ab ossium firmitate aut toris musculorum compactis, sed à nimia pinguedine, velut in suis, proficiunt, stolidum hominem, sordidumque gulonem arguit. Claudius Caesar opimis fuit cervicibus, & maxime ignarus: quàm obrem Antonia mater ejus dicebat, ipsum hominis portentum esse, inchoatum à natura, non absolutum. Neroni quoque obesa cervix, ex Suetonio.

Collum tenue, quale cervis, imbecillitatem exemplo Polyxeni apud Daretem: sed una ingenij acumen, Tullij exemplo significat, qui collo tenui, corpore infirmo, at ingenio fuit subtilissimo. Quod si *gracile simul, & longum* fuerit, cujusmodi aviculæ ostendant, id timiditatem garrulitatemque designat, exemplo C. Caligulæ, quem Suetonius gracilitate maxima fuisse cervicis & crurum refert. Erat autem nimium pavidus & vitiosus, & adversus barbaros cum trans Rhenum iter faceret, dicente quodam, non mediocrem fore consternationem, equum conscendit, & moræ impatiens aufugit. Mirum quod Plinius observavit l. xi. c. iij. longa crura esse, quibus longa colla. id in ciconiis, gruibus, ardeis, cervis & in hominibus quibusdam verum experimur. Iloerates in *Panegyrico Helena*, ipsam scribit existimatam ab odore genitam, quod collo esset oblongo & candido. *Virginum solum* post primæ noctis venerem crassescere, vetus fama est: unde collata utriusque diei mensura, qualem sponsus se gesserit, divinare audent. Meminit hujus rei Camillus Baldus com. in *Arist. Physiogn. part. iv. aposteism. xxxv.* Spigelius l. j. de hum. corp. fabr. c. vij. ad totum corporis habitum id referendo, scribit: *Inter feminas virgines graciliores fere sunt, quia post congressum crassiores evadunt, venis universi corporis in complexu venere a calore exagitato dilatatis, id quod spatio vel unius diei post coitum statim advertere licet.*

Collum breve, quale lupis, hyænis, accipitrumque generi, caliditatem, insidias ac rapacitatem indigitat: vitia scilicet, quibus bestia istæ obnoxia sunt. *Collum fractum*, obstipum, atque ita erectum, quasi per corpus verum esset adactum, superbiam & contumaciam ostendit: *fractum* vero, oppidoque inclinatum, hominis simplicis & cogitationibus occupati argumentum. Laudatur *leviter inclinatum*, quale Messia nostro Nicephorus l. j. c. ult. fuisse prodidit: *Collum*, inquit, *sensim fuit declivè, ita ut non arduo, & extento nimium corporis statu esset.* Si ad dextram parum inclinet, veluti Alexandro Macedoni, referente Plutarcho in ejus vita, prudentem studiosumque signat: sin ad levam, indicium id esse volunt adulterijs dediti.

Præterea *nodus gutturis* nimis protuberans, hominem sapientem quidem, & sublimia meditantem: sed suspicacem simul, & quandoque difficilem, bibacemque indicat. In femellis prorsus improbarum. *Cervix aspera*, seu cujus spinæ valde prominent, asperis moribus,

ribus prædictum, iniuriosum, insolentemque, relatione ad ipsos facta, denotat.

Denique ut, quæ hætenus dicta sunt, luculentiora evadant: capitis cum collo symmetricam effigiem, qualis in plano exhiberi potest, hic omni ex parte, si placet, intueri.

Caput cum collo symmetricum, parte anteriore, laterali
et postica.



C A P. XXI.

Symmetria brachij.

Collum thoraci & brachio annectitur: unde, utrius suscipienda tractatio prius sit, dubium. Receptus Anatomicorum ordo artuum expositionem post absolutas tres corporis cavitates quas vocant, non sine ratione instituit: imitantur hos plerique eorum, qui Anthropologias conscribere. Aristoteli in *Physiognomonicorum* libello, ubi præscita hominum ex membro-

rum signis collecturus erat, à pedibus ordiri placuit, & inversa serie ad caput ascendere. Nobis, quibus symmetria membrorum primario proposita, symmetra magis visa fuit, illa methodus, qua corpus & in uniuersum, & membratim, à capite ad calcem descendendo, mensuratur. Hanc ne deferere videamur, aut ab abdomine ascendere denuo cogamur, maxime opportunus erit hic locus explicandæ proportioni brachij: quo postea non interrupto ordine per thoracem, abdomenque ad pedes procehamur.

Nominum, quibus artus superiores, eorundemque partes insigniuntur, maxima est confusio tam apud Græcos, quam Latinos auctores. Totum membrum ab Aristotele *βραχίον*, à Galeno sæpissime *χερ.* Gaze ulna interdum dicitur. Confer Casparis Hofmanni commentaria in Gal. l. 1. de usu part. num. xj. Nos Celsum secuti *brachium* vocabimus, dividemusque in tres partes tribus junctas articulis.

Prima & maxima pars Aristoteli *ἀγκών*, Galeno *βραχίον*, Humerus Celfo, Gaze Agilis nominatur. Nos cum Ouidio LACERTVM dicemus, qui lib. 1. *Metamorph.* quasi partes brachij carmine complexurus, ita canit:

— *Laudat digitosque, manusque,*

Brachiaque, & nudos media plus parte lacertos.

Lacerti articulus superior, quo scapula & clauicula committitur. Philosophi *ἄμος* est, Humerus Plinij. Fortes sunt, quibus lacerti torosi & compacti adeo, ut muscoli colliculorum ritu inter quasdam quasi valleculas non nihil assurgant. Maro l. v. *Æn.* nautis tales videtur assignasse, dum scribit:

— *Ferit æthere clamor*

Nauticus, adductis spumant freta versa lacertis.

Miles Crotoniates, cum jam senex esset & athletas se curriculo exercentes videret, aspexisse lacertos suos dicitur, illacrymansque dixisse: At hi quidem mortui. Cicero in *Ca. maj.* Refert Io. B. Porta l. ij. *Physiogn. hum.* c. xxxvj. tam torosis artubus fuisse Georgium Scanderbegum, ut ponderoso acinace, quo utebatur, medios hostes ad umbilicum proscinderet, sæpe transversos divideret, aut per cervices cum humeris brachia detruncaret. Tam immanium vulnorum organon videre gestiens Mahometes Turcarum Imp. impetravit, ut gladius Byzantium mitteretur.

Alte.

Alterā pars brachij CVBITVS est Gazæ, πῦχς Aristotelis ἀλὲν aliorum: Celfo aliquando totius nomine brachium dicitur. Committitur cubitus humero superius quidem per articulum, qui ἀγκὼν Hippocrati, Aristoteli ἀγκύραον, quod Gaza gibber interpretatus est. Inferius manui dearticulatur. interventu officulorum octo, quæ coniunctim a Græcis καρπός, à Latinis brachiale dicuntur. Habet & suos toros cubitus, præsertim in viris robustis. unde quæ de lacerti fortitudine paullo ante dicebantur, huc etiam cæteris paribus quadrant.

Tertia pars MANVS est, Aristoteli χεῖρ, Galeno sæpius ἀρὰ χεῖρ, ex quo alij composito nomine ἀπὸ χειρὸς & ἀποχεῖρς fecerunt. Manus dirimitur in palmam & digitos. Palma latus internum carnosum est, & vola dicitur: externum nervosum aut tendinosum potius, dorsum vocatur. Pars carpo confinis, radix est: vicina digitis, finis. Latus superius inter pollicem & indicem, Ruffo Ephesio δέναν: inferius Hypothenar vulgo, aut Percussio, quod manu in pugnum contracta, hac parte percutimus. Digni numerantur quinque, sed igni enim monstri quid alunt. Pollex, quem Græci ἀντίχειρα, quasi promanum appellant. Index ab officio notæ vocatus fuit, unde Horatius:

Pulchrum est digito monstrari, & dicier: Hic est.

Medius, qui quod cynædis à pædiconibus monstraretur, impudicus & obscenus audit. Annularis, quem annulis gestandis consecraverunt Anatomi Aegyptij, quod ad ipsum à corde nervum singularem immediate propagari falso credebant, referente Appione apud Gellium l. x. c. x. Minimus, etiam auricularis ab usu vocatur, cum ejus ope in cerumine expurgando utamur. Digitis singulis terni sunt articuli seu nodi, quos ex Græco recentiores vocant Metacondylos, Condylus, & Procondylos. Illi palmæ committuntur, isti medij sunt, hi unguibus vicini.

+ Distributo in suas partes brachio, ad symmetriam inquirendam progrediamur. Brachij totius longitudo triginta unciarum est, ab humero scilicet ad apicem medij digiti: adeoque naturaliter ad genua non pertingit, licet Physiognomonici tam longa brachia crediderint non tantum esse indicia fortitudinis cum quadam regnandi cupidine conjunctæ, sed & liberalitatis, Sunt qui arbitren-

tur Alexandro M. talia fuisse, ut refert Io. B. Porta *l. 2. Physiogn. hum. c. 37.* Darium pulcherrimum fuisse Strabo refert, nisi quod brachijs tam exertis erat, ut stantis genua contingerent. Sane omnibus regibus si non longa, saltem potentia brachia sunt: inquam. sententiam scribebat Helena ad Paridem apud Ovidium:

An nescis longas regibus esse manus?

✗ Sed Artaxerxi Persarum regi Longimani cognomen adjectum, quod dextram laeva longiorem haberet: cum secundum naturam brachia oporteat esse inter se æqualia, licet dextra sinistris imbecilliora esse experientiæ credamus, & Aristoteli *l. j. Hist. Anim. c. xv.* Contra, si tam brevia fuerint brachia, ut comedentes caput manibus admouere cogantur, malevolos atque alienis gaudentes malis arguunt Auctori lib. ad Alexandrum.

Particulatim *lacerti* longitudo ab humero ad flexuram gibberis, xij. est unciarum: peripheria, filo prope humerum circumacta, totidem constabit uncis. *Cubitus* longitudine à flexura gibberis ad Restrictam infimam seu volæ radicem, denas æquat: circumferentia sub gibbere xi. *Manus* ipsa faciei lineæ æqualis est, sive octo continet uncias. *Palmarum* latitudo, à thenaris loco pollicis vicino ad hypotheriam medium, æqualis est utrinque tam per volam, quam per dorsum, quatuor quasi unciarum: longitudo diversa est ita, ut spatium à radice manus ad extremum palmæ sub medio digito, in vola quidem quatuor uncias superet, in dorso non attingat. Ridiculum est, quod refert Taisnerius *l. j. Chiromant. c. viij.* *Mulieres habentes curtam palmam, difficultate partus gravari:* hoc propter correspondentiam scissuræ membri pudendi, cujus longitudo æqualis est distantia à radice medij usque ad Rascetam. Eadem est ratio medij digiti, qui quaternarum quidem unciarum est, sed volam versus tantillum deficit, quantum in dorso excedit. Ipsum & longitudine & crassitie pollex superat, digitorum omnium robustissimus, & quasi parva manus. Titillationem montis pollicaris ab homine incorrupti pudoris minus tolerari posse, crebra observatio docuit: unde à quamplurimis veterum Chiromantarum Veneri is tributus fuit. Medio quantitate proximus annularis: ipsi succedit index, cujus longitudo exterior mediam totius manus longitudinem æquat, & ultimo loco auricularis. Hujus primo internodio si filum circumdes, ea mensura binas plus minus continebit:

lineabit uncias: quæ triplicata carpum comprehendet, & carpi triplicata collum. Item, longitudo auricularis trium fere unciarum est, adæquans pollicis secundum & tertium internodium: secundum autem aperturæ dentium æquale est. Unguis quilibet sui dimidium articuli.

Cæterum dari in fronte lineas planetis singulis dicatas, suo loco fuit ex Metoposcoporum doctrina demonstratum: postulat idem jus in præsentī suis sulcata manus lineis. Aristoteles j. *Hist. Animal.* xv. paucissimas agnoscit, dum volam manus distinctam ἀρδρῶς, τοῖς μὲν μακροβίοις ἐνί, ἢ δυοὶ δι' ὅλης τοῖς δὲ βραχυβίοις δυοί, καὶ μὴ δι' ὅλης, articulis, longævis quidem uno aut duobus per totam volam ductis: brevioris vero vitæ duobus, qui per totam non excurrant. Articulos hos sect. x. problem. 48. τομαὶς sive sectiones vocat, indagando causam. Quare, qui manus casuram per totam obtinent palmam, vivere diutius possint? Verum quas manus inspexerit Aristoteles, & an Asiaticorum volæ unam binasve tantum lineas tum ostenderint, quod omnia ipsis, quam Europæis robustiora, testimonio Hippocratis l. de aer. aq. & loc, id in medio est relinquendum. Nos si Europæorum manus intuemur, nunquam unam, duabus plures fere semper invenimus: immo adjunctis carpi lineis, quas Rascetas barbare aut Restrictas nominant, Chiromantæ communiter quindecim recensent, magnitudine tamen quammaxime inter se differentes. Evidentiores sunt septenæ. Tres in carpo; summa, media, & infima, quæ radici manus proxima: quatuor in vola; cardiaca, cephalica, mensalis, & fortunæ. Reliquæ nec tam frequenter adsunt, nec tam manifeste apparent: ideo ut mirum sit, quare qui fundamenta Chiromantiæ jecerunt, non evidentiores illas septem tribuerint planetis, sed quasdam ex minutis illis, quæ visum sæpe effugiunt. Mihi si liceat non cornicum oculos configere, sed perscrutari saltem modum, quo primariæ manus lineæ, non sine ratione, ad planetas reducantur: Saturno tanquam omnium supremo supremam quoque Restrictarum, Iovi proximo mediam, Marti imam ascriberem. Cordi Sol imperat fons vitalis caloris, ergo & cardiace. Cerebri Luna præses, igitur & cephalicæ. Veneri mensalis jam antiquitus attributa, quod ex ipsa de partibus genitalibus & matrimonio iudicium ferretur. Solus superat Mercurius, de quo quicumq; naturas planetarum abstrusius rimati sunt,

duo observarunt. *Primum* quidem, Mercurium tanquam deorum nuntium, & variorum auctorem negotiorum, plerumque multiplicare suam lineam. *Secundo*, Mercurij lineas diverso à reliquis situ collocari. Ita videmus in fronte, quam cæterorum lineæ transversim pervagantur, huius solius & geminari frequentissime, & sursum ferri: in pedis autem planta Mercurij lineæ non tantum multiplici plerumque ductu sursum feruntur, sed & maximam partem cæteras transeunt. Hinc pene inducor ut credam, ascendentem illam per cavum volæ non esse Saturni, sed genuinam Mercurij lineam: cui secundo Hepaticam dictam adjungo, & Viam lacteam, & si adsint ex Saturninis vulgo vocatis, secunda, atque tertia. Reliquæ minuscule per totam volam sparsæ, peribentur characteres planetarum, aut impressiones fixarum principum, cum & has natalitio themati inscribere Astrologi cõsueverint. Legi meretur Io. Rothmanni tractatus peculiaris, quo harmoniam inter lineas manus, & positum stellarum nativitatis tempore, multis exemplis & asseruit, & figuris apposisit illustravit. Cæterum hæc linearum dispositio, si nemini placuerit, mei solius esto, qui nec ulli ipsam obtrudo, nec veterem ut rejiciat, auctor sum. Si libet, aspice sphaeras coelestes in propria manu, & cum præsentis schemate confer.



CAP. XXII.

Symmetria thoracis.

Thorax origine Græcanica vox est, & multiplicis significationis. Alienior est, qua vinculi genus pectori vult nerato deligando notat, cujus injiciendi rationem explicat Galenus lib. de Fascijs. Magis proprie truncum corporis designat, sub qua notione Plato in Timæo suavit, & Hippocrates lib. de Arte scripsit: ὁ τε γὰρ θώραξ καλεσμένος, ἐν ᾧ τὸ ἥπαρ περιέχεται, Thorax dictus, in quo hepar continetur. Itemq; Aristoteles lib. 1. Hist. Anim. c. vij. τὸ ἀπὸ ἀνθρώπου μέχρι αἰδοίων κύτος, ὃ καλεῖται θώραξ. A collo, inquit, ad pudenda thorax appellatur. Omnium maxime proprie accipitur à Galeno, cujus vestigia cum recentioribus nos quoque nunc prememus, pro superiore trunci cavitate, quæ diaphragmatis septo ab inferna interstinguitur. Ad figuram thoracis quod attinet, eam ovalem asserit Spigélius lib. 1. corp. hum. fabr. c. jr. quod tamen de toto trunco verius est. Est autem thorax homini naturaliter ex rotunditate paululum compressus ante retroque: reliquis animalibus carinatus, ut loquitur Plinius lib. xj. c. xxxvj.

Discescimus thoracem in partes quaternas: anteriorem, posteriorem, & laterales geminas.

ANTERIOR à jugulo incipiens ad molles usque abdominis partes excurrit, *pectus*que speciali nomine vocatur. Quibus id *latum*, pectorosi vocantur, magno roboris argumento, imprimis si pilositas accesserit. Exemplo sint Achilles apud Homerum & Dardem Phrygium, Hercules apud Diod. Siculum, & Mars militia preces, de quo auctor Priapei.

Nemo est feroci pectorosior Marte.

Ita Virgilius l. iij. Georg. de equo generoso:

Luxuriatque toris animosum pectus.

Nec tamen laudatur pectus *carnosum*, quippe quod rudicatem potius, atque ignaviam indigitat Alberto M. atque Petro Aponensis. Pectus *angustum* strictumque imbecillitatem arguit: affecta-

tur tamen à mulierculis quarundam gentium, ubi matres filiarum pectora stringunt, quo demissis humeris fient, & curvatura red-dantur junceæ, quam perniciosam consuetudinem false irridebat Terentius in Eunucho. Pectus *gibbosum* duplicis animi hominem & simplicem magis, quam sapientem notat Scoto.

Subsunt pectori claviculæ & sternum, cum costarum finibus. *Clavicule* virorum magis tortæ & apparentes, quam fæminarum esse solent, adeo ut inter signa, quibus sceleta maris ac fœminæ dignoscuntur, clavicularum evidentior curvatura relata sit. Philo-sophus *lib. Physiogn. c. 13*. Quibuscunque, inquit, ea quæ circa claviculas sunt, *εἰλυτα* seu bene solubilia, illi sensiles existunt: quibus vero *συμπεριπεπραγμένα* sive conclusa sunt, insensiles. Socrati claviculæ fuerunt carne obturatæ, unde ipsum stupidum judicavit Zopyrus Physiognomon, immo & mulierosum, referente M. Tullio *lib. de Fato*. Debent ergo homini bene proportionato claviculæ esse parum utrinque concavæ, & ad juguli foveam decenter apertæ: cum ipsum vulgus bardos, fatuosq; illos nominet, quibus fonticulus gulæ deest, ut loquitur Camillus Baldus *com. in Arist. Physiogn. part. 4. apotelesm. 35*. & multa carne replentur partes, quæ sunt circa ossa juguli.

Sterni mucro *σφαγὴν* seu foveam præcordiorum, ope cartilaginum costalium utrinq; reflexorum efformat. Eminet supra ipsum in confinibus costarum superiorum mammæ, quarum magnitudo plurimum variat. Maribus, cum glandulis careât, exiles: ut & puellis ante pubertatem. His, cum aptæ fiunt conceptioni, paullatim sororiantur: gravidis & lactantibus insigniter turgescunt, monstrantq; papillam cum areola sua evidentius. Vetulis flaccescunt iterum, & absumta pinguedine turpiter dependent, Martialis:

Aui tibi pannosa dependent pectore mamme.

Liceat hic obiter asserere magnitudinem mammarum muliebri sexui convenientem, quam si quis nosse avert, ex præcepto Spigelij *l. 1. Hum. corp. fabr. cap. ix*. virgines aspiciat adultæ ætatis, & staturæ decentis. Alij malunt virum perpeffas, sed nondum gravidas. His enim attolli in eam solent magnitudinem, quam manu sua commode obregant. Erat fere similis olim Martialis mensura, qui *l. xiv. Epigr. 134*. fasciam pectoralem ita alloquitur:

Fascia crescentes domine compesce papillas,

Ut sit quod capiat nostra, tegatq; manus.

Repro-

Reprobantur, quæ majores sunt, tanquam vinolentiæ, libidinis & rixositatis notæ. Vnde Martialis l. xiv. Epigr. 149.

Mammofas metuo: tenera me trade puella,

Ut possint niveo pectore lina frui.

Idem ibidem Epigr. 66. iocose reprehendit institutum scæminæ, quæ ingentes mammas veste exigua compescere studebat:

Taurino poteras pectus constringere tergo:

Nam pellis mammas non capit ista tuas.

Et Horatius Epod. viii. per antiphrasin:

Sed incitat me pectus, & mamma patres,

Equina qualis ubera.

Sed & in sexu virili, mammæ de pectore amplo, macilentoque dependentes nimium, scortatores effœminatos, & ebriosos signant: nimis exiles, imbecillitatis indicinæ: mediocriter plenæ perfectam constitutionem ostendunt.

POSTERIOR thoracis pars: *dorsum* dicitur, quod sumto principio ab eminentia spinata septimæ cervicis vertetræ, ad primam usq; lumborum extenditur. Constat dorsum Scapulis binis, & Metaphreno. *Scapula* Græcis ὀμοπλάται, Celso l. viij. c. j. *Scoptula*, vel ut alii legunt, *Scoptula* operta. Principium sumunt ab epomidibus & humeris, iuxtaq; metaphremum deorsum latæ ad nonam dorsæ vertebra finiunt. Poetæ scapulas intelligendo, suis heroibus *latos* plerumq; humeros tribuunt. Ita Priamus de Vlyse interrogans Helenam supra muros Troiæ *Iliad. iij.* *Quis est ille, ait,*

Μείων μὲν κεφαλῇ Ἀγαμέμνονος Ἀτρεΐδᾶο,

Εὐρύτερος δ' ὁμοίῳ ἰδέεσθαι σέρποισι ἰδέσθαι.

Minor quidem capite Agamemnone Atrida,

Latior vero humeris & pectoribus ad videndum.

Ita Virgilius l. v. *Aen.*

Tales prima dares caput alium in prælia tollit,

Ostenditque humeros latos, alternaque jactat

Brachia protendens, & verberat ictibus auras.

Et lib. ij. Aeneas de seipso Anchisen portaturo:

Hæc fatus, latos humeros, subiectaque colla

Veste super sulvique insternor pelle leonis.

Succedoque oneri.

Plato quum apud Aristonem Argivum palastritam exercendo cor-

pori operam daret, & robustiori valetudine, & scapularum amplitudine ceteris condiscipulis longe præstaret, nomen hoc adeptus est, cum antea ex avi paterni nomine Aristocles vocaretur, teste Plutarcho in *vita Platonis*. Contra scapulæ angustia debilitatis indicinx, & si emineant valde in morem alarum, ad tabem opportunos commonstrant Hippocrati ac Galeno *com. j. in j. Epidem. & com. in ij. aph. xxxj.* Avicenna optime ipsos descripsit *l. ij. F. x. tr. v. c. xx.* nisi lectas aures inculta versio offenderet: *Isti sunt alatis*, inquit, *habentes pectus strictum, habentes spatulas nudas carne & proprie posterius habentes spatulas declives ad anteriora incedendo, & quasi unicuique eorum sunt dua ale, & quasi spatula ejus sunt abscisse ab adjutorio, & ante, & retro: & habentes colla longa, & inclinantes ea ad anteriora: & quandoque præcedunt guttura ipsorum, & eminent.* Πτεροπῆδες hos seu alatos Aristoteles invercundia accusare videtur, *lib. Physiogn. c. ij.* Sunt, qui prominulas scapulas pulvillis ex xylino, linove paratis consistunt, quo habitiores appareant. Eos Cælius Rhodiginus *lib. xj. Ant. Lect. c. xxxj.* Analectides vocari, probat ex illo Ovidij *lib. ij. de arte amand.*

Conveniunt tenues scapulis analectides altis,

Angustum circa fascia pectus eat.

Metaphrenon quid proprie sit, à veteribus vix satis est expositum. Φρένες diaphragma significabant, itidemque præcordia, ubi diaphragma sterni affigitur: itaque ex etymo metaphrenon imam dorsi partem denotaret, cui diaphragma productionibus suis alligatur. In quem sensum à Ruffo *lib. de part. hum. nomencl.* metaphrenon fuit definitum, quod sit τὸ μεταξὺ τῆ νώτε καὶ ὀπίσσης, κατὰ τὴν τῶν νεφρῶν πρόσφυσιν, pars inter dorsum & lumbos media, quæ renes adjacent. Veruntamen à recentioribus paullo latius videtur extensa metaphreni regio, ita ut totam dorsi partem designet, quæ à cervice incipiens inter scapulas ad lumbos usque protenditur. Higino *descrip. urs.* Inter scapillum quoque appellatur. Respondent ipsi vertebrae dorsi duodecim cum costarum principijs. Quibus metaphrenum magnum, bene carnosum & articulatum, fortes sunt, & ad leones referuntur. Quibus exile, imbecillitatem & mollitiem signat. Sed & nimis carnosum improbatur, tanquam intellectus crassum argumentum. Intus nimis curvatum, male moratos arguit: nimis

mis eminens gloriosos, & non intelligentes, cujusmodi ad equorum naturam refert Aristoteles Physiogn. c.vj. *Gibbosum* pessimum. *Apud me*, inquit *Porta l. 2. Physiogn. hum. c. xviij. omnes mutili improbi sunt, & pessimi omnium gibbosi: cum natura error sit circa cor.* A sacris olim hi rejiciebantur, tanquam mutilis deteriores. Galba auctor clarus, sed gibbo prominenti deformatus, coram Cæsare Augusto causam agens, & velut eloquio gloriabundus sæpe iterans: Corrige in me, si quid corrigendum videris, Auguste! hoc ab eo responsum tandem habuit: Ego, Galba, monere te possum, corrigere non possum. Annotavit Macrobius *lib. ij. Saturnal. cap. jv.*

LATERALES thoracis partes latera, Græcis πλευραι vocantur. Sub axillis orta ad ilia usque protenduntur. Subjacent ipsis costarum semicirculi. Α πλευροι sive exiguis præditi lateribus Philosopho *Physiogn. c. vj.* molles sunt, & ad foemininum genus referuntur: εὐπλευροι seu bonis lateribus instructi, fortes. Hinc Cato apud Tullium l. de Senect. exprobraturus factum Milonis Crotoniatæ: *Neque ex te, ait, uquam es nobilitatus, sed ex lateribus & lacertis tuis.* Oratores expedit robusta habere latera, quia membra spiritalia includunt, & ad sermonem alta voce continuandam faciunt. Unde Cato ibidem: *Orator, inquit, metuo ne languescat senectute. est enim manus ejus non ingenij solum, sed laterum etiam, & virium. Omnino canorum illud in voce splendet etiam nescio quo pacto in senectute: quod equidem adhuc non amisi: & videtis annos meos.* Refert autem de se ipse paullo superius, quod quinque & sexaginta annos natus, legem Voconiam magna voce & bonis lateribus suaserit. Stabilis hujus sententiæ veritatem observatio Philosophi l. c. ubi loquaces plane ac morologos esse scribit, ὅσοι ἐκ τῶν πλευρῶν περίοικοι εἰσιν, οἷον πνευστήνοι, quicumque lateribus circumtumidi sunt, & inflati bouna instar aut ranarum. Camillus Baldus com. ad illum locum apotelesm. xxij. se novisse hominem narrat, cujus non latera solum, sed totum corpus inflatum videbatur, & ipse tumens tanquam buse iratus continuo blaterabat, etiam cum solus foret: præterea perpetuum flatum à parte anteriori & posteriori emittebat, adeo ventosus & ampullaceus, ut neminem loqui permitterer. Latera carnosa rudicitatis signum Polemoni & Adamantio: sicuti contra ingenioso latera & dorsum minus carnosum tribuit Aristoteles *Physiogn.*

c.ij. Apparere enim debent vestigia costarum in homine bene mensurato, musculis iusta distantia interpositis: nec in unum os, licet maximo roboris indicio, coalescere. Rothophanes Magnesius eodem die lucta, pancratioque victor Olympicis certaminibus evasit, cujus cadaver sub Hadriano Imperatore detectum, unicum os & perpetuum à jugulo ad ilia, costarum loco, ostendit. Camillus Baldus *com. cit. apotel. xxj.* recenset historiam viri medici robusti, qui annum agens circiter quadragesimum, subito suffocatus fuit. Dissecto corpore domestici invenerunt, uno osse pectus constare, & intercostalia ossea esse. Hinc concludebant, ut se habent futurae ad cerebrum, ita se habere musculos intercostales ad cor: & sicut deficientibus futuris cranij, ob negatam transpirationem male afficitur animal, ita ossescentibus musculis intercostalibus & immoto thorace reddito, ob conclusum calorem cordis animal necessario suffocari.

Ad symmetriam omnium harum partium quod attinet, peripheria thoracis inspiratione dilatati est xxxvij. unciarum: remissi, pedum ternorum: expiratione angustati unciarum xxxv. Latitudo tam anterior, quam posterior, pedis unius est. Longitudo pectoris à jugulo ad præcordia, octonis constat uncijis: claviculae singulae senis. Metaphrenum longitudine tredecim uncias adæquat: latera novem. Triangulum perfectum constituunt apices mammarum, & fovea juguli, ex sententia quoque Camilli Baldi *com. cit. apotelesm. 419.*

C A P. XXIII.

Symmetria ventris.

THoraci venter succedit, tertia corporis cavitas, in qua partes naturales dictæ continentur. Στενστάτην, inquit Hippocrates l. de Articulis, πάντων τῶν ζῶων ἄνθρωπος κοιλίην ἔχει· ὡς ἐπὶ μεγέθει ἀπὸ τῶ ὀπισθεν εἰς τὸ ἔμπροσθεν, ποτὶ καὶ κατὰ τὸ εὐχίδος. *Angustissimum ventrem ex omnibus animalibus homo habet: quantum ad magnitudinem attinet, à posterioribus ad anteriorem partem, insuperque etiam juxta pectus.*

Antica ventris pars ABDOMEN vocata definitur Celso l. jv. c. j. quod à coxis ac pube sursum versus ad præcordia pervenit. Quare centrum ejus erit umbilicus; principium mucronata, finis pecten, latera ilia. Umbilicus ab umbone dictus, ille in mediotallo nodus est, quem luxuria sedem olim pronunciarunt: unde Paphi in Cypro templum esse scribit Porta l. ij. Physiogn. c. xxxv. in quo Venus sub umbilici figura antiquitus colebatur. De scrobiculo cordis, cui mucronata cartilago subest, præcedenti capite actum. Pecten locus ille dicitur, ubi ossa pubis committuntur, pudenda sustinens. Ilia abdominis latera sunt, quibus lumbis jungitur. Hæc circumferentia abdominis in multas regiones ab Anatomicis subdividitur, quas afferre singulas hic nihil attinet. Sufficit nobis ad dimensionem commodè ineundam illud partiri in regionem supra & infra umbilicum positam. Illam epigastrium nominabimus, non prout à Galeno com. ij. aph. xxxv. accipitur: sed quia τῷ γαστρί seu ventriculo incumbit. Hanc hypogastrium, quod ὑπὸν Hippocrati l. c. Gaza ex Aristotelis l. j. Hist. anim. c. xjv. Sumen vertit: in cujus extremitate pudenda pube circumfusa visuntur, pertingitque ad perinaum usque. Ad latera inguinibus circumscribitur. Exosse abdomen factum est, quo cibo distendi, & foetu in mulieribus queat.

Ventris posterior pars lumbis constat, & coxis. LUMBI, ὀστέες Græcis, ab ultima dorsi vertebra sumto principio ad nates usque extenduntur, utrinque abdomini per ilia commissi. Componuntur ex parte ossea, quæ vertebriis quinis, osse sacro atque coccyge sustinetur: & carnosa, quæ utrinque musculosa pulpa prominet, cuique nullæ costæ subijciuntur, unde iliorum mollis vacuitas, ob quam νεφῶδες Hippocrati dicta sunt. COXAE formantur ab ossibus innominatis, quorum tres partes. Supremæ Ossa ilium vocantur, quæ arcus instar eminentia nates sustinent. Imæ abdomen versus vergunt, & Ossa pubis appellantur. Medijs Ischiorum nomen, quorum acetabulis ossa femoris inferuntur. Nates Græcis σφαιραιματα, quasi globosæ circumscriptiones vocantur. Partis excretoriæ γλέτες, tanquam stragulum subditas, dicit Philosophus c. i. Hist. Animal. c. xij. inde Sedilia quoque Cælio Rhodigino. Item Clunes ex Græco κλῦνες. Juvenalis:

— Tremulo descendunt clune puellæ.

A curvatura coccygis assurgunt utrinque, & qua femori committuntur, foveas quasdam transversim efformant, quas Aristoteles l. c. c. xvj. ὑπογαστρίδης nominavit, subnatales Gaza.

Cunctæ hæ partes num debitam servant symmetriam, hoc patet scrutator. Applica anthropometron, & si corpus bene proportionatum fuerit, xvj. id monstrabit uncias pro longitudine totius abdominis: ita ut umbilicus octo uncijs à pectoris scrobe, totidemque à pudendis, distet. Distet jx. uncias ab ilium loco utrinque, ubi ossium innominatorum extrema prominent. Profunditatem ab umbilico ad lumbos Spigelius statuit novem circiter vel x. unciarum: verum crescit id spatij, & decrescit pro ratione assumptorum. Posterius lumbi cum natibus longitudine xj. anthropometri uncias complebunt. Filum ab umbilico per ilia circumductum, si venter cibus debite sit distentus, trium pedum mensuram attingat oportet.

Hanc qui admodum excedunt, ventriosi sunt exemplo Aesopi, cujus vitam descripsit Maximus Planudes. Apud Physiognomos (licet signis à ventre petitis ultimus locus saltem assignetur ab Aristotele *Physiogn. c. ult.*) male audiunt, quibus, ut habet Persius *Satyr. i.*

Pinguis aqualiculus propenso sesquipede extat.

Minus solertes, ait Plinius l. xj. c. xxxvj. quibus obesissimus venter. Græcis in proverbium abiit:

Παχέα γαστήρ λεπτόν ἐ τίκτει νόον.

Pinguis venter subtilem non generat intellectum.

Præterea luxuriosos notat atque facinorosos. Neronem prominulo fuisse ventre, prodidit Suetonius. Plautus Pseudolum suum descripturus in *Pseudolo*, & Leonidam in *Asinaria*, illum ventriosum esse refert, hunc aliquantulum. Plato obesitatem suam ita odio habuit, ut castigare eam cum vitæ periculo studuerit. Quapropter elegit Academiam, ut refert Basilii *lib. de legev. ant. script.* Athenæum locum insaluberrimum, & inclementia aeris infamem, quo sarcinam illam animi inutilem perderet, aut attereret. Perhibuit Desid. Erasmus *lib. Adag.* Gordios creare regem consuevisse eum, qui inter ipsos foret maxime corpulentus: ubi contra Spartani consilio longe sapientiori obesos adeo oderunt, ut ipsos non solum ignominiosos reputarent, sed & injuncta legibus multa acer-

deplecterent. Plurarchus in *Catonis vita* notavit lepidum dictarium, quo is in præpinguem quendam luserat: Quomodo tale corpus, inquit, utile sit Reipublicæ, in quo, quod inter gulam & inguina interest spatij, omne occupat venter? Idem in *Apopht. Græc.* de Epaminonda Thebarum duce prodidit, quod is obesum militem in suo exercitu conspiciens, mox castris ipsum expulserit, addita hac sententia: Vix ter aut quatuor clypei tuum tegerent ventrem, per quem tua nunquam vidisti pudenda. Verum superant omnem crassitie turpitudinem duo Rabbi, quos vocant Iudæi, Ismael & Eleazar. Eos tam ventriosos fuisse retulit Michael Neander *Exot. Hebr.* ut cum in pedes consisterent, & faciebus sibi invicem obversis ventres conjungerent, bini boves inter ipsos, neutrum contingendo, transire potuerint.

Contra ventres macri multum conferunt ingenio: adeo ut fame coacti pauperes, animum ad varias artes inveniendas non tantum applicuerint, sed nec raro magnam inde laudem reportarint. Vnde merito Persius cecinit in præf. Satyr.

Magister artis ingenijque largitor

Venter.

Macilento ventre præditos olim oportet fuisse plerosque Philosophorum, quos apud Athenæum *lib. xij. Dipnosoph.* notat Antiphanes, vocando eos σοφιστὰς λεπτοὺς, ἀσitos, σκυτινὺς, sophistas macilentos, impastos, pellinos. Ipse M. Cicero corpore erat gracili atque macilento. Sfortiam ducem animosum ac fortem auctor est Iovius, ventre adeo restricto & castigato fuisse, ut angustissime cingeretur. Eiusmodi ventres ægrius perferunt purgationes catharticiis vehementioribus institutas. Vnde Hippocrates *l. De vet. medic.* prudenti medico figuras ventrum inspicere præcipiebat, & *ij. aph. xxxv.* Omnibus in morbis, inquit, partes quæ ad umbilicum & inum ventrem sunt, crassitudinem habere, præstat: valde vero tennes & labefactas esse, prævum. Sed hoc ipsum quoque ad infernas purgationes periculofum. Ventris tenuitati totius corporis gracilitas plerumque solet esse comes: quod si totum corpus nimis gracile fuerit, talia ab antiquis monogrammata dicebantur, ad modum literæ I, cujus longitudo quidem aliqua, at crassities exilis. Plautus *Amular. A. ij. S. vj.* curionem agnum describit his verbis:

Qui

Qui ossa atque pellis totus est, ita cura macet:

Quin exta inspicere in Sole etiam vivo licet.

Ita is pellucet quasi laterna Punica.

Punica enim seu Africanæ laternæ supra cæteras erant pellucidæ: unde scutilis seu hominibus plane excarnibus, & qui vix ossibus hærent, id nomen convenit. Auctor Carmin. liberi:

Cuius viscera non aperta Tuscus

Për pellem poterit videre haruspex.

Talis erat Philetas Cous apud Athenæum *lib. xij. cap. xxix.* qui ferreas vel plumbeas habebat soleas sub calceis, ne à ventis abriperetur. Et Arcestratus vates, qui captus ob hostibus & ad lancem appensus, inventus est habere pondus unius oboli. Ventris igitur figura non esto plana, multo minus concava, sed leniter à thorace fornicata: ne ex Plutarcho obiici possit illud Titi, Quintij in Philopœmenem, cuius habitum is cavillaturus: *Quam pulchras, inquit, manus Philopæmen, & crura habes: ventrem non habes.*

Umbilicus quibus loco motus est, pravum signum: adeoq; Io. Riolanus *l. ij. Enchir. Anat. c. xv.* jure considerare jubet, an umbilicus centrum ventris obtineat. Alioqui si pars infra umbilicum sit longior superiore, ilias morborum nascitur in ventre inferiore, quia vena umbilicalis brevior non sufficienter revellit iecur, quod pondere suo comprimit ventriculum & partes subditas. Ita, *quicunq; maius habent* auctoritate Philosophi *l. I. hygiegn. c. vi.* quod ab umbilico est usq; ad extremum pectoris eo, quod est ab extremitate pectoris usq; ad collum, voraces sunt & insensibiles. Voraces quidem, quoniam ventrem habent magnum, quo cibum appetunt. Insensibiles autem, quia angustum habent locum sensus, atque in artum reductum ab eo, qui recipit cibum, ita ut sensus graventur propter repletiones ciborum aut indigentiam. Præterea de situ umbilici notandum, natura ipsum potius latere parum, quam eminere debere: quod eminentia umbilici vix possit esse bonæ sanitatis indicina.

Lumbi validi atque offei viriles sunt: imbecilles, valdeque molles ad foeminas referuntur. Quod si tamen spinæ vertebrarum lumbalium nimia acutie promineant, timidos notant atque malitiosos. Lumbis in venere magna virtus: quare bene lumbosi ad certamen illud aptissimi. Sed & similitudine à canibus venaticis desumpta venationis studiosi sunt, ex mente Aristotelis *l. c.* Exemplum utriusque

utriusque effectus esto adamatus Veneri Adonis, cuius effigiem ex antiquis marmoribus delineari curavit Io. B. Porta *l. 2. Physiogn. human. c. xxx.* Fuerunt, quorum lumbi flagris indigebant ad excitandam libidinem: qua de re videatur epistola Cl. Viri Io. Henrici Meibomij, cui titulus: *De flagrorum usu in re venerea*. Excitantur etiam carminibus, unde Persius:

— Cum carmina lumbum

Intrant, & tenero scalpuntur ubi intima versu.

Denique motu frequentiori incalescunt, redduntque homines, exemplo equitum atque textricum, libidinosiores.

Coxarum ossa quibus bene apparent exterius, fortes sunt: quibus vix apparent ob gracilitatem, timidi & imbecilles. Nates mulierum natura magis carnosæ sunt, virorum magis ossæ. Quod si viro contigerint nates muliebres, animi quoque erit mulierarij: si graciles omnino & siccæ, quales simiis, versipellem ac malignum innuunt. Laticlunes Galenus *l. De decret. Hipp. & Platon.* frigidiores atque timidos esse asseruit. Athenienses olim erant ἀπόγλυτοι seu exilibus natibus præditi, cuius rei causam in rem nauticam conferunt, cui plerique dediti erant, & ob sedendi assiduitatem ἀπυρροι reddebantur. Confer Suidam, & Coel. Rhodiginum *l. j. v. c. v. ij.* Horatius improbat aridas nates *Epod. viij.*

Hicque turpis inter aridas nates

Podex, velut crudæ bovis.

Atque hæc de Ventre. Restant sola *puenda*, quorum proportio obscæna videbitur Catonibus quibusdam, qui res ab actionibus discernere nequeunt: cum res per se nulla turpis sit, sed actiones rebus patrata. Quod si omnino res turpes forent, nos hic ne res quidem exhibemus, sed verba tantum, quæ turpia haut esse, lepida ad Patum epistola ex mente Stoicorum monstravit Cicero. *l. j. Famil. xxij.* Cæterum quoscumque verba etiam offendunt, ut prætereant, quæ ad finem usque hujus capitis sequuntur, rogatos volumus.

PVDENDVM VIRILE pectini annexum pene constat, & testiculis. *Penis* est sica illa, quam gestare lex Cornelia non vetat, monstrare tamen interdum pudor prohibet. Innumeris fere titulis à Grajis, Latijque scriptoribus fuit insignitus, quorum sufficientem elenchum collegit C. Bauhinus *lib. de part. corp. ext. c. xij.* E latinis præcipua synonyma: Veretrum, Colis, Verpes, Mentula. Dividitur in partem

partem ventri affixam, atque dependentem: quarum hæc præfentis considerationis, & canali, glandeque constat. Glans detegi cute, canalis nequit. Variatur penis magnitudo ab affluxu & refluxu spirituum adeo, ut erigatur modo, modo retrahatur: retracti tamen, quam erecti, multo minor est. Vnde nasutulo cuidam, qui conspecta Herculis statua flaccido membro sculpta, artificem inepte reprehendebat, quod viro ingenti exiguum penem finxerit, responsum fuit: *Nec Dejanira adest, nec priapismo laboravit Hercules*. Erectum penem ad umbilicum protrahi scribit Camillus Baldus com. in *Physiogn. Arist. apotel.* 149. Cui consentit Spigelius l. j. *corp. hum. fabr. c. x. Penis erectus*, inquit, *in homine ætatis adultæ sex uncias obinet in longitudine, quatuor in ambitu*. Tribuerat autem paullo antea totidem uncias, ex sua hypothese, spatio ab umbilico ad ossa pubis. Hanc proportionem qui superant, mentulati dicuntur, Auctori Priapejorum: Græcisonobeli, quasi asini telum vibrantes, quod huic animali præ reliquis ingens priapus. Vnde asinum appellabat Commodus Cæsar hominem sibi familiarem, cui penis nimium in modum prominebat, referente Lampridio. Propterea facta comparatione Physiognomi, mentulatos stolidos, iustoque majorem verpam asinini notam ingenij esse contendunt. Præterea fœminas hi solent uterinis suffocationibus obnoxias reddere, quod longior mentula cervicem uteri nimis elongando in coitu, ligamenta ejus admodum laxat. Subiungit Spigelius l. c. *majorem mentulam replere potius vulvam mole, quam uterum fœcundo semine*: cum ineptior sit ad venerem, quam neque animose aggreditur, nec diu sustinet victis pondere musculis, qui rigidam hastam tenent. *Parvam* contra & salaciorem esse, & fœcundiozem, quod titillando cervicem uteri, magis proleat fœminarum semen, & diutissime pugnam perferat. Habet aliam adhuc ejus rei rationem Exc. Vir & paternæ æmulus gloriæ Dominicus de Marchettis, quam vide Anatom. cap. vj. ubi præterea asserit, brevitatem membri nihil ob stare, quominus ad orificium uteri pervenire possit: cum uterus in concubitu mediantibus ligamentis moveatur, & ad recipiendum semen maris ejaculatum ipse descendat. Lepida est observatio Io. Posthij: longiorem fieri mentulam ijs, qui caligis non utuntur, *Observ. anat. in Anat. Real di Columbi*. Hasta illa naturaliter recta prætenditur, nonnullis parumper inclinatur ad latera. Quibus dextrorsum, ad procreandas

das foemellas aptiores existimantur; quibus sinistrorsum vergit, frequentius filios generare: id quod tamen falsum esse deprehendit Io. B. Porta *l. ii. Physiogn. hum. c. xxxv*. In oblitreticum arbitrio posita est veretri diminutio, dum in lucem editur infans, si vera est opinio, quod præciso nimis breviter umbilico, urachus arteriarumque umbilicum par, quibus vesica atque mentula connexa sunt, sursum retrahitur. Io. Riolanus *l. v. Anthropogr. c. iv. Ad vitæ commodi atem valde conducit iusta & legitima umbilici præsectio, qui penis & uterius umbilici proportionem sequuntur*. Prodiderunt idem Petrus Aponeusis, Ioh. Posthius, C. Bauhinus, atque alii.

TESTES duæ sunt ad penis radicem appendices, quos proinde appendicula credidit Philosophus, ne vasa spermatica implicarentur, adiuncta eo modo, quo pondera textrices telis annectunt *l. i. Gen. anim. c. 4*. Colei etiam, aut Culei, & diminutive Testiculi dicuntur. ὄρχεις Græcis, sed Galeno honestiori vocabulo *σίδυμοι*, quia gemini. A similitudine *κόσμοι*, fabæ vocati fuerunt, testimonio Gellii *l. iv. Noct. Att. c. xi*. Eorum superior pars *κεφαλή*, caput: inferior *ποδμήν*, fundum dicitur Rusto Ephesio *lib. De corp. hum. part. appell. j. cap. xii*. Vaginæ cutaneæ includuntur, quæ *scrotum* vel *scortum* Celfo, *ὄρχως* Aristoteli *j. Hist. anim. xii*. ὄρχος Galeno, alijs *βύρσα*, bursa appellatur. Inest scroto cum testiculis motus, etsi non omnino voluntarius. Iuvenibus attrahitur magis, quam senibus: plerisque autem inter mingendum, atque in coitu. Cui semper laxum scrotum, *λακκορχος* Atheniensibus nominabatur, auctore Iulio Polluce in *Onomastico*. Plerisque item sinister coleus dextro magis propendulus. Parvos testes malorum morum indices opinatur Conciliator, magnos stolidi atque inertis hominis. Verum Porta rebur indicare hos contendit, quod testibus virilis vis insit. Lique hoc exemplo spadonum, quibus cum exsectis coleis virilitas una aufertur, barba non succrescit, vox effoeminata rediditur, animus ipse in muliebrem convertitur.

PVDENDI FOEMINEI commensum, Lector, cave expectes hic, cum nobis corporis perfecti symmetriam venari propositum sit: muliebrem autem corpus omne, quatenus tale, imperfectius est, & minus symmetrum: siquidem tota foemina aberratio naturæ æstimatur Philosopho, atque quædam impotentia, *l. iv. gen. anim. c. iij. & l. j. c. xx*. Describimus nos corpus, quod partium propor-

tionem omnibus numeris absolutam servat. Illud si non detur, cum in mundo nihil sit, ex omni parte beatum: arbitramur tamen cum Camillo Baldo *l. c. docum. j.* corpus virile summæ perfectioni esse proximum, muliebre uno adhuc gradu remotum, & propterea hoc tanquam minus mensuratum à nostra tractatione secludendum. Differentiam habitus feminei à masculo duabus figuris in æs incisis exhibuit Io. B. Porta *l. j. Plyphign. hzm. c. xij.* edit. Neapol. in fol. A. C. 1602. ut & Albertus Durerus lib. de hum. corporis proportionem: eandemque plenius explanare, alia vice nos quoque ad mentem Aristotelis tentabimus, qui *l. iv. Hist. Anim. c. xi.* solida ejus rei fundamenta jecisse videtur.

C A P. XXIII.

Symmetria cruris.

INferiores artus Aristoteles *l. i. Hist. anim. c. xv. σκέλη* vocat, Gaza crura interpretatus est. Aliis pes appellatur, aut pes magnus, ad pedis proprie dicti differentiam. Diuiditur Crus ad exemplum brachii, & auctoritate Galeni *l. De inaequal. in temper. c. ii.* in tres partes, totidemque articulos.

FEMVR incipit interius à pudendis ac perinaeo, quæ utrique femori interjacent: exterius à tubere osseo, quod insertio capitis femorei in suum acetabulum effingit. Caret hic articulus nomine, quamvis non desint, qui sumto à suo osse etymo coxendicem aut *ἰσχίον* nuncupent, unde ischiatico dolori nomen. Terminatur inferius articulo, quod genu dicitur. Genu constat duabus partibus, quarum superior *μύλη*, Cello patella, aliis rotula: inferior *ἰγύς*, poples nominatur. Grammatici interiores femoris partes femina dici volunt, quod Plinius *l. xxviii.* scribat: *Femina ateri equitati, notum est.* Qua de re Laurentius Valla *l. iv. c. 57.* Finxit inde suum Interfemineum Apulejus, qua voce verendas mulierum partes, veluti inter femina positas, signavit.

TIBIAE vox ambigua. Nonnullis os fibulae socium notat, quod quia cavum intus & oblongum, instrumento musico conficiendo aptum

aptum est, cui hodieque tibiæ nomen superstes. Horatius l. de arte:

*Tibia non, ut nunc orichalco vincta, tubæque
Æmula: sed tenuis, simplexque foramine paucò.*

Nobis mediam totius cruris partem notabit, cujus principium genu: finis articulus inferior, cujus interventu pedi jungitur. Articulus hic & ipse anonymus videtur, nisi ab osse rotundo, circa quod tibia inferius flectitur, *talum* appellemus. Falso enim quibusdam tali vocantur processus illi duo, qui utrinque eo loci prominent. Malleoli nanque hi sunt, Aristoteli *στυρά*, tali nullo modo. Videatur Galenus *com. ij. in l. De fractur.* Anterior pars tibiæ durior Aristoteli j. *Hist. Anim. xv. ἀντικνήμιον*, crea Gazæ: posterior *γαστροκνήμιον*, Latinis sura vocatur, quam soli homini datam censebat Plinius l. x. c. xxxvij. Reprehendit Iovem Momus, quod suram carne munierit, cream offendiculis expositam reliquerit ex carnem. Verum in promptu est pro Iove apologia, quod oculos eo sine in fronte geramus, ut ante prospicientes vitare offendicula possimus: retro non item.

PES abieciior animalis pars infimum in corpore locum obtinuit, cum tamen commodius locari non potuerit. In mundo, ait Galenus l. ij. De us. part. c. x. medium esse solem inter errantia sidera, infimum autem in animali pedem necessarium fuit. Partimur pedem in tarsum, metatarsum, & digitos. *Tarsi* vocabulum à Græcis desumptum, quibus *πυδίων* etiam hæc pars dicitur. Subsunt tarso ex mente Galeni l. i. cap. vi. tria ossa, quibus totum corpus innititur: talus seu astralagus, calx, & cymbiforme. Cutis tarso callosior atq; durior subtenditur. Metatarsus aut metapodium constat duabus partibus. Superior nervosa, Aristoteli sine nomine, recentioribus Dorsum pedis: interior Planta dicitur. Sustinetur metatarsus osse cubiformi, tribus cuneiformibus, & quinque proprijs. Cutis, quæ plantæ subtrahitur, mollior est ad monticulos usq; digitorum. Digni utrivis pedi numero quinque, suis muniti unguibus. Maximi omnium pollices, quos reliqui minori semper quantitate sequuntur. Dignos *μοροκαπντες* esse, seu uno flexu duntaxat adduci volebat Aristoteles: cum tamen ternis singuli ossibus, excepto pollice consent, totidemq; articulis nectantur.

Facta cruris in suas partes distributione, symmetria singularum in:

quirendæ nos accingamus. Totius cruris longitudo ternos pedes continet, adeoque reliquo corpori æqualis est. Femur longitudine xviii. uncias, tibia cum tarso totidem in anthropometro æquat. Filum supremo femori per perinæum & hypoglutides circumductum, xxi. est unciarum: suræ circumdatū mediæ, xiv. Respondere debet suræ *ambitus calcis quæ pes flectitur*, ut loqui amat Hieron. Cardanus l. xi. De subtil. rer. *unde creis mensura*. Pedis latitudo per plantam accepta, uncias quaternas complet. Longitudo capitur supposito anthropometro, more sutoribus consueto, dum parandorum calceorum mensuram explorant: continetque ea, ex sententia quidam Alberti Dureri *l. de proport. corp. hum.* duodecim uncias; seu quod idem est, capitis eum collo longitudinem adæquat. Ex xii. illis uncias tres minimum tarso, quinque plantæ, quatuor digitis atque ipsorum monticulis adscribuntur. Ungues singuli suorum articulorum mediam partem obtegunt. Animadversum quoque fuit, longitudinem pedis tantam esse, quanta fili ex tali articulo per plantam circumacti. Ab hoc cruris con-mensu quicunque recedunt, asymmetri pronuntiantur.

Quibus *crura* iusto *breviora*, pravorum morum sunt Polémoni *l. de nat. sign. interpr.* exemplo Sélimi Bajazetis F. Imperatoris Turcici, qui procera statura fuisse perhibetur, verum brevioribus cruribus, injuriarum memor, ingenio perfidus, præceps in averfam venerem. Quibus *longiora*, eos ut plurimum alvo esse fluentiore, multiplici observatum experientia à Spigelio *l. j. de corp. hum. fabr. c. 21*, Iccirco admonet ibidem medicos, ut cautiores sint in præscribendis purgantibus, nec validiora talibus offerant, quos facile in pericula conicere possunt. Sunt qui crurum proceritatem ad generandi officium in sexu muliebri conferre putant, referente Gasp. Bartholino *l. j. Instit. Anatom. c. 10*. Accidit cruribus *claudicatio*, quam Plinius claudiretatem dixit, si utrique non eadem sit mensura: sed ob luxationem, torsionem aut quodcunque aliud conformationis vitium, alterum altero brevius existat. Claudos salaces perhibet Aristoteles, ejusque rei causam *sect. j. de probi xxxij. et sect. x. de probl. xxvj.* assert, quod alimenti pars vitiatæ cruri destinata, ad genitalia membra sursum confluat, unde major seminis proventus. Adde quod ad motus violentiores inepti vitam plerumque sedentariam agunt, quæ paucissima assumptorum quantitas insensibili transpiratione

spiratione aut sudore diffilatur. Poetæ hoc videntur indicasse, fingendo Vulcanum maritum Veneris seu luxuriæ, claudum esse; & Antianira Amazonum regina, ut ex Theocriri interprete elicitur, auctor illius dicitur extitit: *Optime claudus init.* Conferatur Io. B. Porta *l. ij. Physiogn. hum. c. xlv.* Quin immo maximam partem scelerati sunt, exemplo Thersitæ Homericæ, & à quibus tanquam imminutis & superioris naturæ opere infortunatis, sibi cavere Alexandrum iussit Philosophus, vel alius ejus libri auctor. Lacedæmonibus ex oraculo Delphico responsum fuit, tunc eorum regnum casurum, quum claudus imperaret. Fuerunt tamen, qui corporis defectum virtutis studio rependere satagerunt. Sic Androclides Lacon crure debilis, cum bellatoribus se admiscens, à quibusdam prohiberetur veluti parum robustus, respondit: In aciem prodire oportet eos, qui de prælio cogitant, non de fuga. Notum est facinus Cœclitis Romani apud Livium, qui in ponte consistens sublicio, dum solus Hetruscorum impetum retundit, calamitatem in pede passus est. Ea quum sibi aliquando objectaretur: Per singulos, inquit, gradus admoneror triumphæ mei. Sic Marullum poetam Crinitus claudum fuisse prodidit.

Femora quibus ossæ & nervosa, sortes Aristoteli *l. Physiogn. c. jv.* quibus carnosa nimis & mollia mulierosi. Pythagoræ femur aureum fuit, quod nudatum aliquando cum vidissent discipuli, ipsum Apollinem hyperboreum esse opinati sunt, ex relatione Diogenis Laërtii *lib. 3.* Genua carnosa debilitatem formaticis ac mollitiem Aristoteli *l. ad Alex.* notant: & *l. Physiogn. c. ij. atque vj. γυναικῶν αἰνῶδες, κινᾶδι sunt, quorum genua crepant.* Non vero: quibus genua plana, ut habet versio vulgaris interpretis incerti. Horatius *Epod. viij.* propositurus exemplar sceminæ deformis, inter alias notat refert.

Femur tumentibus

Exile suris additum.

Tibia bene articulata cum suris ad tactum solidis atque deorsum tractis, argumenta sunt maximi roboris. Sic Laodamas Alcinoi Regis filius apud Homerum *Odyss. viij.* vires Ulyssis hospitis ex corporis notis conjectans tibia secundo mox loco numerat:

— οὐν γε μὲν ἔ κακός ἐστι ,
Μήρως τε , κνήμας τε ὑ ἄμφω χεῖρας ὑπερβει ,
Αὔχενά·σιβύρον· μέγα τε σθένος·

*Natura quidem non malus est ,
Nec femoribus , aut tibijs , aut ambabus manibus d·super ,
Aut cervice firma , aut ingenti robore .*

Tibiæ graciles & nervosæ in venerem proclives arguunt. Io.B.Por-
ta l.ij. Physiogn. c.44. Ego, inquit, *quamplurimos amicos habeo tibijs
gracilibus; ut avium vel locustarum potius, quam hominum videan-
tur: sunt autem isti immoderate & inextinguibilis luxuria.* Aristotelem
ipsum gracillimis tibiis & luxuriosum fuisse, ex Diogene Laertio
constat: Caligulam, Germanicum Drusi F. ac Domitianum, ex
Suetonio. Tibiæ figuram natura rectam esse oportet: quibus ex-
trorsum vergit ea ratione, qua pedes cancrorum solent, blessi, val-
gi aut vatij; quibus introrsum, vari aut rhæbi appellantur. In
Phœbum quendam distortis præditum tibiis, extat lepidissimum
epigramma Martialis lib. ij.

*Cum sint crura tibi, simulent quæ cornua Lunæ,
In rhytio poteras, Thæbe, lavare pedes.*

Πύτιον autem esse poculi genus cornu simile, & ad formam lunæ
crescentis incurvatum, auctor est Athenæus l. x. *Dipnosoph. c. xij.*
& l. xj. c. j. v. & xxvj. Quibuscunque ea quæ circa malleolos sunt,
nervosa & articulata, fortes secundum animam, ut loquar cum Phi-
losopho l. Physiogn. c. vj. referunturque ad masculinum genus: qui-
cunque autem malleolis carnosii sunt atque inarticulati, molles se-
cundum animam, & ad foemininum genus referuntur.

*Pedes longiores, à quibus Pedones dicti, Polemon ait innuere
hominem multa molientem, ac malorum artificem. Ita apud Plau-
tum Pseudol. A. jv. S. vij. Harpax descripturus vafritiem Pseudoli,
qui contra Simonem varia conabatur, admodum magnos ipsi in-
ter alia signa pedes tribuit, intelligendo procul dubio longos ac-
latos. Subijcit statim Simo:*

Perdidisti, postquam dixisti pedes.

Quicunque autem pedes parvos, strictos, inarticulatos habent,
delectabiliores visu, quam fortiores, molles sunt & foeminei, suffra-
gio ejusdem Aristotelis l. c. Pulchros, tenerosque pedes Telemacho
Homerus adscribit, quem Penelope apud Ovidium *Epist. j. Heroid.*
imbel-

imbellem nominat, licet postea reducem patrem in ulciscendis prociis adiuverit:

Tres sumus imbelles numero sine viribus: uxor,

Laertesque senex, Telemachusque puer.

Ego crederem similibus præditum pedibus fuisse disfluentem illum deliciis atque fractum, qui coram Galeno naturam insectari ausus est, quod non per pedes instituerit sæces effluere, sed per alvum. Nam cum grave ipsi esset, è lecto surgere reddendarum sæcum gratia: optabat ita esse constructus, ut solum pedem exerens, deponere in latrinam excrementa posset l. ij. de usu part. c. x. Valde carnosì, & crassi pedes fatuum indicant, & injuriarum amantem. omnis enim caro in membris redundans, intellectus subtilitati officit, lib. ad Alex. Pedes oportet esse rectos, non intortos aut curvos, quales Democidi apud Plutarchum. Is, cum sibi furto subreptæ essent crepidæ, precatus est Deos, ut ejus, qui abstulerat, pedibus convenirent. Non poterant autem convenire prius, quam pedes furis pedibus Democidis torsione similes redderentur. Præterea naturaliter cava paullulum est planta pedis, id quod indicium hominis honesti atque circumspècti esse putat M. Albertus. Quibuscunque vero planta σκαφονδης, nimium excavata scaphæ instar est, effœminati à Polemone existimantur. Quibus adeo plana, ut solum tota attingat, ploti olim, mox plauti vocati sunt. Versutos esse tales, facta ad vulpinos pedes comparatione Polemon atque Adamantius contendunt. M. Accius Vmber Comico- rum festivissimus à planitie pedum Plauti nomen adeptus est, testibus Festo atque Sexto Pompejo. Is quam lepida fuerit calliditate, fabulæ superstites abunde testantur. Ungues curti atque rotundi libidinosos manifestant: longiores & adunci, quales corvorum, rapacitatis indices. Dominicus de Rubeis Tabul. Physiognom. p. g. 137. Sed & milvis & aquilis similes: unde Plautus in coquos fures:


An tu invenire postulas quenquam coquum,

Nisi sit milvinis aut aquilinis ungulis.

Festus ex Catonis sententia refert, unguatos dici, qui magnos ungues habent, ac scabros: quod hi ungulis, quam unguibus simili- ores. Sed & scabrities unguium Polemoni veteratoris indicina: Medicis ungues scabri, contractiq; tabem prælagiunt. Ungues nigri, inquit Hippocrates viij. aph. xij. & digiti manuum ac pedum frigi- di.

di, contracti vel remissi, mortem proximam esse significant.

Denique apparent in planta pedis, perinde ut in fronte atque manu, lineæ planetariæ: quarum dispositio talis per traditionem nobis obtrigit. Quæ pollicis montem ambit, *Solaris* est: quæ reliquorum digitorum succingit, *Lunaris*. Sub his transversim decurrunt: *Saturnina*, *Iovialis*, *Martia*, & *Veneræ*, quæ tarso vicinior. Has quatuor transit *Mercurialis*, plerumque geminata, aut tergemina quibusdam. Videtis schema appositum.



C A P. XXV.

Anacephalaoſis.

AD umbilicum fere perducta eſt opella noſtra. Explicatae partes corporis cunctae, quae in oculos incurrunt, ſuaeque ſingulis proportio addita. Superest, ut more Rhetoribus uſitato, in ſummam colligentes quae dicta ſunt, ex omnibus membris inter ſe conjunctis integrum formemus hominem. Id quod ut commodius fiat, in medium prius aſſeremus catalogum, qui ſecundum tres diſſenſiones corporis; omnium partium ſymmetriam contineat. Et quoniam partes corporis humani pleraeque teretes ſunt, adeoque profunditas cum latitudine coincidit, aut ex peripheriae diametro facile colligitur: ideoque facta ſubſtitutione, has diſſenſionum ſpecies modo proponemus, Longitudinem, Latitudinem, Circumferentiam. Porro cum ſuperius tria inſtrumentorum genera attulerimus, Anthropometron, Filum, Circinum: quodnam ex his cuilibet diſſenſioni aptius ſit, literis A. F. C. indicaturi ſumus.

E L E N C H Y S A N T H R O P O M E T R V S.

Longitudo.		Latitudo.		Circumferentia,	
	Unc.		Unc.	ſolo file.	Unc.
Totius corporis	A. 72	Toti corp. ex paſſis brach.	72	Capitis per verticem & laryngem, per frontem & occiput, a larynge ad nucham.	
Capitis A.	10	Capitis A.	8		24
Capilli a fronte ad nucham F.	12	Capilli a trago uno ad alterum E.	16		24
Capil- li. { anteriſ A. 2 poſteriſ A. 7 interiorib. A. 5					24
Faciei ab antijs ad mentum A.	8	Faciei a trago uno ad alterum F.	12		
Frontis inter cinctus nos F.	8	Frontis ab antijs ad glabellam F.	ſere 3		
Oculi C.	2 $\frac{1}{2}$	Oculi C.	2 $\frac{1}{2}$	Oculi	8
				N	Naſi

Nasi totius C. fere 3	Nasi	{ superior ad glabellā C. 1	
Columna cum orbiculo C. 1 $\frac{1}{2}$		{ inferior ad labia C. 1 $\frac{1}{2}$	
Laborum a columna ad mentum C. fere 2	Prostomij C.	2	Laborum 8
Menti A. plus 1	Menti per marginem maxillae inferioris F. 2 $\frac{1}{2}$		Menti 8
Menti a labijs ad bucculam F. 2			
Genarū a mala dextra eminētia per bucculam ad sinistram F. 12	Genae a trago ad pinnam proximam F. 5		
Auricularum C. fere 3	Auricularum C. fere 2		Auricularum 8
Gutturis { contracti A. 2	Colli { superior A. 4		
{ extensi F. 4			
Cervicis { extensi A. 5			
{ contracti F. 3	inferior inter humores A. 10		Colli sub larynge 14
Epomidum F. 7			
Brachij totius A. 30			
Lacerti A. 12			Lacerti ppe humerū 12
Cubiti A. 10			Cubiti sub gibbere 11
Manus A. 8			
Vole manus C. plus 4	Palmae C. fere 4		
Dorsi manus C. fere 4			
Digit ⁹ { interi ⁹ C. fere 4			
medi ⁹ { exteri ⁹ C. plus 4			
Pectoris A. 8	Thoracis inter axillas A. 12		
Dorsi A. 13			
Laterum F. 9			
Abdominis totius A. 16	Abdominis F. 18		
Epigastrij A. 8			
Hypogastrij A. 8			
Lumborū cū natib. A. 11			
Penis erecti F. 8			
Cruoris totius A. 36			
Femoris A. 18			
Tibiae cum tarso A. 18			
Pedis A. 12	Planta A. 4		

Thoracis { inflati 37
 { remissi 36
 { efflati 35

Ventris per umbilicū, ilia & lumbos 36

Penis erecti 4

Femoris prope nates 22

Tibiae per suram 14

Tali per { tarsi 14

ambū { metatarsi 12

Appa-

Apparet ex præfenti indice admiranda proportio, qua numen divinum in fabricando corpore nostro usum est. Ea si cui non exactissima omni ex parte videatur, nostro saltem instituto erit sufficiens: cum non nisi à posteriori opera Creatoris nostri scrutari liceat, nec ipse quenkumque in consilium condendi primi hominis adhibuerit. Quod si quis ex hoc catalogo numeros pares excerpendi laborem suscipiat, gratissimam partium inter se harmoniam eliciet. Ita æqualis est longitudo faciei, frontis, manus, pectoris, epigastrii, hypogastrii. Aequalis latitudo frontis cum longitudine nasi, atque auricularum. Aequalis peripheria oculi, labiorum, menti, auricularum. Inter diversos numeros inveniet proportionem Arithmeticam & Geometricam, duplam, sesquialteram, sesquitertiam, Harmoniam diatessaron, diapente, Diapason: immo tot numerorum species à Pythagoricis olim animadversas, ut stupore res plenissima sit.

Nos interea, quo satisfiat etiam magis curiosis, & qui suo Marte delineare symmetram hominis imaginem in charta desiderant: qua ratione id ex hæcenus traditis perficiatur, compendiario ostensuri sumus. Itaque

I. Erigatur quadratum *a. b. c. d.* sufficientis magnitudinis.

II. Id dividatur in duas partes æquales linea *e. f.*

III. Linea *a. b.* discescatur in sex partes æquales, & illarum unica subdividatur in duodecim particulas, ut emergant pedes & uncia huic quadrato proportionati.

IV. Ex *e.* utrinque signentur sex uncia in *g. & h.* totidemque ex *f.* in *i. & k.* conjungendo lineis *g. & i. h. & k.* quæ latitudinem trunci definiant.

V. Capias circino distantiam *xij.* unciarum, eamque descendendo ex *e.* in *l.* virgula signes, pro capite atque collo.

VI. Ex *l.* in *m.* pro pectore nota aliam virgulam, ita ut inter se octonis uncis distent.

VII. Ex *m.* in *n.* aliam pro umbilico, & ex *n.* in *o.* aliam similis cum pectore distantia.

VIII. Ex *o.* in *p.* mensura octodecim uncias pro femore, reliquam tibia cum pede occupabit.


IX. Per *l.* ducito lineam *q. r.* parallelam lineæ *a. c.*

X. Huic ad distantiam duarum unciarum subducito parallelam aliam *s. t.* quibus duabus brachia circumscribantur.

XI. Ex *q.* & *r.* versus corpus, octo pones uncias in *u.* & *x.* pro manibus. Inde pro cubitis decem in *y.* & *z.* remanetque spatium lacertorum usque ad thoracem.


Ita absoluta erit ichnographia humani corporis antica, præcipua mensurandorum membrorum loca designans, cujus cellulis postea musculorū tori aptis linearum ductibus inscribi, adumbrarique possunt. Faciei, manuum, ac pedum elaboratio accuratior una cum suis lineolis in superioribus jam proposita fuit, quorsum nos remittimus. Interim contemplare effigiem hominis symmetri anticam.

Homo Symmetrus facie antica.



Posticam hominis ichnographiam conficies, eadem observando præcepta: nisi quod ex colli loco, qui litera L. modo respondebat, pro longitudine dorsi tredecim uncias deorsum assignes, ut pro lumbis atque coxis undecim relinquatur. Figura apposita res tota patefceret.

Homo Symmetrus facie postica.



C. A. P. XXVI.

Doctrina navorum.

Convivatores genialiter excepturi hospites suos, postquam epulis exempta fames, bellaria apponere solent, quorum usu pro varia hominū inclinatione aut stomachus roboretur, aut cōcilietur halitui gratus odor aut sitis acius provocetur: sed & si quis ceteris magis famelicus adsit, ut habeat is, quo defectū mensarum primarum sarciat. Imitabimur hos pro virili, cum magnopere vereamur, ut appetitui omnium, dapibus hactenus appositis sit satisfactum. Onerabunt secundam mensam, si ornare nequeunt. *navi* cuticulæ humanæ connascentes, quorum recondita doctrina Anthropometriæ nō parum affinis esse videtur, etsi quam paucissimis explicata scriptoribus. Melampus Medicus Atheniensis Amythaonis Argivi & Dorippes filius, parens autem Theoclymeni vatis, auctore Homero *Odyss. xv. v. 223.* cuius fama, ut tradit Plinius *l. xxv. c. v.* divinationis artibus nota est, primus omnium videtur solerti quadam industria, quid navi in qua; corporis parte significarent edocuisse. Extat ejus *De navis corporis* tractatus, ex Græco in Latinum versus à Nicolao Petrejo Corcyraeo, qui una cum similibus libellis Venetijs prodijt A. C. 1552. Multo post tempore inter Arabes Haly Abenragel librum *De judicijs astror.* composuit, quo circa eandem artem aliquid molitus est. Eum librum ex Arabico in Hispanicum idioma, jussu Alphonsi Romanorum & Castiliæ Regis, transtulit Yhuda Fil. Muscæ. Ex Hispanico in Latinum verterunt Aegidius de Tebaldis Parmensis aulae imperatoris Notarius, & Petrus de Regio aulae ejusdem Protonotarius. Extat impressum opus Venetijs A. C. cIo Io xx. Inter Latinos circumfertur tractatulus cujusdam Merlini Britannici, qui tamen obscure & depravate satis loquitur. Suscepit argumentum hoc clarius exponendum Io. B. Porta *l. Physiogn. human. v. c. xlv. & lib. Physiogn. cælest. jv. integro.* Verum enimvero omnium nuperrime scripsit hac de re maximi nominis & admirabilis doctrinæ Vir Ludovicus Septalius Mediolanensis, qui non tantum mutilam antiquorum doctrinam correxit & perfecit: sed rationibus quoque philosophicis argutissime roboravit. Vsu

venit

venit inde, ut ejus liber *De navis* postea, quam Mediolani A. C. clō 10c xvi11. primum in lucem prodisset, toties repetitis typis impressus sit. His ducibus & comite propria experientia nos quoque compendiarium non minus, quam accuratam nævorum doctrinam proposituri sumus.

In facie quorundam hominum nævos apparere in vulgus constat. Eorum alij tenello fœtui in utero materno imprimuntur, alij post ortum demum adveniunt. Adventitiorum nulla scientia aut analogia, sed connatorum duntaxat. Connatorum nonnulli eminentes sunt verrucarum instar: alii latiusculi cum tumore vix sensibili: alij denique cuti plane æquales, cujusmodi lenticulæ radiorum solarium æstu provocatæ esse consueverunt. Quin immo Aristoteles l. vj. *Hist. Anim. c. vj.* hæreditarios quosdam nævos agnovit, de quibus hoc pacto fermocinatur: *Gignuntur læsi quoq; ex læsis, velut claudi ex claudis, & cæci ex cæcis. Deniq; similes sæpenumero in re, quæ præter naturam comitetur, & signa habentes sibi cognata hæreditaria, ut cūmata & idæ, verrucas seu nævos & cicatrices. Iam tale quid vel tertia prole post regeneratum est, ut cum quidam suo in brachio puncti notam haberet, filius non id retulit, sed nepos, ea corporis parte nigritiem quandam habens confusam, prodijt.* Plusculi si fuerint in uno corporis loco nævi, figuram aliquā præ se ferre solent. Ita, referente Suetonio c. lxxx. Octaviano Cæsari dispersæ per pectus atque alvum genitivæ notæ in modum & ordinem stellarum cælestis ursæ fuerunt. Versantur circa hos nævos diversi artifices. Naturalis scientiæ studiosi causas eorum ex imaginatione matris, aut impressione forti alicujus Planetæ nativitatis, conceptusvè momento facta scrutantur. Quare legatur Haly Abenragel lib. de judic. astror. part. ij. c. xxx. ubi à Luna prave posita pelli turpia signalia imprimi docet, sicut *porrus & dedo*: quibus vocibus barbari utuntur interpretes. Medici ipsos cosmeticis infestant, & varijs artibus extirpare conantur. Nos in præsentī, quamnam inter se in corpore proportionem retineant, inquisituri sumus, quum jactu plane fortuito per corpus ita sparfos fuisse, rationi dissonet. Divinatione vero judiciaria, qua significationes nævorum de hominis fortuna vel miseria expenduntur, quamq; Melampus atque alij imprimis profecuti sū, hac vice supersedebimus.

Nititur autem totum negotium unico fundamento illius consensu, quo pars corporis una alteri respondet: adeo ut quousquisq;

tusquisque hunc norit, consensum navorum ignorare nequeat. Porro quoniam facies speculi instar est, in quo ceterarum partium omnium harmonia relucet: annitendum manibus, pedibusque fuerit, ut qualis illa sit, ex intimis scientiæ penetralibus eruamus. Duplex autem invenitur, si rem exactiore mentis statera perpendimus: Harmonia scilicet proportionis, & similitudinis. *Proportio* in sola membrorum mensura consistit, *similitudo* in quibusvis alijs accidentibus. Ita si dixerò, fronti cum pectore consensum esse, quod sicut illa est tertia faciei pars, ita hæc tertia totius trunci: hæc erit harmonia proportionis. Sin coxas cum malis conferam, quod utræque sint numero binæ, forma rotundæ, carnosæ: hæc similitudinis solummodo harmonia vocari meretur. Non tamen nesciendum, quasdam partes alterutram tantum, alias utramque servare harmoniam. Si prius, incertior erit navorum quoque concordantia: si posterius, ipsa erit certissima. Sic mentulæ cum naso intercedit consensus non tantum, quod hic faciei, illa erecta a trunci triplam obtinet proportionem: verum etiam, quod utrique figuræ aliqua similitudo communis est. Videtur hanc membrorum harmoniam intento digito monstrasse ipse Philosophus, dum l. j. *Hist. anim. c. xv.* in hæc verba prorumpit: *Habet sane homo suas partes ita dispositas, ut in eo & superius sit & inferius, & prius & posterius, & dextrum & sinistrum. Constat sane dextrum & sinistrum ex similibus fere partibus, atque eisdem. Verum sinistra omnia sunt imbecilliora, at posteriora prioribus, & superiora inferioribus discrepant: præterquam quod inferiora similitudinem superiorum preferre ea ratione dixerim, qua venter imus respondere solet faciei in corpulentia vel gracilitate: & crura cum brachijs communem inveniunt rationem. Itaque, quibus cubiti breves, ijs etiam femora magna ex parte brevia sunt: & quibus pedes exigui, ijs manus quoque parvæ habentur.*


Respondent profecto inter se I. FRONS & THORAX. Pectus pars frontis plana a. refert, lateribus extremæ ad tempora b. reflexæ conveniunt. Quæ antijs c. propior, refert eam pectoris, quæ jugulo vicina: glabellæ d. præcordia respondent. Sic regio media, quæ binis eminentijs in quibusdam protuberat, mamillarum præ se fert figuram. Notatu tamen dignum, quod Septalius observavit, nævum in fronte non raro focium in metaphreno habere seu interscapilio, cum id quoque pars thoracis sit.

II. SUPERCILIA *c.* & SCAPVLAE. Quemadmodum autem supercilia dividuntur in principium, quod naso proximum, in arcum, & finem: ita scapularum alia pars anterior, alia summa, posterior alia. Hinc nāvo in principio supercilij constituto respondet alius in scapulæ parte anteriore, versus confinia nimirum pectoris: in arcu sito alius respondebit in acromio: finem supercilij occupanti alius in postica parte scapulæ. III. CAVVM OCULI *f.* & AXILLAE. Quod si nāvus ad angulum internum propius accesserit, nāvus socius pectori quoque vicinior erit: sin ad externum, dorso. IV. Oculi & testes, sicut PALPEBRAE *g.* & SCROTVM, obseruata etiam dextri-, sinistrique ratione. Et quidem palpebra superior partem scroti anticam: inferior eam quæ anum spectat, refert. V. NASVS & PENIS. Quin & obseruandæ sunt tres utriusque regiones: radix *b.* medium *i.* & extremū *k.* quod in illo orbiculus, in hocce glans præputio testæ vocatur. Sunt qui ex narium figura coleorum quantitatem colligunt, & columnam futuræ scroti intermediæ respondere contendunt. VI. MALAE *l.* & COXAE. Quod si nāvus naso perquam vicinus appareat, socium habebit peni aut vicinum; aut omnino inhaerentē, quod aliquando accidit. VII. CAPITA MANDIBVLAE *m.* & LVMBI. Capitibus mādibulæ accensetur pars genæ a lobo auricularum ad prominentias usque circulo descripta. VIII. BVCCA & ABDOMEN. Et quoniam in abdomine sunt latera, pubes, & umbilicus: illis bucca *n.* gemina, isti menti apex *o.* huic commissura menti *p.* cum labio inferno consentit. Haut desunt tamen, qui nāvum in meditullio genæ constitutum repræsentare umbilicum velint: qua in re ipse sibi non conflat Septalius. IX. LABIA *q.* & ANVS. Labium autem superius cum imbricatum sit, PHILTRVM illud *r.* PERINAEO, quod anum a scroto interlinguit, opportune respondit. X. AVRES, & BRACHIA. Ita quidem, ut pinna *s.* lacertum: lobus *t.* cubitum: conchæ latus internum *u.* volam manus; externum, præ se dorsum ferat. XI. BRACHIA & CRVRA. Concordant autem invicem lacerati *1.* & femora: cubiti *2.* & tibiæ: manus *3.* & pedes cum suis digitis. Atque hæc de faciei partibus, quæ cæterarum veluti epitome aut index est.

Verum quid de *nāvis colli* sentiendum? Collum pedibus respondere *ex* Pinio supra fuit disputatum, qui *l. xj. c. iij.* longa cru-

ra esse scribit, quibus longa colla, exemplo ciconiæ, gruis, cervi, & quorundam hominum. Contendunt alij, semicirculos asperæ arteriæ cartilagineos costas referre, epomides latera aut ilia, cervicem lumbos. Equidem memini me aliquoties pronunciare, conspecta in sinistro cervicis latere verruca genitiva, sociam ejus lumborum sinistræ eminentiæ inhærere: quod judicium experientia confirmavit. Ulterius tamen in rei veritatem anquirendum censeo.

Interim, quo obvia cuncta fiant, & unico comprehendantur intuitu, primaria nævorum loca binis figuris, quibus literæ communes sunt, exprimere allaboravimus. Tu Lector, aspice & judica.



**HARMONIA NÆ-
VORVM.**

Quæ dicta hucusque de nævis & picta sunt, masculino sexui non modo, sed & foemineo conveniunt: si quis honesto sciendi desiderio detentus, nullam naturæ partem philosophico excludere velit studio. *In muliere quemcumque in naso situm nævus habebit, eundem alius in labijs naturæ occupabit*, auctoritate Septalii l. c. *Quod si in pinnula nasi consistit, fere in superiori parte, ubi nymphæ enascuntur, invenietur*. Non tamen ignorandum, arvum genitale in foeminis, præter nasum, frequentissime ab ore ipso demonstrari, cujus labra nescio quid simile ad naturæ alas præ se ferunt. *Pudendi muliebris proportionem plerumque ab ore licet desumere*, inquit Spigelius, l. j. corp. hum. fabr. c. x. multiplicique experientia à sese observatum asserit, omnibus crassis & pinguibus, mammalque & ventrem amplum habentibus, amplas quoque esse vulvas. Contra, quibus mammae depressæ aut parvæ, os quoque parvum, mentumque acutum & labia parva sunt: ijs strictam esse & angustiores vulvam. Calculum suum adijcit auctor incertus illius distichi:

Noscitur ex labijs, quantum sit virginis antrum:

Noscitur ex naso, quanta sit hasta viri.

Concludimus doctrinam hanc admonitione Philosophi lib. ij. *De part. animal.* ubi res naturales interdum fallere prædicat, quod exemplo ipsius naturæ aberrantis in monstrorum productione patet. Vnde mirum non est, si nævorum quoque isthæc harmonia aliquando sibi non consonet, sed ab interventu causæ incognitæ situs ipsorum adeo invertatur, ut divinantem quandoque destituat: cum difficile sit, testimonio ipsius Galeni l. ij. *De compos. medic. sec. loc. c. j.* ut qui homo est, in multis non erret. Nobis, si pultem non attigimus, vitrum lambisse sufficiat.

F I N I S.

V. CL. D.

IOAN. SIGISMVND
ELSHOLTIO

MARCHICO, PHIL. ATQ; MED. D.

Anthropometriam vulganti.

NE dubites homini fuerit quam certa venustas,
Cui varium artificis norma peregit opus.
Praxitelis Phidiæque peritia nota colossis.
Hoc parvo mira traditur arte libro.
Marmora deficient feris progressibus ævi:
Æternum chartis durat in orbe decus.

Erasmus Bartholinus

Incl. Nat. Germ. Theol. Phil.

ac Medic. Patauï Consiliarius.

QUæ Capitolinus, cælo protentus Apollo,
Quæ Pompejanus signa, Lyssippe, refert?
Artis & immensæ produnt miracula molis,
Cui natura parem sollicitata negat.
Lindius extollat Rhodiæ fragmenta columnæ,
Quam tremulus terræ strauit hiatus humi.
At ratio partis fuerit quæcunque, magistrum
Aequa probat: modulo nil sine forma valet.
Romanis veterum statuis proportio constet:
Regula Germani certior arte patet.

Ioannes Rhodius.

AUdacior dimeriente nos totos
ELSHOLTIO non alter extat hoc nostro:

Nec ullus alter extitit, nec extabit.

Quorsum vide nunc sis redacta Natura,

Devicta serva, legibus, stylo, norma

Obtemperare iussa te reformantis!

Nullos deinde procreare Cyclopas.

Nullos licet Titanas. En Gigantea

Absurda gens est, & fuganda de mando.

Ei dedecet prorsus propago Pygmæa.

Novi mariti, vos habere mensuram

Proli creanda: convenit bonam & iustam.

Videte, ne proluxius caput surgat.

Nè nasus extet, nè tumescat abdomen:

Nè claudiet pes curtus, aut quod ad ventrem

Appenditur desit, minusve sit rectum.

Vires Apelles hic suas recognoscet,

Zeuxesque discet: saxeique Pollucis,

Et Castoris magister ille Romani

Nunc rectius præstantiam sciet scalpri,

Ei Rex Tyri scietus faber puellarum.

Sic illigatus anguium pater spiris

Cum filijs probabit omnibus famam

Miraculi: parem probabit Alcides

Farnesianus, & tuebitur tauro

Annexa sevas virgo Græca per fratres.

Miser Promethen, cur ligatus ad rupem

Cor præbuisit vulturi renaturum,

Vix à pio Cyllenio resolvendus?

Tu scilicet formaveras luri glebas,

Et igneas ex Solis orbe surreptas

Animas dedisti: Culpæ quæ fuit tanta?

Nos pandimus secreta tota Natura,

Et magna parva, summa & ima monstramus,

Depingimus, celamus, & damus leges:

Proportionum distributa momenta,

Veras amusses, regulas Polycleti.

Et

Et igne de cælestibus focis raptio
 Animamus opera nostra. Marmorum spirans
 Vitam figura, gens velit loqui picta.
 Humana sic ars afflat orta de cælo.
 ELSHOLTIVS transfundit. Ille, qui nescit
 Iovis mereri, vel timere vindictam:
 Qui jus habet divina dona vulgandi,
 Deo favente, comprobante Natura.
 Dine volucres hinc abite. Se roster
 Tuetur ipse, par honore, par forma
 Cyllenio, sed major arduis armis:
 Harpeque calamo cedat, & stylo virga.
 Et ne quid undequaque desit, en vates
 Apollo res dat abditas revelare:
 Sunt signa per quæ novit intimos mores,
 Et lineis sortes adumbrat, & punctis.
 Sat est, amico, cedimus. Nimis magna
 Nos opprimunt, & sinciput minus nostrum.
 Ex arte ductum est, Mercurique non frontem
 Ullus charact'r faustus, aut manum finit:
 Nec pes beatus exaratus est sulcis.
 O abstine normam precamur a nobis,
 Et quære quos examines magis rectos,
 Mensor severe: mensor apte, qui Phœbus
 Dimetiavis, & novem simul Musas.

In re seria lusi
 amicitia, memoria & honoris causa
 Patavij M DC LIV.

MICH. KIRSTENIUS.

Scripsisti navos sine navis , Optime Amice ;
Structuramque hominis mensus es egregie .

Durerum hoc superas , illoque Melampoda vincis :
Rara hæc , vixque ullo tempore nota fatis .

Pro meritis Sors divitias promittit , honores
Patria , & æternas Fama sonora tubas .

L. M. Q.

Christianus Menzelius.



Typo

Typographus Lectori .


IN secunda figura , qua capitis symmetria exprimitur , sculptor Auctoris mentem aut parum , aut non exacte affecutus est . Vnde ipsam hic pro perfecta non agnoscit , sed emendatiorem proxime pollicetur . Interea qui in textu ipso resisterunt errores , ita corrigantur .

P. L.

- 11. 6. *tervunt l. terunt*
- 13. 11. *quadrata l. quadrata*
- 18. 24. *tria l. in tria*
- 20. 14. *c. vxj. l. c. xxj.*
- 23. 5. *legunt : xvj. cubitorum*
- 24. 34. *pumilionū l. pumilionū*
- 25. 13. *Stature l. statura*
- 25. 25. *propriet l. proprie*
- 25. 28. *serva l. servat*
- 26. 9. *con- l. conve-*
- 26. 27. *fit l. fit*
- 30. 25. *Filipp. l. Philipp.*
- 38. 21. *sane l. saltem*
- 39. 14. *fontis l. frontis*
- 40. 16. *virum l. virum*
- 42. 7. *obsico l. obstita*
- 42. 13. *judicio l. indicio*

P. L.

- 44. 23. *sui l. suo*
- 45. 2. *discolares l. discolores*
- 45. 31. *alterius l. alterutrum*
- 47. 11. *mentum l. meatum*
- 49. 15. *qibus l. quibus*
- 50. 12. *ditur l. dicitur*
- 52. 28. *labio l. hoc labio*
- 52. 30. *hunc l. hinc*
- 55. 26. *fit l. fit*
- 56. 3. *c. p. l. c. x.*
- 58. 37. *duarum l. duarum prope*
- 61. 5. *exploraturus l. exploraturo*
- 63. 4. *symmetricam l. symmetram*
- 63. 6. *symmetricum l. symmetrum*
- 68. 12. *peribentur l. peribentur*
- 71. 21. *metaphremū l. metaphremū*
- 71. 30. *dares l. Dares*



mint

SE

30. III. 24

10. IV. 3635

